

Siunnersummut oqaaseqaatit

Oqaaseqaatit nalinginnaasut

1. Aallarniut

1.1 Siunnersummut tunulviaqutaasut pingarnerit

Siunnersummut tunulviaqutaasoq pingarneq tassaavoq Naalakkersuisut kissaateqarnerat filmiliortarnermik inuussutissarsiutit nukittorsaavagineqarnissaat, inatsisiliornikkut Kalaallit Nunaanni filmiliortarnermut killiliussanik aalajangersaanikkut. Tamanna ilaatigut atuarneqarsinnaavoq nassuaasiami “*Inassuteqaatit qanoq aaqqissuussinikkut Kalaallit Nuaanni filmiliortarnerup nukittorsaavagineqarnissaa pillugu*”, Naalakkersuisut Inatsisartunut maj 2023-imí agguataanni.

Nassuaasiaq suliarineqarpoq UPA 2022/75-ip “*Inatsisartut aalajangiiffigisassaattut siunnersuut, Naalakkersuisut peqquneqassasut suleqatigiissitamik pilersitsissasut Kalaallit Nunaanni filmiliortartut silarsuaata qanoq nukittorsarsinnaaneranut innersuussuteqartussanik. Naalakkersuisut sapinngisaq tamaat suleqatigiissitami attuumassuteqartut peqataatissavaat. Siunnersuutit UPA 2023-mi saqqummiunneqassapput.*

” Malitsigisaanik suliassap ingerlatseqqinnerani. Aalajangiiffigisassatut siunnersuut akuersissutigineqarpoq.

Nassuaasiami suleqatigiissitamit pilersinneqartumit (tulliuttuni taaneqartartoq “filmiliornermut atatillugu suleqatigiissitaq”) inassuteqaatit arlaqartut immikkoortitserneqarput sammisanut Inatsisiliorneq, Ingerlatsineq aamma Sakkussat. Inatsisiliornermut atatillugu nassuaasiami inassutigineqarpoq filmiliornermik suliassaqarfimmí inatsisit marluk pisariaqartinnejartut. Siulleq tassaassaaq Inatsisartut filmiliortarnermut inatsisaat aappaalu aningaasartuutit ilaannik matussusiilluni tapiissuteqartarneq.

Filmiliortarneq pillugu inatsisiliornissamik siunnersuuteqarneq pillugu nalunaarneqarpoq: “*Inatsimmi killiliussanik pilersitsisoqassaaq filmiliornermi politikki kissaatigineqartoq pillugu. Filmiliorneq pillugu inatsit oqariartortuovoq nunami oqartussat niuernikkut killiliussatut aaqqissuussinertigut filmiliornermut atatillugu anguniagassanik aalajangersimasunik pilersitsinerannik.*

Filmiliornermut inatsimmi nalinginnaasunik ilaasarpot filmiliortarneq pillugu aalajangersakkat, filmiliornermut aningaasaateqarfimmí atasut. Filmiliornerlu pillugu inatsisit ilanggullugu pilersitsisinnaavoq killiliussatut atugassarititaasussanik nunani allamiut Kalaallit Nunaanni filmiliortarneranni. Aamma filmiliorneq pillugu inatsimmiittarput Filminstituttimut killiliussat, aammalu filmkommissioni pillugit aalajangersakkat.

Filminstitutti nalinginnaasumik suliassaqartapoq piginnaanillit ineriertorteqqinnissaannik, kiisalu filminik nioqqutissiorneq nassiuussuisarnerlu kalaallit filmiliaannik suliaagajullutik. Tamakkua tassaasinnaapput filmit isiginnaagassiat, animationi atorlugu filmiliat imaluunniit naatsunik filmiliat. Kiisalu aamma filminstituttimit suliassaavoq qularnaarisarneq ilisarititsisarnernik sulianillu ersittumiititsiniartarneq, filmfestivaalini peqataanertigut tapersersuisarnikkut ingerlanneqartartoq.

Filmkommissionip suliassarisinnaavaa Kalaallit Nunaanni sumiiffinni tamani locations-inik takoqusaarisarneq nunani allamiut filmiliortarnerannut atatillugu. Filmkommissioni festivalini filminillu niuerfinni amerlasuuni peqataasartussaavoq. Film.gl maanna qanittumik suleqateqareerpoq Nunani Avannarlerni tamani filmkommissioninik.”

Siunnersuutigineqartumut Inatsisartut inatsisissaannut atatillugu aningaasartuutinik utertitsisarnermik aaqqissuussinermut imaattunik oqaaseqaateqartoqarpoq:

”Aningaasartuutinik utertitsisarnermut inatsimmi aalajangersarneqassapput aningaasartuutinik matussusiilluni utertitsisarnermut inatsimmi piumasaqaataasussat. Pingaaruteqarpoq piumasaqartoqarnissaa sulisunik kalaallinik atuisoqartarnissaanik sapinngisamik annertunerpaamik. Kiisalu aningaasartuutinut matussutissanik utertitsisarnerup annertussusissaai inatsimmi aalajangerneqassaaq. Nunani eqqatsinniittuni nalinginnaavoq 25 %-inik utertitsisarneq, taamaattumillu siunnersuuteqarnissaq 25 %-inik piviusorsiortuuvoq.

Nalinginnaavoq aaqqissuussisarneq filmiliortut ukiuni pineqartumi Kalaallit Nunaanni aningaasartuutiminnik uppernarsaasiisarnissaat. Filmimik nioqqutissiortut aningaasartuutimi ilaanni utertitsivigineqartussaatitaappata aningaasat utertinneqartut ukiut aappaanni akilerneqartarput. Taamaasilluni taamaallaat Kalaallit Nunaanni aningaasartuutigineqarsimasut ilaat utertinneqartarput.

Maanna inatsisitsinni atuuttuni aningaasartuutaareersunut matussutissatut utertitsisarnermik inatsisini atuuttuni peqareerpoq. Ukiuni arlaqalersuni aningaasanut inatsimmi oqaasertaliisoqartapoq aalajangersakkanik aningaasartuutinut matussutissatut utertitsisarneq pillugu. Aningaasanut inatsimmi oqaasertaliussaq pineqartoq kontutut siunertamut 24.10. -mut atavoq, akileraarutit toqqaannartut. Aaqqissuussineq ilisimaneqarpiangilaq aaqqissuussinerlu atorpiarsinnaanani. Taamaattumik aningaasanut inatsimmi aalajangersagaq taanna pineqartoq piaartumik peertariaqarpoq (kingusinnerpaamik 2024-imut aningaasanut inatsimmi, aningaasartuutinullu matussutissanik utertitsisarnermut inatsimmik maanna aaqqissuussineq taarserneqarluni.”

Naalakkersuisut inatsisiliornikkut suliniutissat marluk pineqartut pillugit nalunaarusiami imaattunik oqaaseqaateqarput:

”Filmiliortarnermut inatsisiliornissaq pillugu

Naalakkersuisut pilersaarutigaat suliamik aallartitsinissaq, filmiliortarnermut inatsisiliornissamut siunnersuummik suliaqarlutik, ilaatigut imaqtussamik malittarisassanik filminstitutti aamma filmiliortarneq pillugu ingerlatsivimmik (eqqortumik taallugu “filmkommissioni”) pilersitsinissat

siunnerfigalugit malittarisassanik imaqartussamik. Periarfissaannngilaq siunnersuummik pineqartumik suliaqartoqarsinnaanissaa suleqatigiissitami piffissalersuinerup nammineq iluani. Inatsisiliornissamut piareersaataasunik suliaqarneq pingaarnertut inatsisaasussaq eqqarsaatigalugu minnerpaamik ukiumik ataatsimik sivisussuseqassaaq. Kiisalu aamma filmiliortarnermut inatsisissatut siunnersuummik suliaqarnermi aningaasanut inatsisissatut siunnersuusiornermut ataqtigiissaarineq ingerlanneqartussaavoq.

Utertitsilluni aningaasartuutit ilaannut matussusiisarnermut inatsit Naalakkersuisut maluginiarpaat suleqatigiissitaq isumaqartoq maanna aningaasartuutinik matussusiisarnermk aqqissuussineq atuuttoq naammanngitsoq, tak. kontumut pingaarnermut 24.10. Toqqaannartunik akileraarutit. Suleqatigiissitap oqaatigiumavaa aqqissuussineq pineqartoq ilisimaneqanngimmat, aqqissuussinerlu atorinneq ajornarmat. Tamanna Naalakkersuisut tusaattissatut tiguaat.

Naalakkersuisut inassutigaat tamanna ersarinnerusumik misissorneqassasoq, aqqissuussineq pitsangorsarneqarsinnaanersoq eqqarsaatigalugu, imaluunniit nutaamik aqqissuussiumalluni, filmiliortartunut isumaqarnerusumik. Tamatumunngalu atatillugu nalilersuisoqarumaarpoq pissusissamisoornersoq malittarisassiorissaq, matumani aamma inatsisitigut. ”

Pineqartullu saniatigut aamma kingornagut Inatsisartuni aalajangiiffisassatut siunnersuuteqartoqarpoq filmiliornermk ingerlatsisarernut tunngasuni, aamma inatsisiliornissamik siuarsaasinnaaneq eqqarsaatigalugu.

Inatsisartut 2023-imi ukiakkut ataatsimiinneranni oqaluuserisassami UKA 2023/46-mi aalajangiiffisassatut siunnersuut imaattoq suliarineqarpoq: ”*Filmiliortarneq pillugu Inatsisartut inatsisissaannik Naalakkersuisut saqqummiussinissamik peqquneqarnissaannik Inatsisartut aalajangiiffisassattut siunnersuut. Inatsisissatut siunnersuut kingusinnerpaamik UKA2024-mi Inatsisartunut saqqummiunneqassaaq.*” Aalajangiiffisassatut siunnersuut akuersissutigineqarpoq. Siunnersuullu taamaasilluni aalajangiussaq taanna aallaavigalugu suliarineqarpoq.

Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaata UKA 2023/46 -ip aappassaaneerneqarnerani isumaliutissiisummi ilaatigut imaattut oqaatigai: ”*Taanna pillugu ima oqaaseqaateqartoqarpoq inatsisissatut siunnersuut aqqutigalugu tassungalu aningaasaliissuit aqqutigalugit filmiliortarnermut tapersersuineq annertusarneqassasoq. Siunnersuutip ilusiligaanera siullermeerinninnermi sammineqarluartut ilagaat, tassa nunanit allaneersut Kalaallit Nunaanni filmiliortarnerannik qanoq annertusaasoqarsinnaanersoq, kisiannili aamma piumasaqaatit suussanersut, soorlu akiliutit, siunnersuummut ilanngunneqarsinnaanersut. Sooq nunanit allamiut filmilioraangamik ullumikkut aamma nunatsinnut isertitaqassutaasarnersut oqaaseqaateqarfingineqarluni. Tassunga ilanngullugu*

erseqqissarneqarpoq isumassarsiorneq Islandimi periuserineqartumi nassaarineqarsinnaasoq, tassani eqqumiitsuliortup akileraarutinut akiliutaasimasup affai tigusinnaagai.”

Ataatsimiititaliap siunnersummik suliaqarnermini oqaatigaa: ”*Siunnersuutip siullermeerneqarnerani inersuarmi taperserneqarluartoq ataatsimiititaliamit maluginiarneqarpoq. Siunnersuuteqartoq assigalugu ataatsimiititaliamit pingaartinneqarpoq kalaallit filmiliortarnerisa ineriartornerannik filmiliortarnermut inatsit nukitorsaataassasoq. Ilutigisaanillu ataatsimiititaliamit maluginiarneqarpoq isumalioqatigiissitamik pilersitsisinnaanissaq siullermeerininnermi eqqartorneqartoq. Isumalioqatigiissitamik pilersitsisoqassappat ataatsimiititaliamit pingaarutilittut isiginiarneqassaaq, taamaaliornermi filmiliortarnerup nukitorsarneqarnissaanut iluaqutaasinnaammat.*”

Inatsisartut 2024-imi upernaakkut ataatsimiinneranni immikkoortumi UPA 2024/56-imi aalajangiiffigisassatut siunnersuut tulliuuttoq suliarineqarpoq: ”*Filmiliornermi aningaasartuutit utertinneqartarnerat pillugu Inatsisartut inatsisissaattut siunnersummik saqqummiussinissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut. Inatsimmi nunatsinni filmiliornermi aningaasartuutit 25 %-iinik utertitsinissaanissaq pisinnaanngortissavaa, maannalu aningaasanut inatsimmi oqaasertaliussaq aqqutigalugu maledruagassiorneq taarsissallugu.*”

UPA 2024/56-ip siullermeerneqarnerani Naalakkersuisut siunnersummut allannguutissamik imaattumik siunnersuuteqarput: ”*Filmiliorneq pillugu Inatsisartut inatsisissaattut siunnersummut Filmiliornermi aningaasartuutit utertinneqartarnerannik aaqqissuussinerup ilanngunneqarnissaanik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.*” Allannguutissatut siunnersuut akuersissutigineqarpoq. Taamaattumik siunnersummi ilanngussisoqarnikuovoq filmiliornermi aningaasartuutit utertinneqartarnerannik aaqqissuussineq, Kalaallit Nunaanni filmiliornermi.

Inatsisartut 2024-imi upernaakkut ataatsimiinneranni ilanngulluguttaaq immikkoortumi UPA 2024/59-iimi sammineqarpoq apeqquteqaat aallaavigalugu oqallinneq imaattoq: ”*Filmiliortut isiginnaartitsisartullu nunatsinneersut nunarsuatta sinnerani filmiliaminik filmilianiluunniit peqataaffigisaminnik takutitsisoqassatillugu peqataanissamut qanoq tapersersorneqarsinnaanerat pillugu apeqquteqaat aallaavigalugu oqallisssiaq.*” Naalakkersuisut oqallisssiap suliarineqarnerani akiussuteqaammi ilaatigut oqaatigaat Naalakkersuisut isumaqatigigaat filmiliortartut aamma isiginnaartitsisartut periarfissaqarnissaat tapersiisinnaanissaq filmiliami nunani allani ilisaritinneqarnerani, siunnersuuteqartup oqaatigisaatut tamaanna nunani allamiunik filmiliortartunik nunatsinnut soqutiginnilersitsisassammat. Ilanngullugulu Naalakkersuisut oqaatigaat: ”*UKA 2023 -imi immikkoortoq 46 akuersissutigineqarpoq imaattumik oqaasertalimmik: Inatsisartut aalajangiiffigisassaattut siunnersuut Naalakkersuisut peqqunneqarnissaannik saqqummiusseqqullugit filmiliortarneq pillugu*

Inatsisartut inatsisisaattut siunnersuummik saqqummiusseqqullugit. Aalajangiiffigisassatut siunnersuut saqqummiunneqarpoq siunnerfigalugu Naalakkersuisut ilanngutissagaat inassuteqaatigineqartut ersittut Naalakkersuisut “Nassuaasiaat qanoq aaqqissuussinikkut kalaallit filmiliortarnerat nukittorsarneqarsinnaanersoq.” pillugu. Nassuaasiami ersipput isumaliutersuutigineqartut filmilianik nunani allani soqutiginnilersitsiniarluni ussassaarisarnerit qanoq aaqqissuunneqartarsinnaanernik. Naalakkersuisut taamaattumik isumaqarput periarfissatsialaanerusoq filmiliortartut aamma isiginnaartitsisartut tapersorsorneqartarnissaat inatsit manna aqqutigalugu nunani allani filmiliaminnik takoqqusaarisarneranni.”

1.2 Inatsisissamik siunnersuusiornermi qulequttat pingaarerit

Naalakkersuisut inatsisisamut piareersaasiornermi aallaavigisimavaat Naalakkersuisut nassuaasiaat ” “Inassuteqaatit qanoq aaqqissuussinikkut kalaallit filmiliortarnerat nukittorsarneqarsinnaanersoq.” . Naalakkersuisut ilanngullugu maluginiarsimavaat partit isummersuutaat imm. 1.1. -imi aalajangiiffigisassatut siunnersuummi eqqaaneqartut, aamma oqallissiaq aallaavigalugu oqallissimaneq, kiisalu aamma pissutsit Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaannit saqqummiunneqartut oqaluuserisassat immikkoortut UKA 2023/46 aamma UPA 2024/56-ip oqaluuserineqarnerineersut.

Naalakkersuisut inatsisiassamik siunnersuusiornermi nunani allani filmiliortartunut atatillugu inatsisit atuuttut paasiniaavigisarsimavaat, minnerunngitsumik nunani avannarlerni pissutsit. Aamma misilittakkanik katersisoqarsimavoq nunanit avannarlerniit, filmiliortarnermut inatsisit atuuttut sunniutaat pillugit, tamatumanilu ilanngullugit aningaasartuutit ilaannik utertitsisarnernik aaqqissuussinerit atuuttut pillugit.

1.3 Siunnersuutip ataatsimut isigisumik tunngavigisai ilisarnaataalu

Siunnersuut siunertaqarpoq siuarsaanissamik filmiliortarnermk, filmertarnerup kulturanik Kalaallit Nunaannilu filmertitsisarnerup siuarsarneqarnissaanik. Tamanna pingaarnertut aaqqissuunneqarpoq filminstituttimik pilersitsinissamik siunnersuuteqarnikkut, taaneqartumik Kalaallit Nunaanni filminstitutti, inatsisit naapertorlugit pisortanit pilersinneqartumik imminut ingerlattumik ingerlatsivimmik. Filminstituttimik pilersitsisoqarnissaa filmiliortarneq pillugu suleqatigiissitamit inassutigineqartut ilagaat.

Siunnersuummi malittarisassiunneqarput instituttip siunertarisassai, aaqqissuussaaniissaa aamma pisortaqarneraa, tamatumani siulersuisoqassasoq pisortaqassasorlu ulluinnarni aqutsisuusussamik. Siunnersuummi siulersuisut aamma pisortap ulluinnarni aqutsisup akisussaaffigisassai suliassaalu aalajangersarneqarput. Tamatumunngalu ilaliullugu aalajangersarneqarpoq siulersuisut namminneq suleriaasissartik aalajangersassagaat, tassanilu ilaatigut ilaassasut suliassat qanoq agguataarsimaneri pillugit malittarisassat siulersuisut aamma pisortap akornanniittut.

Aamma aalajangersagaqarpoq siulersuisut qanoq katitsigaanissaat, piffissaq atuuffissaat honorarissaallu pillugit. Siulersuisut katitsigaanerat eqqarsaatigalugu eqqaaneqarsinnaavoq siulersuisut siulittaasuat Naalakkersuisunit toqqarneqartassasoq, ilaasortallu sinneri inassuteqarsinnaasutut nalunaarneqartunit inassuteqaatit tunngavigalugit Naalakkersuisunit toqqarneqartassasut. Siunnersuummi siulersuisuni ilaasortat piginnaanerisariaqagaanni piumasaqaatit aalajangersagaapput, ilaasortat ataasiakkaat aamma siulittaasoq eqqarsaatigalugu. Kiisalu aamma aalajangersarneqarput killiliussat ilorraanut illuanullu kikkut siulersuisuni ilaasortaasinnaanerannut, matumani aamma qassnik ukioqarnermut sumilu najugaqartuunissamut piumasaqaatinik. Siunnersuummi aamma aalajangiunneqarpoq, sulisut taasisinnaatitaanani peqataasussamik aalajangiisinnaanani siulersuisuni ataatsimiinnerni peqataasussamik toqqaassapput.

Kalaallit Nunaanni Filminstituttip siunertaata suliassaasalu aalajangersarneranni ilaatigut aalajangiunneqarpoq instituttip siunertarigaa siuarsassallugu filmiortarneq, filminut kulturi aamma filmertarfearnermi Kalaallit Nunaanni kulturi.

Kalaallit Nunaanni Filminstituttip siunertaasa allat ilagaat nunamut tamarmut atuuttimik filmkommissionimik ingerlatsineq. Siunnersuummi aalajangiunneqanngilaq qanoq aaqqissussinikkut suliassap tamatuma ingerlanneqarnissaa. Siulersuisut pisussaaffigaat tamanna pillugu nalilersuisoqarnissaa aalajangiinissarlu.

Tamatuma saniatigut erseqqissarneqassaaq Kalaallit Nunaanni Filminstitutti aamma siunertaqarmat siuarsaanissamik proffessionelt-iusumik misileraaffiusumillu filmiortarneq eqqumiitsuliorfiussasoq piginnaasalinillu ineriartortitsiviussasoq, filmiortarfiup ingerlanneqarneratigut.

Filmiorneq pillugu suleqatigiissitaq inassuteqaateqarpoq pingarnernik, iluaqtissartaqassasoq filminstituttip, filmkommissionip aamma filmiornermk ingerlatsiviup - filmværksted - ataatsimoortuutinnissaannut. Taamaattumik tamanna siunnersuummi tunngavigineqarpoq aaqqissunneqarluni, suliassat filmkommissionimiittut aamma filmiornermk ingerlatsivimmiiittut tassaassammata Kalaallit Nunaanni Filminstituttip suliassaasa ilai.

Siunnersuummi aamma nalunaarsorneqarput suliassat Kalaallit Nunaanni filminstituttimit suliarineqartussat. Taamaasilluni aalajangersagaavoq instituttip suliassarigaa aningaasaliissuteqartarnikkut tapersersuisarnissaq allaatigisaq filmiornermk najoqqutassaliorneq, ineriartortitsinernik, nioqqutissiornermk, saqqummiussinernik, ussassaarinernik, takutitsisarnernik nassiuussuisarnernillu kalaallit filmiliaannut atasuni, aamma peqatigiilluni filmilianut - koproduktion

- kiisalu aamma ingerlatsinernik allanik Kalaallit Nunaanni filmilornermik, filminut kulturimik aamma filmertarfegarnermik siuarsaalluni suliani.

Aalajangersakkat taakkua qulequttatut ataatsimullu isiginnittumik suliaapput, taamaattumillu Naalakkersuisunut pisussaaffiliisoqarluni pineqartut pillugit ersarinnerusunik malittarisassiornissamik, tamatumani tapiisarnerit siunertaannut, tapiissutit annertussusissaannut, akilerneqartarnerannut aammalu allaffissornerannut.

Filmiliortarneq pillugu suleqatigiissitap ilanggullugu aamma inassuteqaatigaa malittarisassanik aalajangersaasoqassasoq, siullertut piumasaqaateqartunik kikkut tamarmik proffessionelt-iusumik imaluunniit aningaasarsiutigalugu Kalaallit Nunaanni filmiliorniartut, qimmiliorsinnaanermut akuersisummik qinnuteqartassasut. Tamatumunngalu tapiliullugu inassutigineqarpoq malittarisassaqaarnissaa akitsummik akiliuteqartitsisarnissanut kikkunnulluunniit Kalaallit Nunaanni filmiliorniartut nalunaarsorneqartarnerannut akuersisummillu tunineqartarnerannut atatillugu akilerneqartartussamik. Naalakkersuisut nalunaarusiami naliliineq taamaattoq isumaqatigalugu nalunaarutigaat. Taamaattumik siunnersuummi aamma ilanggussisoqarpoq aalajangersakkamik Kalaallit Nunaanni filminstitutti aamma siunertaqarmat akuersissutinik suliaqartarnissanik aningaasarsiutigalugu Kalaallit Nunaanni filmiliortarnernut atatillugu, paasissutissanillu pingaarnernik tamanik nalunaarsusoqartarnissaanik filmiliassatut suliniutissat pillugit, tamatumunngalu akisussaasut pillugit. Erseqqisaatigineqarpoq tamanna tusagassiutigalugu sulianik ingerlatsinernut atuutinngimmat. Tamannalu pillugu aamma pingaarnertut aalajangersagaliortoqarpoq Naalakkersuisut ersarinnerusunik malittarisassiornissaannut qinnuteqaatinut akuersissuteqartarnernut paasissutissanillu pingaarnernik nalunaarsuisarnernut, ilanggulligit aamma paasissutissat sorliit Kalaallit Nunaanni Filminstituttip tamanut saqqumiuttassanerai. Siunnersuummi aamma aalajangersaasoqarpoq akitsummik akiliuteqartitsisarnernut, akuersissutinik suliaqarnerut aningaasartuutinut matussutaasussanik, Naalakkersuisullu pisussaaffilerneqarlutik malittarisassiornissamut akuersissuteqartarnernut Kalaallit Nunaanni filmiliortarnernut atatillugu, tamatumani aamma taakkua ilusissaannut, piffissalersuinernut akitsuutillu annertussusissaanut.

Filmiliortarneq pillugu suleqatigiissitaq inassuteqarsimavoq filmiliortarnernut aningaasaateqarfiliornissamik, Filminstituttimut atasuusussamik. Inassuteqaat pingaarnertut tunngaveqarpoq pissusissamisoortutut isigineqanngimmat filmiliornissanut tapiissutinik tunniussisoqartarnissa Kalaallit Nunaanni Eqqumiitsuliornermut Aningaasaateqarfimmii, eqqumiitsuliornermik suliniutinillu ataatsimut isigisumik eqqumiitsuliornermik tapersersuisartumit. Taamaattumik siunnersuummi tusarniaassutigineqartumi aalajangersagaqarpoq Naalakkersuisut tamakkiisumik ilaannakuusumillu tigummisinnaagaat suliassat allaffissornikkut ingerlanneqartarnerat Kalaallit Nunaanni Filminstituttip aningaasanik tapiissuteqartarneriniittut aningaasaateqarfiliornikkut. Tusarniaanermi kattuffik Film.gl-ip maluginiaqqua filmiliorneq pillugu suleqatigiissitap aningaasaateqarfimmik atuinera siunnersuummi oqaatigineqartumit allaanerummat, filmiliornerlu pillugu suleqatigiissitap kissaatigaa Kalaallit Nunaanni Filminstituttip

aninaasaniq tapiissuteqartarneq isumagisassagaq, suliamullu taassuma isumaginissaanut Kalaallit Nunaanni Filminstitutti aningasaateqassasoq. Taamaattumik Film.gl-ip takusinnaanngilaa sooq immikkut avataaneersumik filmiliornermut aningasaateqarfimmik inatsisitigut tunngavissanik pilersitsisoqassanersoq, taamaattumillu siunnersuuteqarpoq tassunga aalajangersakkat siunnersuummiittut peerneqassasut. Naalakkersuisut tamanna tusaatissatut tiguaat taamaattumillu maannakkut siunnersuummi filmiliornermut aningasaateqarfimmut aalajangersagaqanngilaq.

2. Siunnersuummi qulequttat immikkoortut pingarnerit

2.1 Inatsisit atuuttut

Filmiliortarnermik ingerlatsineq immikkut inatsisitigut aqunneqanngilaq, kisiannili Inatsisartut inatsisaanni assigiinngitsuni aalajangersakkat aqqutigalugit filmiliortarnermut tapiissuteqartoqartarluni. Tamatumani Inatsisartut inatsisaat makkua atuupput:

- Eqqumiitsuliormerk ingerlatsineq pillugu Inatsisartut inatsisaat nr. 11 ulloq 6. juni 2016-imeersoq, kingullermik allannguuteqartoq Inatsisartut inatsisaanni nr. 33, ulloq 13. juni 2023-imeersumi. Ataatsimoortitaq Eqqumiitsuliormerk ingerlatsineq pillugu Inatsisartut inatsisaannik Namminersorlutik oqartussat nalunaarutaanni nr 5 ulloq 25. Januar 2024-mi.
- Aningaasanoorutit ilaannit iluanaarutinit agguassisarneq pillugu Inatsisartut Inatsisaat nr. 10 ulloq 22. november 2011 -imeersoq.
- Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, ulloq 6. juni 2016-imeersoq.

EQQUMIITSULIORNERMUT INATSIT PILLUGU

EQQUMIITSULIORNEQ PILLUGU INATSIMMI § 1, IMM. 1-IMI AALAJANGERSARNEQARPOQ EQQUMIITSULIORNERNIK INGERLATSINERMI ILAASUT EQQUMIITSULIORNERMIK SULIASSAQARFIMMI EQQUMIITSULIORIAATSIT TAMARMIK, MATUMANI AAMMA FILMILORNEQ. § 1, IMM. 5 -IMI AALAJANGIUNNEQARPOQ EQQUMIITSULIORNEQ FILMILORNERUSOQ TASSAASOQ ASSIT UUMASSUSILLIT AALASUT SUULLUUNNIIT, APEQQUTAATINNAGU TAAKKUA QANOQ IMMIUNNEQARSIMANERI SAQQUMMERSITTARNERILUUNNIIT, TAMATUMANI AAMMA ASSILISAT ATORLUGIT FILMILIAT AAMMA VIDEO ATORLUGU SULIAT, TV-IIMI AALLAKAATINNEQARTUT KISIISA PINNAGIT.

EQQUMIITSULIORNERMIK INATSIMMI KAPITALIMI 2-MI MALITTARISASSANIK AALAJANGERSAASOQARPOQ AKISUSSAAFFITI SULIASSALLU AGGUATAARNEQARNISSAAT EQQARSATIGALUGIT NAALAKKERSUISUT AAMMA KOMMUNALBESTYRELSIT AKORNANNI. TAAMAASILLUNI § 2, IMM. 1-IMI AALAJANGERSARNEQARPOQ NAALAKKERSUISUT KALAALLIT NUNAANNI EQQUMIITSULIORNICKUT INGERLATSINEQ SIUARSAGARISSAGAAT, AAMMA KALAALLIT EQQUMIITSULIORTARERAT NUNANI ALLANI ILANGULLUGU, SAPINNGISAMILU INNUTTAASUT AMMAALLUGIT AQQUTISSIUULLUGILLU EQQUMIITSULIORNICKUT NEQEROORUTINIK EQQUMIITSULIORNERNILLU NUNANIT ALLANEERSUNIK. TAMATUMUNNGALU TAPIILIULLUGU § 3, IMM. 1-IMI AALAJANGIUNNEQARPOQ NAALAKKERSUISUT PISUSSAAFFITIK NAAMMASSISASSAGAAT INATSISARTUT INATSISAAT PINEQARTOQ NAAPERTORLUGU, ILANGULLIGIT ININIK TAMATUMUNNGA NALEQQUTTUNIK PILERSITSISARNIKKUT, AVATANGIISINILLU TAMATUMUNNGA ATATILLUGU AAQQISSUSSISARNERTIGUT, SIUNNERSUINERMILLU NEQEROORUTEQARLUTIK FAGITIGUT KIFFARTUUSSINERTIGUT,

neqerooruteqarlutillu ilinniagassanik, qaffasinnerusunik ilinniagaqarsinnaanernik ilinniaqqittarnernillu.

§ 4 -mi aalajangersarneqarpoq communalbestyrelsip siuarsassagaa kommunimi eqqumiitsuliornikkut ingerlatsineq, sapinngisamillu qularnaarniarlugu kommunimi innuttaasut perarfissaqarnissaat kalaallit eqqumiitsuliaannut eqqumiitsuliornermili ingerlatsinernut, siamasissumik tamatigoortumillu kalaallit eqqumiitsuliaannut eqqumiitsuliornermilu ingerlatsinerannut neqerooruteqartitsisarnertigut, ilanngullugit nunanit allaniit eqqumiitsuliornermik ingerlatsineq. Tamatumunngalu tapiliullugu § 5 -imi aalajangerneqarpoq communalbestyrelsip naammassisassagai pisussaaffini Inatsisartut inatsisaanni uani, ininik naleqquettunik avatangiisinillu naleqquettunik perarfissaqartitsinakkut, communalbestyrelsillu ilanngullugu aningaasatigut tapiissuteqartarneq isumagissagaa, allatigullu perrassarlugu eqqumiitsuliornermik ingerlatsineq.

Eqqumiitsuliornermik inatsimmi kapitalimi 3 -imi malittarisassanik aalajangersaasoqarpoq tapiiffiqineqarsinnaasunik ingerlatsinermut aamma tapiissuteqartarnernik aaqqissuussinernik.

Eqqumiitsuliornermik inatsimmi § 6 -imi aalajangerneqarpoq Naalakkersuisut aamma communalbestyrelsit tapiissuteqartarsinnaasut sanaartukkanut, aserfallatsaaliiinernut ingerlatsinernullu illuutinik, ininik avatangiisinillu allanik eqqumiitsuliornermi atorneqartartunut, matumani aamma ininut saqqummersitsiviusartunut, filmertarfinnut, isiginnaartitsisarfinnut, ininut sungiusarfiusartunut aamma ataatsimiittarfinnut katersortarfinnullu. Ilanngullugulu aamma aalajangersarneqarpoq communalbestyrelsi allalluunniit sanaartukkanut, aserfallatsaaliiinermut aamma ingerlatsinernut illuutinik, ininik avatangiisinillu allanik tapiissuteqartarpata, eqqumiitsuliornermi atorneqartartunut, taava Naalakkersuisut aningaasartuutit tamakkiisumik ilaannakuusumilluunniit utertittarsinnaagaat. § 7 -imi aalajangersagaavoq Naalakkersuisut communalbestyrelsi isumasioreerlugu malittarisassiorsinnaasut tapiissuteqartarnernut sanaartukkanut, aserfallatsaaliiinernut aamma illuutinik avatangiisinillu allanik ingerlatsinernut, eqqumiitsuliornermik ingerlatsinermi atorneqartartunut, matumani aamma akisussaaffit agguataarneqarnerannut, tapiissuteqartarnerni atugassarititaasunik, qinnuteqartarnermi periaasisussanik, naatsorsuutinut kukkunersiusarnernullu aamma tunngasuni. Pisinnaatitaaneq taanna atorneqarsimangilaq.

Eqqumiitsuliornermut inatsimmi §§ 8-11 aalajangersagaqarpoq malittarisassanik tapiissuteqartarnermut eqqumiitsuliornermik ingerlatsinernut, taamaattunillu avammut saqqummiussuisarnernut (tusagassiisarnernut).

§ 8 -mi aalajangiunneqarpoq Naalakkersuisut aamma communalbestyrelsit tapiissuteqarsinnaasut makkununnga:

- 1) eqqumiitsuliornermik ingerlatsinermut, matumanissaq angalanernut aningaasartuutinut matussutissanik ineqarnernullu aningaasartuutinut matussutissanik,

- 2) eqqumiitsolianik ineriertortitsinernut suliaqarnernullu, matumanissaq atortussanut eqqumiitsuliornermi, aamma
- 3) saqqummersitsisarnernut eqqumiitsolianillu allatigut saqqummiussuisarnernut.

§ 8, imm. 2 -mi aalajangiunneqarpoq imm. 1 naapertorlugu tapiissutit tapiissutissanut qularnaveeqquisiinertut aaqqissuunneqarsinnaasut, tapiissuteqartarnermi atugassarititaasut naammassineqarnissaannut.

§ 8, imm. 3 -mi Naalakkersuisut pisussaaffiligaapput malittarisassiornissamik eqqumiitsuliornermik ingerlatsinermi tapiissuteqartarnermik aaqqissuussinernut tamakkualu oqaluttuarineqartarnerannut, matumani aamma tapiissutisisinnaasunik killiliinernik, tulleriaarisarnerni atugassarititaasunik, suut pineqarnerannik aamma tapiissutit annertussusissaannik, tapiissutinut atugassarititaasunik, qinnuteqartunut piumasaqaatinik, periaatsinik, allaffissornermut naammagittaalluiteqartarnermullu. Tamanna pisimavoq Namminersorlutik Oqartussat nalunaarutaatigut Eqqumiitsuliornermik ingerlatsineq tamatuminngalu ingerlatitseqqiisarneq pillugit Namminersorlutik Oqartussat nalunaarutaat nr. 75, ulloq 21. december 2021 -imeersoq aqqutigalugu. Nalunaarummi malittarisassat ataani eqqaaneqassapput.

Aalajangersaasoqarpoq § 8 a aamma b -mi malittarisassanik ataqqinaammik tunniunneqartartunut atasunik:

” **§ 8 a.** Naalakkersuisut eqqumiitsuliortunut pinngorartitsisunut ataqqinaammik tunniuttagaqarsinnaapput eqqumiitsuliornermik suliaqartunut eqqumiitsuliornermik suliaqartuni pingaaruteqartutut inisisimasunut.

Imm. 2. Ataqqinaammik tunniuttakkat eqqumiitsuliornermi pilersitsiortukkat pitsaassusiisa naliliivigner taamaallaat tunngavigalugit tunniunneqarsinnaapput.

Imm. 3. Ataqqinaammik tunniuttakkanik sisamanik ukiunik qulinik sivisussusilikkanik tunisisoqarsinnaavoq. Ataqqinaammik tunniuttagaq tunniunneqarsimanngikkaangat ukiunik qulinik sivisussusilikkanik kingumut tunisisoqarsinnaanngussaaq.

Imm. 4. Ataqqinaammik tunniunneqartartut pillugit aalajangersakkanik erseqqinnerusunik Naalakkersuisut aalajangersaassapput, tassunga ilanngullugit § 1, imm. 1-imi piumasaqaatit aamma eqqumiitsuliorfiusutut eqqaaneqartut akornanni agguaassinerit.

§ 8 b. Ataqqinaatissiissutinut tunniunneqartartunut aningaasat tunngaviusut ukiumut ataatsimut 250.000 kr.-iupput.

Imm. 2. Aningaasat tunngaviusut procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni maleruagassat malillugit procentimik aaqqiissutissamik ukiunut aningaasanut inatsiseqarfiusunut tamanut iluarsineqartassapput.

Imm. 3. Ataqqinaammik tunniuttakkat isertitat naapertorlugin annertussusilerneqartassapput.

Imm. 4. Ataqqinaammik tunniuttakkat isertitat naapertorlugit annertussusilerneqartarnissaat pillugit Naalakkersuisut malittarisassanik aalajangersaassapput.”

Ataqqinaammik tunniussisarnermut malittarisassanik suli aalajangersaasoqarpoq.

§ 8 c -mi aalajangersagaqarpoq maleruagassanik eqqumiitsuliortunik nersorinnittarermut:

” **§ 8 c.** Aningaasanut inatsimmi aalajangersarneqartut aningaasatut sinaakkusiussat iluanni eqqumiitsuliortunik honorarisitsinermut Naalakkersuisut tapiissuteqarsinnaapput.

Imm. 2. Eqqumiitsuliortunik nersornaasiilluni tapiissuteqarneq pillugu Naalakkersuisut malittarisassanik aalajangersaassapput ukunatigut, aalajangiinermi tunngaviit pillugu, amerlassusaat pillugit aamma § 1, imm. 1-imi eqqumiitsulioriaatsit taaneqartut akornanni agguaaneq pillugu.”

Eqqumiitsuliortunik nersorinninniuttitut honorarisitsisarnermut suli maleruagassiortoqanngilaq.

§ 9 -mi malittarisassanik aalajangersaasoqarpoq kalaallit eqqumiitsuliaannik pisisarnernut:

” **§ 9.** Naalakkersuisut aamma communalbestyrelsi kalaallit eqqumiitsuliaannik pisiortorsinnaapput, takussutissatut katersugaateqalernissaq siunertaralugu aamma inissaq tamanit tikinnejartoq pinnersarumallugu.

Imm. 2. Naalakkersuisut kalaallit eqqumiitsuliaannik pisiortornissaq pillugu malittarisassanik aalajangersaasinjaapput, tamatumunnga ilanngullugit agguassineq, piginnittuunermut tunngasut aserfallatsaalinerlu.”

Pisinnaatitsineq kalaallit eqqumiitsuliaannik pisisarnissanut atorneqanngilaq.

§§ 10 aamma 11 ilanngullugu malittarisassanik aalajangersagaqarpoq eqqumiitsuliassanik inniminniisarnernut aamma takusassiarinnittarernut aningaasarsiassanik:

” **§ 10.** Naalakkersuisut aamma communalbestyrelsi inissap tamanit tikinnejartartup pinnersarnissaa siunertaralugu kalaallit eqqumiitsuliaannik suliaqartitsisinjaapput (eqqumiitsuliat suliakkiissutit).

Imm. 2. Naalakkersuisut aamma communalbestyrelsi inissap tamanit tikinnejartartup pinnersarnissaa siunertaralugu eqqumiitsulianik suliaqartitsinngikkaluarlutik suliniutinik allanik aallartitaqarsinnaapput, tamatumunnga ilanngullugit siunnersuusiortitsineq, isumassarsiortitsineq, unammisitsinerit aamma inissami tamanit tikinnejartartumi eqqumiitsulianut suliassatut pilersaarutaareersunut tapiissuteqarneq.

Imm. 3. Naalakkersuisut eqqumiitsuliat suliakkiissutit suliniutillu allat inissap tamanit tikinnejartartup pinnersarnissaanik siunertaqartut pillugit malittarisassanik aalajangersaasinjaapput, tamatumunnga ilanngullugit agguassineq, piginnittuunermut tunngasut aserfallatsaalinerlu.

§ 11. Naalakkersuisut eqqumiitsuliortut suliaat pisortanut suliffeqarfinnullu saqqummersitassatut atukkiunneqarsimatillugit taakkununnga honorarisiaqartitsinissaq pillugu malittarisassanik aalajangersaasinnaapput, tamatumunnga ilanngullugit suliat honorarisiarineqarsinnaasut killilersornerat, honorarisiassat naatsorsornerat honorarisiallu tunniunneqarnerat.”

Eqqumiitsuliassanik inniminniisarnermut aamma saqqummersitsinermut honorarisiasanut malittarisassanik suliaqarnissaq suli atorneqanngilaq.

Eqqumiitsuliornermik ingerlatsinermut inatsimmi §§ 12 aamma 13 ileqqussanik aalajangersaapput eqqumiitsuliornermik ingerlatsinermut tapiissuteqartarnermi:

” **§ 12.** Naalakkersuisut eqqumiitsuliornermik ingerlatsinermut tapiissutaat sallerpaatillugu nuna tamakkerlugu aamma inuussutissarsiutigalugu eqqumiitsuliornermik ingerlatsinermut atorneqassapput.

Imm. 2. Kommunalbestyrelsip eqqumiitsuliornermik ingerlatsinermut tapiissutaat pingarnerpaatillugu najukkami eqqumiitsuliornermik ingerlatsinermut atorneqassapput.

§ 13. Naalakkersuisut aamma communalbestyrelsi eqqumiitsuliornermik ingerlatsinermut tapiisassapput eqqumiitsuliornikkut pitsaassutsip piginnaaneqassutsillu nalilerneqarnerat tunngavigalugu.

Imm. 2. Naalakkersuisut tapiissutinik tunniussinerminni aammattaaq sapinngisaq naapertorlugu makku ilaatinniassavaat:

- 1) eqqummiitsulioriaatsit § 1-imi taaneqartut iluanni eqqumiitsuloriaatsit saqqummeeriaatsillu tamaasa,
- 2) eqqumiitsuliornermik ingerlatsineq eqqumiitsuloriaatsinik arlalinnik akimuisoq,
- 3) eqqumiitsuliornermik ingerlatsineq meeqlanik inuusuttunillu peqataatitsisoq imaluunniit meeqlanut inuusuttunullu saaffiginnittooq, aamma
- 4) nunami tamarmi eqqumiitsuliornermik ingerlatsineq sumiiffinnut assigiinngitsunut siammaassisoq.”

Eqqumiitsuliornermik ingerlatsinermut inatsimmi eqqumiitsuloriaatsit tamarmik pineqarput, tamatumani lu uani eqqaaneqartut eqqumiitsuliornermut malittarisassat malittarisassallu sinneri, matumani aamma naatsorsuusiorernernut kukkunersiuisarnernullu, naammagittaalliuteqartarnermut il. aamma filmiliornermik ingerlatsinermi atortinneqassallutik.

Eqqumiitsuliornermik ingerlatsineq pillugu inatsimmi § 16 a -mi aalajangersarneqarpoq:

” **§ 16 a.** Naalakkersuisut eqqumiitsuliornermik tamakkuninngalu siammarterinermik ingerlatsisunut tapiissutissaannik tamakkiisumik tamakkiisuunngitsumilluunniit aningaasaateqarfimmik isumaginnittussamik pilersitsisinnaapput.

Imm. 2. Naalakkersuisut siunertat, suliassat, inissitsiterineq atuunnerlu pillugit malittarisassanik sukumiinerusunik aalajangersaasinnaapput, tassunga ilanngullugit honorarisiisanut,

aninggaasaliinernut allatseqarnikkullu siunnersuisoqatigiinnik, ataatsimiititalianik assigisaannillu sullissinerit tamakkiisumik tamakkiisuunngitsumilluunniit Naalakkersuisut eqqumiitsulianik ingerlatsisunut tapiissutaannik tamakkuningga siammarterisunut tunngatillugu suliassanik isumaginnissinnaasunik.

Imm. 3. Aningaasaateqarfíup Naalakkersuisut eqqumiitsuliornermik ingerlatsisunut tamakkunngalú siammarterisunut tapiissutaannik tamakkiisumik amakkiisuunngitsumillu isumaginnittup suliassai pillugit Naalakkersuisut malittarisassanik aalajangersaasinnaapput, aamma suliassanik allanik suliassanik isumagisanut attuumassuteqartunik isumaginnittussamut, tassunga ilanngullugit eqqumiitsuliornermik ingerlatsinerit pillugit apeqqutini siunnersuisarnerit.”

Naalakkersuisut Kalaallit Nunaanni Eqqumiitsuliornermut Aningaasaateqarfík pillugu Namminersorlutik Oqartussat nalunaarutaat nr. 43 ulloq 13. august 2021-imeersoq aqqutigalugu malittarisassiorput Kalaallit Nunaanni eqqumiitsuliornermik aningaasaateqarfímmiit eqqumiitsuliornermik ingerlatsinermi tapiissuteqartarnermut. Kalaallit Nunaanni Eqqumiitsuliornermut Aningaasaateqarfík pilersinneqarpoq nalunaarut aqqutigalugu ulloq 1. januar 2022.

Eqqumiitsuliornernik Aningaasaateqarfík aqunneqarpoq siulersuisunit 5 -inik ilaasortalimmit, Kulturimut Naalakkersuisunit ukiunut 4-anut toqqarneqartunik.

Kalaallit Nunaanni Eqqumiitsuliornermik Aningaasaateqarfíup siunertaraa Kalaallit Nunaanni eqqumiitsuliornerup siuarsarneqarnissa, ilanngullugit kalaallit nunani allani eqqumiitsuliaat, sapinngisamillu qularnaarniartussaallugu innuttaasut ammaanneqarnissaat eqqumiitsuliornikkut neqeroorutinut tamatigoortunut, nunaniillu allanit eqqumiitsulianut. Kalaallit Nunaanni Eqqumiitsuliornermik Aningaasaateqarfíup ingerlatsinerani ilaapput eqqumiitsulioriaatsit Eqqumiitsuliornermut inatsimmi pineqartut tamarmik.

Kalaallit Nunaanni Eqqumiitsuliornermik Aningaasaateqarfíup suliassaraa makkunuuna tapiissuteqartarneq:

- 1) Eqqumiitsuliornermik ingerlatsineq, matumani aamma angalanernut ineqarnernullu aningaasartuutinik matussusiisarneq,
- 2) ineriertortitsisarneq nioqqutissiortarnernullu eqqumiitsulianik, matumani aamma eqqumiitsuliornermik ingerlatsinermi atortussat, aamma
- 3) saqqummersitsisarneq aammalu eqqumiitsuliornermik ingerlatsineq pillugu saqqummiussuisarneq.

Eqqumiitsuliornermik Aningaasaateqarfík suliassanik allanik aamma isumaginnissinnaavoq, suliat ingerlannerannut tunngasunik, matumani aamma siunnersuinernut eqqumiitsuliornermik ingerlatsinernut apeqqutini.

Siulersuisut toqqaasarput immikkut ilisimasalinnik piffissamut ukiunik 2-nik sivisussusilinnut eqqumiitsulioriaatsini makkunani: arkitekturi, assilialiorneq, filmilorneq, assassukkanik eqqumiitsuliorneq aamma ilusilersuineq, atuakkiorneq, nipiwersorneq aamma isiginnaartitsineq.

Immikkut ilisimasallit namminneq eqqumiitsuliornermi susassaqarfimminni nalilersuivigisarpaat qinnuteqaatit tiguneqartut, tamannalu tunuliaqutaralugu Kalaallit Nunaanni Eqqumiitsuliornermut Aningaasaateqarfiup siulersuisuinut inassuteqaasiortarlutik tapiissutinik tunisisoqarnissaanut, tamatumani aamma tapiissutit ilusissaannut, annertussusissaannut piffissamullu atuuffissaannut. Siulersuisut tapiissutinik tunniussisarpot inassuteqaatinik immikkut ilisimasalinneersunik tunuliaqutaqtunik. Siulersuisut immikkut ilisimasallit inassuteqaataannut pitussimasangillat.

Eqqumiitsuliornermut inatsimmi pisinnaatitsisummiq tunngaveqartumik Eqqumiitsuliornermik ingerlatsineq tamatuminngalu ingerlatitseqqiisarneq pillugit Namminersorlutik Oqartussat nalunaarutaanni nr. 75 ulloq 21. December 2021-meersumi malittarisassaqarpoq eqqumiitsuliornermik ingerlatsinermut tamatuminngalu ingerlatitseqqiisarnermut.

Nalunaarut aalajangersaavoq atortitsiviusumik killiliillunilu kikkut tapiiffigineqarsinnaanersut pillugu. Taamaasilluni § 1 -imi aalajangerneqarpoq nalunaarut atortinneqartoq tapiissutinik Naalakkersuisunit, siunnersuisoqatigiinnit, ataatsimiititaliamit, aningaasaateqarfimmit aamma assigisaanit tunniunneqartartunik allaffisornermut, ingerlatitseqqiisarnermullu (allaffisornermik ingerlatsisoq). Tassalu imaappoq, taanna atortinneqarpoq Kalaallit Nunaanni Eqqumiitsuliornermut Aningaasaateqarfiup allaffissornikkut ingerlanneqarneranut.

Kiisalu aamma malittarisassanik aalajangersaasoqarpoq tapiissuteqartarnermi ilusissanut tapiissutinullu piumasaqaatinut. Tapiissuteqariaatsit nalunaarut naapertorlugu tassaasinnaapput suliniutinut tapiissutit, sulinissanut legatitut tunissutit, tapiissuteqarnissamut qularnaveeqqutit, aningaasartuutit ilaannik matussusiineq aamma ingerlatsinernut tapiissutit.

Piffissami matumani tunniunneqartarput kulturikkut nersorinninniutitut nersornaat aamma qimmassaatitut nersornaat. Nersornaatit taakkua inatsisitigut annertussusissaannik akinullu iluarsiissutinik aqunneqanngillat, kisiannili malittarisassatigut, Naalakkersuisunit suliaasutigut, saqqummiunneqartutigut Naalakkersuisut.gl aqqutigalugu, aammalu aningaasanut inatsisikkut aningaasaliissutissanik annertussusiliisoqartarluni. Nersornaatit pineqartut ukiut tamaasa tunniunneqartarput kulturikkut ingerlatsisumut arlaqartunulluunniit. Naatsorsuutigineqarpoq nersornaatit pillugit nalunaarusiamik saqqummiussisoqassasoq.

Tips- aamma Lotto pillugit inatsit

Kalaallit Nunaanni Eqqumiitsuliornermut Aningaasaateqarfiup saniatigut aamma aningaasaliissuteqarpoq Danske spil-imuit, taaneqartunik “Tips- og lottomidlerne”, aningaasanoorutinit tapiissutit, Naalakkersuisunit aqunneqartut.

Aningaasanoorutit ilaannit iluanaarutinit agguassisarneq pillugu Inatsisartut Inatsisaat nr. 10, ulloq 27. november 2011-imeersoq inatsisitigut tunngaviuvoq, kiisalu aamma Aningaasanoorutit ilaannit aningaasanik agguassisarneq pillugu tapeeriaatsit, tapiiffagineqarnissamut piumasaqaatit il.il. pilligit Namminersorlutik Oqartussat nalunaarutaat nr. 16, ulloq 11. maj 2020-imeersoq inatsisitigut tunngaviupput aningaasaliissuteqartarnernut.

Tips- aamma lotto -mit aningaasaliissutit immikkoortuni 4 -ani agguanneqartarput: 1) timigissartartunut (breddeidræt), matumani aamma innarluutilinnut utoqqarnullu timersortartunut, 2), piginnaanilinnut timersortartunullu pikkorinnernut, 3) meeqqanut inuusuttuaqqanullu peqatigiiffinnut aamma 4) siunertanut nalinginnaasumik iluaqtaasussanut, tamatumani aamma kulturikkut siunertanut, innuttaasunik paasisitsiniaanernik siunertanut aamma pinaveersaartitsinernut, isumaginninnermi siunertanut, silaannarmi ingerlatsisarnerik siunertanut aamma ilisimatusarnerni siunertanut nalinginnaasunut (taanna pulje c-tut taaneqartarpoq).

Qinnuteqartoqarsinnaavoq siunertanut marlunnut pulje c-meersunut:

- *Suliniutinut tapiissutit*
 - Tassani ilaapput tapiissutigineqartartut suliniutinut piffissami killilimmi ingerlanneqartussanut, qinnuteqarfissap naareernerani aallartinneqartussanut.
 - 75 % -i angullugu matussusiisoqartarpoq aningaasartutissani missingersuusiani tapiiffagineqarsinnaasuni, taamaattoq qaffasinnerpaamik 200.000 kr.-it.
 - Tapiissuteqartoqarsinnaavoq suliniutinut qinnuteqarfissap naareerneraniit ukiut 5-it iluanni ingerlanneqartussanut.
 - Ukiumut sisamararluni piffissalikkanik qinnuteqartitsisoqartarpoq.
- *Ingerlatsinernut tapiissutit*:
 - Tassani ilaapput ingerlatsinernut tapiissutit, assersuutigalugu sulisunut tapiissutit, ininut, allaffissornernut, paassisutissiisarnerni atortunut aamma siulersuisuni sulinernut tapiissutit, taamaattoq siulersuisut honorisiassaat pinnagit.
 - Ukiumut annerpaamik 90.000 kr.-it.

Suliniutinik tapiissutinik kikkut tamarmik Kalaallit Nunaanni angerlarsimaffeqartut qinnuteqarsinnaapput, peqatigiiffiugaannilu imaluunniit kattuffiugaannilu, ilaasortat akiliuteqartartut 10-it sinnerlugilluunniit amerlassuseqassallutik.

Ingerlatsinermi tapiissutinik qinnuteqartoqarsinnaavoq peqatigiiffinnit aamma kattuffinnit nuna tamakkerlugu ingerlatsisuusunit 10 -inik sinnerlugilluunniit ilaasortalinnit Kalaallit Nunaanni angerlarsimaffilinnik, ingerlatsinermullu tapiissutit annerpaamik ukiumut 1-imut tunniunneqarsinnaallutik. Ukiut tamaasa qinnuteqartoqaqqissinnaavoq.

Qaffasinnerpaamik qinnuteqarfissap naareerneranit ukioq ataaseq siumut tapiissutisoqarsinnaavoq.

§ 8, imm. 2 Tips-imut lotto-mullu nalunaarummi naapertorlugu Kultureqarnermut Naalakkersuisoq tapiissutinut atugassarititaasunik aalajangiisinnaavoq.

Suliniuteqarfinni naalakkersuinikkut immikkut pingaartinneqartuni 200.000 kr.-init qaffasinnerusunik tapiisoqarsinnaavoq.

Kultureqarnermut Naalakkersuisoq aalajangersimavoq iliuusissat imaluunniit suliniutit inuunermi nalilinnut tunngasunik paasisitsiniaanernut tunngasutut, inuiaqatigiinni atugarissaarnermik nukittorsaaniarnerit, aamma inuttut eqqarsartaatsimi atugarissaarnermut tunngasut, aammalu ilaqtariit meerartallit utoqqaallu inuunerannik siuarsaaviusut immikkut pingaartinneqassasut. Kiisalu aamma iliuutsit imaluunniit suliniutit eqqumiitsuliornermut, nipilersornermut imaluunniit isiginaartitsisarnikkut neqeroorutinut ilaqtariinnut sammisut pingaartinneqassapput.

Tips-imit lotto-millu aningaasaliissutitsigut tapiissutinik aningaasaliisoqarsinnaanngilaq aningaasarsiutigalugu nioqqutissianut atasunik.

Kultureqarnermut sunngiffimmilu sammisassaqartitsinermut inatsimmut tunngatillugu
Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. 5 ulloq 6. juni 2016 -imeersoq aallussivoq erseqqissaaniarnermik pisortani oqartussat akisussaaffiannik aamma pisinnaatitaaffiannik suliassaqarfimmi matumani tapiissuteqartarnernut.

Naalakkersuisut § 2, imm. 1 naapertorlugu pingaarnertut akisussaapput nunatsinni sumiiffinni tamani kulturikkut sunngiffimmilu sammisassaqartitsinikkut Inatsisartut inatsisaat naapertorlugu ingerlatsisoqarnissaanut, aamma Naalakkersuisut communalbestyrelsit peqatigalugit peqataanissaannut tamatumani killiussat atugassarititaasut pitsasuunissaannut.

§ 2, imm. 1 naapertorlugu Naalakkersuisut Inatsisartut inatsisaanni pisussaaffimmi naammassineqarnissaannut:

- 1) aningaasannik tapiissuteqarsinnaapput allatigullu qiimmassaasinnaallutik ineriarternermik aamma nioqqutissiornermik, ingerlatsinermik, atuinermillu kulturikkut sunngiffimmilu sammisassaqartitsinermik ingerlatsillutik,
- 2) peqataasinjaapput ininik naleqquttunik allatigullu avatangiisink pilersitsisarnernut,
- 3) atugassiisinjaallutik ininik avatangiisink illu naleqquttunik,
- 4) siunnersuinikkut kiffartuussisinjaallutik kommuninik, aammalu
- 5) neqeroorsinjaallutik naleqquttunik ilinniagassanik, qaffasinnerusunik ilinniakkanik ilinniaqqittarnerillu.

Kommunalbestyrelse § 3 naapertorlugu pingaarnertut akisussaavoq kommunimi kulturikkut sunngiffimmilu sammisassaqtitsinernut. Kommunalbestyrelse anguniakkanik aamma killiliussanik tamatumunnga aalajangersaassaaq, kommunini innuttaasut periarfissaqartikkumallugit ineriaartornissamut, sammisaqarnissamut kulturikkullu neqeroorutinik tamatigoortunik atuisinnaanermut.

§ 5, imm. 1 -imi malittarisassamik aalajangersaasoqarpoq qanoq communalbestyrelsip Inatsisartut inatsisaannik tunngaveqartunik pisussaaffimminik naammassinnittarnissaanik. Tamanna pisassaaq ininik siunertanut naleqquttunik avatangiisinillu atugassiisarnikkut, aamma ininik silamilu pisariaqartunik ingerlatsinernut tapiissuteqartarnikkut, meeqqat inuuusuttullu peqatigiiffiinit kattuffiinillu pigineqartunut imaluunniit atugassiissutigineqartunut. Tamatumunngalu ilaliullugu § 5, imm. 2 -mi nalunaarneqarpoq communalbestyrelsip Inatsisartut inatsisaat naapertorlugu pisussaaffimminik naammassisqaqtarnissaa, makkunuunatigut:

- 1) peqataasarnikkut ininik avatangiisinillu naleqquttunik atugassiisarnikkut aamma ingerlatsinermut tapiissuteqartarnikkut, kulturimut sunngiffimmilu sammisassaqtitsinernut atorneqartartunut, aamma
- 2) aningaasatigut tapersiisarnikkut allatigullu perrasaanikkut ineriaartotsisoqarnerani aamma nioqqutissiornermi, ingerlatsinermi aamma kulturikkut sunngiffimmilu sammisassaqtitsinermik ingerlatsinikkut.

§ 5, imm. 3 -mi aalajangersarneqarpoq Naalakkersuisut malittarisassiorsinnaasut communalbestyrelsip pisussaaffiinut ininut naleqquttunut avatangiisinillu allanut imm. 1 naapertorlugu. Pisinnaatitsineq taanna iluaqutigineqanngilaq.

Ingerlatsinernut tapiissuteqartarnerit pisinnaatitaasunut aamma ingerlatsisunut aalajangersagaq marlunngorlugu avinneqarpoq. Siulleq ininut atorneqartartunut tunngavoq, aappaalu ingerlatsinernut tunngalluni.

Naalakkersuisut aamma communalbestyrelsit § 7, imm. 1 naapertorlugu tapiissuteqartarsinnaapput sanaartukkanut, aserfallatsaaliinernut aamma ingerlatsinernut, ininut avatangiisinillu allanut, kulturikkut sunngiffimmilu sammisassaqtitsinernut atorneqartartunut, matumani fritidshjemminut, sunngiffinni sammisassaqtitsivinnut klubinut, ininut saqqummersitsiviusartunut, ininut sungiusarfiusartunut aamma ataatsimiittarfinnut katersortarfinnullu. Tamatumal suiatigut aamma Naalakkersuisut § 7, imm. 2 naapertorlugu communalbestyrelse imaluunniit allat tapiissuteqartarpata sanaartukkanut, aserfallatsaaliinernut aamma ingerlatsinernut, ininut avatangiisinillu allanut kulturikkut sunngiffimmilu sammisassaqtitsinernut atorneqartartunut, tapiissutit taarserlugit utertissinnaavaat tamakkiisumik ilaannakuusumilluunniit.

Naalakkersuisut § 8 naapertorlugu aamma communalbestyrelse isumasioreerlugu malittarisassiorsinnaapput sanaartukkanut, aserfallatsaaliinernut aamma ininik ingerlatsinernut

avatangiisinillu allanik ingerlatsinernut kulturikkut sunngiffimilu sammisassaqartitsinernut atorneqartartunut, matumani aamma akisussaaffiit suliassallu agguataarneqartarnerannut, tapiissuteqartarnermi piumasaqaatinut atugassarititaasunullu, qinnuteqarnermi periaaserineqartussanut, naatsorsuusiortarnernut aamma kukkunersiusnarernut.

§ 9, imm. 1 -imi aalajangersarneqarpoq Naalakkersuisut aamma communalbestyrelsit sutigut tapiissuteqartarsinnaandersut:

- 1) ingerlatsisarnernik ineriertortitsinernut aamma ingerlanneqartussanik aaqqissuussinernut, matumani ilanngullugit tamatumani atortussanut,
- 2) ingerlatsineq, matumani ilanngullugit angalanernut ineqarnernullu aningaasartuutinut,
- 3) peqatigiiffiit aamma kattuffiit ingerlanneqarnerannut, kulturikkut sunngiffimilu sammisassaqartitsinernik ingerlatsisuni,
- 4) aaqqissuussinernut isernermut akiliutissanik apparsaanernut, peqataanermut akiliutissanut assigisaannullu, aamma
- 5) saqqummersitsinernut tusagassiisarnernullu aamma.

§ 9, imm. 2 naapertorlugu Naalakkersuisut aammattaaq tapiissuteqarsinnaapput Kalaallit Nunaata avataani kulturikkut sunngiffimilu sammisassaqartitsinernut.

§ 9, imm. 3 naapertorlugu Naalakkersuisut aamma communalbestyrelsip imm. 1 naapertorlugu tapiissutinik agguassinermermi isigniartassavaat meeqqat inuusuttullu avatiminni killeqartunik atuisinnaasut inuttullu nalorninartunik inisisimasut peqataaffigisartagaat.

§ 9, imm. 4 naapertorlugu Naalakkersuisut imm. 1 tunngavigalugu tapiissutinik tunniussinerni sapinngisamik isigniartassavaat ingerlatsinerit nunamut tamarmut atasumik suliaasut, imaluunniit ingerlatat kommuninit arlaqartunit peqataaffigineqartut.

§ 9, imm. 5 -imi aalajangersarneqarpoq Naalakkersuisut aamma communalbestyrelsip tapiiffigisinnanngikkai politikkikkut, upperisarsiornernut imaluunniit sulinermik inuussutissarsiuteqartut peqatigiiffiini siunertanut tunngasut.

I henhold til § 9, imm. 6 naapertorlugu Naalakkersuisut communalbestyrelsit isumasioreerlugit kulturikkut sunngiffimilu sammisassaqartitsinermi tapiissuteqartarnermi malittarisassanik suliaqarsinnaapput, matumani ilanngullugit akisussaaffiit aamma suliassat agguataarneri, ingerlatsinerit tapiiffigineqarsinnaasut killissaannik, tapiissuteqartarnermi atugassarititaasunik piumasaqaatinillu, qinnuteqaatinut periaasissanut, naatsorsuusiortarnernut aamma kukkunersiusnarernut. Pisinnaatitaaneq taanna atorneqarsimanngilaq.

Kiisalu aamma eqqaaneqarsinnaavoq § 1, imm. 5-imi aalajangersarneqarmat Inatsisartut inatsisait atortinneqanngimmat kulturikkut sunngiffimmilu sammisassaqartitsinernut inatsisit allat aqqutigalugit aqunneqartunut.

2.2 Inatsisissamik siunnersuusiornermi isumaliutersuutigineqartut

Naalakkersuisut isumaliutigeqqaaraluarpaat siunnersuutinik suliaqarnissaq, taakkunani lu aappaa filmiliortarnermut atasunik malittarisassanik imaqassasoq, aappaalu filmiliornermut atatillugu aningaasartuutinut taartisiatut matussutissanik aaqqissuussinertut. Naalakkersuisut kingusinnerusukkut nalilerpaat pissusissamisoornerusussatut aningaasartuutinut matussutissanik tapiissuteqartarnermik aaqqissuussineq filmiliortarnermut inatsisissatut siunnersummut ilaassasoq. Tamanna pivoq naliliisoqarmat pissusissamisoornerussasoq filmiliortarnermut tapiissuteqartarnermi periarfissap ataatsimut filmiliornermut inatsimmiinnissaanik. Tamatumalu saniatigut aningaasartuutinut taarsiissutit matussutissanik tapiissuteqartarnermik aaqqissuussineq filmiliornernut atasoq, allatigut filmiliornermut aningaasatigut tapiissuteqarsinnaanermi periarfissat ilanngullugit filmiliornermik Kalaallit Nunaanni killiliussatut atugassarititaasutut isigineqarmata, filmiliornerup nukitorsarnissaanni, tamannarpiaallunilu siunnersummi siunertaasoq.

Naalakkersuisullu aamma tamatumunnga atatillugu siunnersummik suliaqarnermi isumaliutersuutigisimavaattaaq qanoq annertutigisutigut filmiliortarnermi killiliussanik aaqqissuussineq inatsisiliornermiisanersoq, qanorlu annertutigisumik nalunaarusianiissanersoq. Naalakkersuisut nalilersimavaat siunnersuut suliarineqassasoq inatsisitut killiliussatut, imatut paasillugu Naalakkersuisunut susassaqarfiutinneqassasoq siunnersummi aalajangersakkanut matumanii naapertuuttumik, ersarinnerusunik malittarisassiertoqassasoq nalunaarusiornikkut. Tamatumunnga tunuliaqutaavoq ataatsimut isigisumik inatsisinut teknikkimut tunngasunik inassuteqaatit saniatigut, immikkualuttortalersukkanik aqutsineq allaffissornikkut malittarisassianiissasoq, teknologit aamma atugassarititaasut filminik nioqquutissiornermi sukkasumik allanngoriartorfiusumik ineriertortarmata, tamannalu tunngavigalugu pissusissamisuussananani Inatsisartut inatsisaatigut aqutsisoqarnissaa.

Naalakkersuisut siunnersummik suliaqarnermut atatillugu ilanngullugu isumaliutersuuteqarput ataqtigiinnermik Inatsisartut filmiliortarnermut inatsisissaannut siunnersummi, aamma inatsisiliornerni allaniittunik, aamma filmiliornermi tapiissuteqartarnermi atugassarititaasunik aqutsisuusunik. Naalakkersuisut naliliippit filmiliornermut inatsit tassaassasoq inatsit immikkut illuinnartoq, Eqqumiitsuliornermut inatsit, Kulturikkut sunngiffimmilu sammisassaqartitsinernut inatsit aamma Tips-imut aamma Lotto-mut inatsisit ataatsimut isigisunik inatsisaasut, imatut paasillugit, eqqumiitsuliorneq aamma kulturimut tunngasut immikkoortunut assigiinngitsunut agguataagaannginneri. Naalakkersuisut naliliisimapput pingaaruteqartoq Kalaallit Nunaanni filmiliortarneq pisinnaatinneqassasoq akisussaaffeqlunilu aningaasatigut tapiissuteqartarnernut, filmiliortarnerup iluani. Tamatuma kinguneraa aallaavittut inatsisit allat aamma attuumassuteqarneri, aamma tapiissuteqarsinnaanermut periarfissaqartitsisut.

Eqqumiitsuliornermut inatsimmut atatillugu Naalakkersuisut nalilersimavaat pisariaqartoq killiliussanik aaqqissuussisoqarnissaa, sutigut Kalaallit Nunaanni Eqqumiitsuliornermut Aningaasaateqarfik tapiissuteqarsinnaanersoq filmiliornermik suliassaqarfimmi eqqarsaatigalugu. Tamatumia kingunerissavaa pisariaqartitsineq nutarterinissamik Eqqumiitsuliornermik ingerlatsineq pillugu Inatsisartut inatsisaannik Namminersorlutik oqartussat nalunaarutaanni.

Siunnerfigineqanngilaq Kalaallit Nunaanni Eqqumiitsuliornermut Aningaasaateqarfip siunissami mattunneqarnissaa filminik eqqumiitsuliornerup iluani. Nersornaammik honorarisiaritinneqartartut taamaasillutik naatsorsuutigineqarput Kalaallit Nunaanni Eqqumiitsuliornermut Aningaasaateqarfip tunniuttassagai, naatsorsuutaallunilu nersorinninniarnerit assigisaat honorarisiarineqartarnissaat. Taamaattoq naatsorsuutigisariaqassaaq tapiissuteqartarnerit qanoq ittuuneri aamma tapiissutit siunertaat ersarinnerusumik nalunaarusiornikkut aqunneqassasut, taamalu ersarilluni Kalaallit Nunaanni Eqqumiitsuliornermut Aningaasaateqarfip tapiiffigisinnaasaasa suuneri.

Tips-imut Lotto-mullu inatsimmut tunngatillugu Naalakkersuisut nalilinngilaat siunnersuut allannguinissanik inatsisiliornikkut pissutissaqartitsisoq. Taamaasilluni suli ingerlaqqittumik periarfissaassaaq filmiliornermik suliassaqarfip iluani tapiissuteqarsinnaanermut, tips-imut aamma lotto-mut inatsimmi, piumasaqaataasut naammassineqarsimatillugit.

Kulturikkut sunngiffimmilu sammisassaqartitsinermut inatsimmut tunngatillugu taanna § 1, imm. 5 naapertorlugu siulliuvoq inatsisinit allanit. Taamaasilluni aalajangersarneqarpoq Inatsisartut inatsisaat atortinneqanngitsoq atortinneqanngitsoq kulturikkut sunngiffimmilu sammisassaqartitsinikkut ingerlatsinerni inatsisit allat naapertorlugit. Filmiliornermik ingerlatsisarneq kulturikkut sunngiffimmilu sammisassaqartitsinerup suliassaqarfiaita iluaniittutut isigineqarsimatillugu taamaasilluni aqunneqassaaq filmiliortarneq pillugu Inatsisartut inatsisissaattut siunnersuummi aalajangersakkanit. Tamatumunnga erseqqissaatitut siunnersuummi § 22 ilaavoq, kommunit periarfissaattut filmiliortarnermik siuarsaaqataanissamut, matumani aamma tapiissuteqartarnikkut aningaasanik, attartortitsisarnikkut imaluunniit attartugassanut qularnaveeqquisarnikkut, filmiliornermut, filminik isiginnaagassanik attartortitsinernut aamma filmertarfinni filmertitsisarnernut.

Siunnersuutip siunnerfigaa eqqumiitsuliornermi immikkoortumik aalajangersimasunik siuarsaaneq, filmiliornermik aammalu filmiliornermik inuussutissarsiutip siuarsarneqarneranik. Tamatumunngalu atatillugu Naalakkersuisut kulturimut tunngasumik seminareqartitsippuit november 2022-imi, eqqumiitsuliornermik suliaqartunit ujartugaasumik, siunnerfigalugu Naalakkersuisut eqqumiitsuliornermik inuussutissarsiutitut tapersersuinerunissaat, Kalaallit Nunaanni eqqumiitsuliorneq inuussutigissallugu ajornakusoortorujussuummat. Taamaasillunilu siunnersuut kulturimut sammisumik aammalu inuussutissarsiutinut sammisumik umigaqarpoq. Taamaasilluni siunnersuut ilassutaassaaq eqqumiitsuliornerup kulturikkullu suliassaqarfip iluanut tunngasuni inatsisiliornernut.

Naalakkersuisut siunnersummik suliaqarnermut atatillugu ilanngullugu isumaliutersuutigisimavaat ingerlatsivilersussatut siunnersuutaasup qanoq ateqartinneqarsinnaanera. Filmilornermik inuussutissarsiortut akornaniit kissaatitut oqaatigineqarsimavoq filminstitutti ateritinneqassasoq. Taaguut filminstitutti (tuluttut Film Institute) nunani allani taaguutaavoq nalinginnaasoq ingerlatsivinnut pineqartutut ittunut, nunanilumi amerlanerusuni taaguutigineqarluni. Naalakkersuisut taamaattumik aamma pissutissamisoortissimavaat ingerlatsiviup pineqartutut taaguuteqartinnissaa. Taaguutikkut Kalaallit Nunaanni filminstitutti siunnerfiuvoq tamanna nunani allani oqariartuutaasinnaasoq taanna nunatsinni pisortatigoortumik ingerlatsiviusoq.

Naalakkersuisut ilanngullugu aamma isumaliutersuutigaat Kalaallit Nunaanni Filminstituttip annertussusissaa, suliassai, akisussaaffissai, aaqqissuussaanissaa aamma aqutsisussai. Naalakkersuisut tamatumunnga atatillugu nalilersimavaat Kalaallit Nunaanni filminstitutti annertussusissamigut aallaaveqassasoq inatsisitigut aalajangersakkanik siunertanik aamma suliassanik, nunatsinnilu pissusiviusunik, matumanissaq filmilornermik inuussutissarsiutip qanoq annertussuseqarneranik aamma ingerlatsisut suliassaqarfimmi tassani amerlassusaannik.

Tunngatillugu akisussaaffinnut, aaqqissuussaanermut aamma aqutsisunut Naalakkersuisut nalilersimavaat Inatsisartut inatsisaanni taamaallaat aqunneqartariaqartut kiap pingarnertut ingerlatsineq akisussaaffigineraa aammalu ulluinnarni aqutsisutut ingerlatsisut. Siunnersummi siunnersuutigineqarpoq pingarnertut aqutsineq siulersuisuniissasoq, ulluinnarnilu aqutsineq pisortamit siulersuisunit atorfinitssinnejartartumit isumagineqassalluni. Tamatumalu saniatigut aalajangersarneqarpoq pisortap sulisut atorfinitssittassagai. Taamaasilluni nalilerneqanngilaq pissusissamisuussasoq siunnersummi aalajangersakkanik aaqqissuussisoqassasoq sulisunik aalajangersimasunik pisortaasup saniatigut atorfinitssitsisarnissanik. Taamaasillunilu pissusissamisoortinnejarpoq Kalaallit Nunaanni Filminstituttip nammineq sulisussanik pisariaqartitsineq nalilersortassagaa suliassanut naapertuuttumik. Aamma pissusissamisoortinnejarpoq siulersuisut suleriaasissaminni ersarinnerusunik malittarisassiorumaartut siulersuisut pisortallu akornanni akisussaaffiit agguataarnerannik.

Ilanngullugulu isumaliutersuutigineqartuni ilaasimavoq pisariaqartitsisoqarnersoq meeqqanik inuusuttuaqqanillu illersuinermut tunngasunik. Naalakkersuisut nalilersimavaat saqqummiussuisarnermit matuminnga neqeroorutit maanna imatut annertussuseqartut periarfissaqarani nakkutilliinissamut pineqaatissiarnissamullu naammassisqarfiulluartumik, meeqqanik inuusuttuaqqanillu illersuinermi filmit pitsaanngitsunik sunniutigisartagaat eqqarsaatigalugit. Naalakkersuisut nalilerpaat taarsiullugu aallunneqartariaqartut angajoqqaanik allanillu meeqqanik inuusuttuaqqanillu suliaqartartunik paasisitsiniaasarneq aaqqissuulluagaasoq, tamatumani aamma atuarfinni ilinniartitaanermillu ingerlatsivinni. Taamaattumik siunnersummi ilanngullugu allanneqarpoq Kalaallit Nunaanni Filminstituttip pisussaaffia aamma paasisitsiniaanermik ilitsersuisarnermillu ingerlatsisarnissamut.

2.3 Siunersuummi qulequttat pingaarcerit

Siunnersuut sananeqarpoq tulliuttunik kapitalinik 8-nik:

- Kapitali 1 Atuuffia aamma taaguutit
- Kapitali 2 Kalaallit Filminstituttiat
- Kapitali 3 Aningaasatigut tapiissuteqartarneq
- Kapitali 4 Aningaasalersuineq, aningaasartutissanik missingersuusiat, naatsorsuutit, kukkunersiuineq aamma aningaasaliissutnik utertitsisarneq
- Kapitali 5 Akuersissuteqartarneq aamma nalunaarsuisarneq
- Kapitali 6 Nakkutilliineq aamma naammagittaalliutit
- Kapitali 7 Pineqaatissiissutit
- Kapitali 8 Atortuulerfia aamma ikaarsaariarnermut aalajangersakkat

2.3.1 Atuuffia aamma taaguutit

Kapitali 1 -imi § 1-imi killilersuisoqarpoq Inatsisartut inatsisaata atuuffianik aammalu §§ 1-4 -mi taaguutinik filmiliortarnermi, filminut, kalaallit filmiliaannut, kalaallinut filmiliortunut - producentinut – aamma filmilioqataasunut.

2.3.2 Kalaallit Filminstituttiat

Kapitali 2 -mi Kalaallit Nunaanni filminstituttimut malittarisassat allassimapput. Kapitalimi malittarisassanik aalajangersaasoqarpoq instituttip siunertaanut aamma suliassaanut aamma instituttip aaqqissuussaaneranut aqunneqarneranullu. Tassaniippit malittarisassat inatsisitigut instituttip inisisimaneranut Filminstitutti pisortat ingerlatsivigaat namminersortoq. Tamatumalu saniatigut malittarisassaqarpoq siulersuisut pillugit, ingerlatsivimmi qullersaallutik oqartussaasut. Malittarisassat tamakkua imaqpurt siulersuisut akisussaaffiannik aamma suliassaannik, siulersuisunik aamma sinniisussanik toqqaasarernik, piffissap atuuffiusussap sivilissusissaanik aamma honoraarisianik. Malittarisassaniippit piumasaqaatit siulersuisuni ilaasortat aamma sinniisussatut qinigaasinnaanermut piumasaqaatit. Taakkua ilagaat Kalaallit Nunaanni najugaqarnissamik piumasaqaat. Tamanna tunngaveqarpoq kissaatigineqarmat qularnaarneqassasoq siulersuisuni ilaasortat nunatsinni pissutsinik paasisimasaqarnissaannik. Tulliullugu piumasaqaataavoq ilaasortat 18-inik ukioqalereersimassasut. Tamatumunnga tunngaviuvoq taamatut ukioqaleraanni inersimasunngortoqartarmat. Tamatuma saniatigut aamma killiliisoqarpoq ilaasortat politikkikkut ingerlatsisuunnginnissaannik. Tamatumani tunngavigineqarpoq qularnaarumaneqarmat siulersuisut politikkikkut pitussimannnginnissaat.

Honoraareqartitsinermut atatillugu aalajangiunneqarpoq siulersuisut suliaminnut honorarisiaqassasut, - honoraareqassasut, taakkualu qanoq akilerneqartassanersut. Honoraarisiassat annertussusissaat nalunaarummi aalajangerneqassapput. Tamanna pissusissamisoortinneqarpoq periarfissaassammat ingerlaavartumik honoraarisiat akinut malinnaatinnissaat, tamanna pisariaqassappat.

Kiisalu aamma malittarisassaqarpoq instituttip pisortaanut tunngasunik, matumani aamma pisortamik atorfinititsisarnermut, taassuma akisussaaffiinut aamma suliassaanut, matumani aamma atorfinititsisarnermut pisinnaatitsinermut. Tamatumunnga atatillugu aamma malittarisassaqarpoq atorfeqarnermi atugassarititaasunut.

2.3.3 Aningaasatigut tapiissutit

Kapitali 3 -mi ilaapput aningaasanik tapiissuteqartarnermut malittarisassat. Tassani ilaapput malittarisassat immikkut aningaasaliissutissanik immikkoortsisoqartarnernut aningaasanut inatsit aqqutigalugu. Kiisalu aamma pingaarnertut malittarisassaqarpoq tapiissuteqartarnernut, filmiliornermut aningaasartuutaasimasunut matussutissat ilaannik tapiisarnermut, aamma Naalakkersuisut pisussaaffiannik aningaasatigut tapiissuteqartarnernut malittarisassiornissamut, filmiliornermut aningaasartuutaasimasut ilaasa taarserlugit tapiissutitut akilerneqartarnissaannut.

Aningaasanik tapiissuteqartarnermut malittarisassani aalajangersagaqarpoq pisussaaffimmik qularnaarinissamut allaatigisaq filmiliornermi najoqqutassaliorneq nioqqutissiornissamullu siunnersuutit filmiliamik isiginnaagassiassamik eqqumiitsuliornermit isigisumik qinnuteqaammik nalilersuisarnissamut, aamma naatsunik filmiliani dokumentar-itullu filmiliani, qinnuteqaatillu naliliivigneqarnissaanik aningaasatigut suliassatullu nioqqutissiassatut.. Taamaasilluni siulersuisut oqartussaaffigaat nalilersussallugu qanoq qularnaarneqassanersoq, matumani aamma sulisussanik atorfinititsisoqassanersoq, imaluunniit suliassaq allatut ingerlanneqartassanersoq.

Kapitalimi 3-mi ilanngullugu aalajangersagaqarpoq kommunit periarfissaannik tapiissuteqarsinnaanermut, aningaasanik attartortitsisinnaanermut, filmiliornermut, filminik attartortitsisarnernut filmertitsisarfeqarnermullu, pisinnaatitsisoqarlunilu tamakkua pillugit Naalakkersuisut malittarisassiorsinnaanerannut.

2.3.4 Aningaasalersuineq, aningaasartuutissanut missingersuusiat, naatsorsuutit aamma tapiissutaasimasunik utertitsisarneq

Kapitali 4 -mi ilaapput malittarisassat Kalaallit Nunaanni Filminstituttip aningaasalersorneqarnissaanut, siulersuisut aningaasartuutissanut missingersuusianik nunattalu karsiata tapiissutissaasa annertussusissaannik siunnersuuteqartarnissamik, naatsorsuusiortarneq naatsorsuutillu saqqummiunneqartarneri, aammalu siulersuisut instituttip ingerlatsisimanera pillugu nalunaarsiortarnerat. Kiisalu malittarisassanik aalajangersagaqarpoq naatsorsuusiortarnermut tapiissutinik tunineqartartuniit, Naalakkersuisullu pisinnaatinneqarlutik tamanna pillugu malittarisassiorsinnaanermik. Kiisalu aamma malittarisassanik aalajangersagaqarpoq tapiissutinik utertitsisarnernut, Naalakkersuisullu pisinnaatinneqarlutik tamatumunnga malittarisassiorsinnaasut.

2.3.5 Akuersissut aamma nalunaarsuisarneq

Kapitalimi 5 -imi malittarisassanik aalajangersagaqarpoq Kalaallit Nunaanni Filminstituttimut qinnuteqartoqartassasoq akuersissummik Kalaallit Nunaanni filmiliorsinnaanermut aningaasarsiutigalugu suliaasussamik, tamatumunngalu atatillugu akitsuummik akiliuteqartarnermut. Naalakkersuisut pisussaaffiligaapput tamanna pillugu malittarisassiornissamut. Kiisalu aamma malittarisassanik aalajangersaasoqarpoq pisussaaffimmik instituttip filmiliornissamut akuersissuteqarnermut atatillugu paasissutissat pingarnerit filmiliassaq pillugu nalunaarsortassagai, aamma tamumani kikkut akisussaanersut ilangullugu, pisussaaffeqlunilu akuersissutit pillugit instituttip quppersagaatigut paasissutissiarnissanik. Tamatuma saniatigut Naalakkersuisut pisussaaffilerneqarput ersarinnerusunik malittarisassiornissamut nalunaarsuisarnermut, matumani aamma paasissutissat pingarnerit suut Kalaallit Nunaanni Filminstituttip quppersagaani saqqummiunneqartassanersut pillugit.

2.3.6 Nakkutilliineq aamma naammagittaalliuteqartarneq

Kapitalimi 6 -imi malittarisassanik aalajangersaasoqarpoq Kalaallit Nunaanni Filminstituttimik nakkutilliinermut Inatsisartut inatsisaanni pisussaaffinnik suliaqartarnera pillugu, matumani aamma instituttimut piumasaqarsinnaanermik paasissutissanik nakkutilliinermik suliaqarnermut atatillugu. Kiisalu aamma aalajangersagaqarpoq naammagittaalliorsinnaanermut aningaasaliissutinik tapiissutinut tunngasuni, Naalakkersuisullu pisinnaatinneqarlutik malittarisassiornissamut naammagittaalliortarneq taakkualu suliarineqartarneri pillugit.

2.3.7 Pineqaatissiissutit

Kapitalimi 7-imi malittarisassanik aalajangersagaqarpoq pisussaaffinnik unioqquitsisoqartillugu pineqaatissiarnissanut, pisussaaffinni Kalaallit Nunaanni aningaasarsiutigalugu filmiliornissamut akuersissuteqartoqarnissaanik. Pissusissamisoortinneqarpoq unioqquitsinerit pineqartut akiliisitsinikkut pineqaatissiissutaasinnaaneri.

2.3.8 Atortuulerfia aamma ikaarsaariarnermut aalajangersakkat

Kapitalimi 8 -mi aalajangersagaqarpoq Inatsisartut inatsisaata qaugu atortuulernissaanik. Piffissaq atortuulersitsiviusussaq aalajangerneqarpoq tassaasoq 1. januar 2025 siunnerfigalugu Inatsisartut inatsisaata akuersissutigineqarsimatsiarluni atortuulersinneqarnissaa.

Kiisalu aamma aalajangersagaqarpoq piffissamut sumut siulersuisut siullit toqqarneqarnissaannik. Tamanna tassaavoq 1. april 2025 -imiit 31. marts 2029 -imut. Tamatumunnga pissutaavoq piffissaqartoqassammat siulersuisuni ilaasortassanik toqqartuisoqarnissaanut.

Kiisalu aalajangersarneqarpoq Inatsisartut inatsisaannik Kalaallit Nunaanni filminstitutti pillugu aalajangersakkat aatsaat atortinneqalissasut 1. januar 2026-imiit. Tamatumunnga tunngavigineqarpoq siulersuisunik toqqaasoqqaartussaanera, pisortassamik atorfinititsisoqartussaanera, nalunaarummi malittarisassiorqartussaanera, qularnaarneqartussaaneralu ininik atugassaqarnissaq aammalu pequtisiarnissaq il.il..

3. Aningaasaqarnikkut aamma allaffissornikkut pisortanut kingunerisassai

3.1. Filminstituti

Siulersuisut

Kalaallit Nunaanni Filminstituttimi siunersuisut ukiumoortunik honorarisiarnissaat siunnersuutigineqarpoq. Honorarisiat annertussusissaat nalunaarusiami siunnersuummi § 13, imm. 4 naapertorlugu suliaasumi annertussusilerneqassapput. Naatsorsuutigineqarpoq honorarisiassat siulittaasumut 50.000 kr.-inik annertussuseqarnissaat, siulersuisunilu ilaasortat tamarmik immikkut 25.000 kr.-inik honorarisiaqassasut. Taamaasillunilu ukiumut honoraarisiaanut aningaasartuutit 150.000 kr.-inik annertussuseqassallutik. Taakkua saniatigut aamma ilanngunneqassapput siulersuisut ingerlatsinerannut aningaasartuutit allat, matumani aamma angalanernut, ullormusianut il.il. Taakkua ukiumut nalilerneqarpoq 75.000 kr.-inik annertussuseqartussatut. Siulersuisut ingerlatsinerannut ukiumoortunik taamaasilluni 225.000 kr.-inik missingersuusiortoqassaaq.

Naatsorsuutigineqarmalli siulersuisut aatsaat 1. april 2025 pilersinneqartussatut 2025-imi honorarisiaassanut aningaasartuutillu allat annikinnerussapput. Taamaasilluni naliliisoqarpoq 2025-imi aningaasartuutissat katillugit 162.500 kr.-inik annertussuseqarumaartut.

Allaffissorneq

Siunnersuut naapertorlugu pisortassamik atorfinititsisoqartussaavoq, naatsorsuutigisariaqassaarlu sulisussanik allanik aamma atorfinititsisoqarnissaa pisariaqartinneqarumaartoq, matumani aamma fagitigut ilisimasalinnik sulisunik aamma allaffissornikkut sulisunik. Filminstituttip nammineq nalilersortussaavaa qanoq annertutigisumik sulisussanik allanik atorfinititsisoqarnissaa.

Naatsorsuutigineqarpoq pisortaasussamik aatsaat atorfinititsisoqarsinnaassasoq 1. juli 2025 aallarnerfigalugu, siulersuisut taakkuummata pisortamik atorfinititsisussat, siulersuisullu 1. april 2025 aatsaat pilersinneqartussatut naatsorsuutigineqarlutik. Pisortaasup oqartussaaffigissavaa ingerlatsivimmi sulisussanik allanik atorfinititsisoqarnissaa, taamaattumillu naatsorsuutigineqarluni sulisut allat aatsaat 2025-ip ukiaani atorfinitinneqarumaartut.

Pisortaasumut aningaasartuutaasussat nalilerneqarput ukiumut 600.000 kr.-t missaamiittussatut, fagitigullu sulisussanut allanut aningaasartuutissat 1.000.000 kr.-nik ukiumut annertussuseqartussatut, allaffissornikkullu sulisunut aningaasartuutit ukiumut 500.000 kr.-nik annertussuseqartussatut. Katillugit tamatumani aningaasartuutissat taamaasillutik 2.100.000 kr.-nik annertussuseqassapput.

2025 -imi aningaasartuutissat naatsorsuutigineqarpoq 675.000 kr.-nik annertussuseqartussatut.

Ingerlatsinerup ilaa

Aningaasartuutissatut missingersuusiortoqarpoq pilersitsinermut, allaffinnik attartornermut, allaffissornermut, filminik takoqquusaarisarnernut allatigullu aningaasartuusissanik. Tamatumunnga ukiumut aningaasartuutissat missiliuunneqarput 1.700.000 kr.-nik katillugit annertussuseqartussatut. Taakkua agguataarput 100.000 kr.-nik pilersitsinermut (taamaallaat 2025-imi aamma 2026-imi), 300.000 kr.-t allaffinnik attartornermut, allaffissornermut 500.000 kr.-t, 200.000 kr.-t filmilianik takoqquusaarisarnernut, aamma 600.000 kr.-t allanut aningaasartuutinut.

2025-imi naatsorsuutigineqarpoq aningaasartuutit 600.000 kr.-nik annertussuseqarnissaat, taakkunangna pilersitsinermut 100.000 kr.-t, allaffinnik attartornermut 150.000 kr.-t, allaffissornermut 250.000 kr.-t aamma 100.000 kr.-t allanut aningaasartuutit.

Tapiissutit akilerneqartartut

Naatsorsuutiginneqarpoq filmilianut isiginnaagassianut, dokumentaarinut, animationi atorlugu filmilianut filmilianullu naatsunut 3.900.000 kr.-t atorneqartarnissaat. Taakkua annertoqatigigaat filmiliornernut tapiissutissatut Naalakkersuisut Kalaallit Nunaanni Eqqumiitsuliornermut Aningaasaateqarfimmut nuussimasaat. Tamanna ilutigisaanik kinguneqassaaq kontumut pingaarnermut 40.95.01 aningaasaliissutit, Eqqumiitsuliornermut aamma kulturimut tapiissutit allat, aningaasat annertoqataannik apparneqarnissaannik.

Ilutigisaanik naatsorsuutigineqarpoq Filmiliortarfimmut atorneqarumaartut 800.000 kr.-t. Taakkua assigaat aningaasaliissutit maanna nunatta karsianiit aningaasartuutigineqartartut Filmiliortarfimmut konto pingaerneq 40.95.01 aqqutigalugu. Tamatuma ilutigisaanik kinguneraa kontomi pingaarnermi 40.95.01 aningaasaliissutit taakkua annertoqataanik apparneqarnissaat. Filmiliortarfik maanna ataatsimut Naalakkersuisunit aamma Kommuneqarfik Sermersuumit aningaasaliissutinit aningaasalorsorneqartarmat, Filmiliortarfiup ingerlateqqinnejarnissaat ullumikkut annertussusiusut iluanni tunngaveqartariaqartoq ingerlaqqittumik Kommuneqarfik Sermersuumiit aningaasaliissutinik, imaluunniit nunatta karsiata siunertamut aningaasaliissutinik annertunerulersitsineratigut.

Ilutigisaanik naatsorsuutigineqarpoq immikkut aningaasaliissutinik pisariaqartitsisoqarumaartoq filmiliornermut aningaasartuutit ilaannik utertitsisarnernut. Siunnersuutigineqarpoq aningaasaliissutit Filmiliorneq pillugu suleqatigiissit tamanna pillugu inassuteqaateqarneratulli 2.000.000 kr.-nik ukiumut aningaasaliissuteqartoqartassasoq. Tamanna aatsaat 2026-imit atortuulissaaq, Kalaallit Nunaanni Filminstituttip ingerlatsinera - sulinera - aatsaat 1. januar 2026-imiit pissammat. Ilutigisaanik aningaasanut inatsimmi oqaasertaliussaq nr. 5 siunertanut kontumut 24.10. Akileraarutit toqqaannartut atorunnaassaaq. Oqaasertaliussami tassani pisinnaatitsineq naapertorlugu filmiliornermut ingerlatsivik namminersortoq akileraarutinik aamma akitsuutinik A-nik akilersimasaminik utertitsisinnaavoq, 10 mio. kr.-t angullugit ullorsiutit ukiuanni, utertinneqartussat qinnutigineqartut 3 mio. kr.-t qaangersimappatigit.

Aningaasartuutinik utertitsisarnermik aaqqissuussineq nunani allani taamatut aaqqissuussisimasuni misilittakkanik tunngaveqassaaq, isertitsissutaasassallunilu filmilornermik inuussutissarsiortunut Kalaallit Nunaanni inuussutissarsiutinullu allanut aamma Kalaallit Nunaanni. Kiisalu aaqqissuussineq aamma piginnaasanik ineriertortitsinermik Kalaallit Nunaanni filmilornermik inuussutissarsiutini pilersitsissaq.

4. Aningaasaqarnikkut allaffissornikkullu inuussutissarsiortunut kingunerisassai

Siunnersuut siunertaqartoq kalaallit filmilornermik inuussutissarsiutaannik nukitorsaanissamik, Kalaallit Nunaannillu takutitsiniassalluni nunatut filmilorfiusartutut. Taamaattumik siunnerfiuvoq amerlanerusut Kalaallit Nunaanni filmiliortarnissaat, kiisalu sulinermik inuussutissarsiutilinnik nunatsinni najugaqartunik sulisitsisoqarnissaa. Filmilornermik inuussutissarsiorneq inuussutissarsiutitut naatsorsuutigineqarpoq siunnersuutikkut nukitorsarneqassasoq. Siunnersuummi aalajangersakkat aningaasartuutaasimasut ilaasa utertillugit akilerneqartarnissaannik naammattumik aaqqissuussineq nunanit allaniit filmiliortartunik nutsuisoqarsinnaappat aningaasarsiornikkut kaaviaartitanik amerlanerulersitsissaaq, aamma inuussutissarsiutini allani, matumanit aamma takornariartitsinermi, kiffartuussinermik inuussutissarsiutini il.il.

5. Avatangiisinut, pinngortitamut innuttaasullu peqqissusiannut sunniutissai

Nalilerneqanngilaq siunnersuut kinguneqassasoq avatangiisinut, pinngortitamut imaluunniit innuttaasut peqqissusiannut.

6. Innuttaasunut kingunerisassai

Siunnersuut ataatsimut isigisumik innuttaasunut kinguneqartussaanngilaq, kisianni siunnersuut siunertaqarpoq siuarsaanissamik filmilornermik, tamatumalu eqqumiitsuliornertut inuussutissarsiutitullu ingerlanneranik. Kalaallit Nunaanni eqqumiitsuliornermik nukitorsaaneq aamma siaruarterineq innuttaasunut iluaqtissartaqarpoq aammalu Kalaallit Nunaanni kulturimut namminermut.

7. Allatigut pingaarutilinnik kingunerisassai

Naliliisoqarpoq siunnersuut allatigut pingaaruteqartunik kinguneqartussaanngitsutut.

8. Tusarniaaneq pisortani oqartussanik aamma kattuffinnik allanillu

Siunnersuut piffissami 17. juni 2024 - 15. juli 2024 tusarniaassutigalugu nassiunneqarsimavoq tusarniaavigineqartartunut susassaqartunut, tak. ilanngussaaq 1, aammalu tamanut ammasumik Naalakkersuisut quppersagaanni 19 juni 2024-miit takuneqarsinnaasimavoq.

Siunnersummi aalajangersakkanut ataasiakkaanut oqaaseqaatit

§ 1 -imut

Aalajangersakkami aalajangerneqarpoq Inatsisartut inatsisaata atuufigisai, aamma filmiliornerup suunerata qanoq paasineqarnissaa.

Kalaallit Nunaanni filmiliortarnernut tamanut ilaapput filmiliassamik piareersaasierneq, filmiliorneq aamma filmiliamik suliareqqiineq.

Piareersaasiernermiipput filmiliorluni ingerlatsilernissamut piareersaatit, soorlu aningaasalersuinissaq aamma filmimi inuttaasussat il.il. Tassunga ilaapputtaaq isumassarsiamik ineriartortitsineq, manuskriptiliorneq pilersaarusrornerlu. Filmiliortut taanna piffissaq taasarpaat piareersaasiernermi killiffik, tamannalu aamma taaneqarsinnaavoq filmiliunnginnermi suliassaqarfimmik.

Filmiliorneq tassaavoq filmimik immiussinermut toqqaannartumik sammisunik suliaqarneq, soorlu filmiliorfissamut sumiiffimmut angalanerit.

Suliareqqiineq imaqarpoq filmiliap immiutereerneratigut ingerlatsinernik, suliareqqinernik. Tamatumani ilaatigut ilaapput nipaata aamma assiliartaasa killorlugit aaqqissuullugillu suliareqqinnejnerat, ilanngullugit filmiliornermi immiussat katitserneri, nipilersuusersorneri aamma allatigut takujuminarsaatit isigisumut sunniuteqartussat aamma niptigut sunniuteqartussat. Tamanna suliassaq suliareqqinermik filmiliortartut taasarpaat tamannalu filmimik immiusssereernermermi suliareqqinermik aamma taaneqarsinnaavoq.

Oqaatsini ”siuarsaneq aamma siaruarterineq” paasineqassapput soqtiginnilersitsiniarnertut, pilerisaarinertut, paassisutissiinertut, takutitsinertut, nioqquteqarnertut, attartortitsinertut aamma atortitsinertut.

Taaguut ”kalaallit filmiliaat” suussusilerneqarput siunnersummi § 3, imm. 1-im.

§ 2 -mut

Aalajangersakkami nassuiardeqarpoq “filmi” qanoq paasineqassanersoq. Suussusiliinerup tamatuma assigaa “eqqumiitsuliorneq filminik” Eqqumiitsuliornermut inatsimmi § 1, imm. 5.

§ 3 -mut

Imm. 1 -imut

Aalajangersakkami nassuiarneqarpoq suna paasineqassanersoq oqarnermi “kalaallit filmiliaat”.

Nassuaammi suussusiliinermiippuit immikkoortut arlariit. Oqaaseqatigiinni siullerni aalajangiunneqarpoq pineqartoq tassaasoq filmiliaq kalaallimik ataatsimik imaluunnit arlalinnik producenteqartoq. ”Filmi” nassuiarneqarpoq § 2 -mi, aammalu ”producenti kalaaleq” nassuiarneqarluni § 3, imm. 2 -mi.

Immikkoortup aappaa tassaavoq ilassutitut piumasaqaat. Taamaasilluni piumasarineqarpoq filmi annerusutigut imminneqarsimassasoq kalaallit oqaasii atorlugit, imaluunniit eqqumiitsuliornikkut immikkut ittunik imaluunniit immikkut teknikkikut suliaasimassasoq, peqataasunik filmilornerup eqqumiitsuliatut takutinnissaani aamma Kalaallit Nunaanni filmkulturimik ersersitsisunik.

Piumasaqaat filmi annerusutigut kalaallit oqaasii atorlugit immiunneqarsimanissaanik isumaqarpoq, filmimi kalaallit oqaasii annerusutigut atorneqarsimassasut. Piumasaqaatip mattutinngilaa oqaatsit allat aamma inissaqarnissaat. Filmiliaq kalaallisut immiunneqarsimanngippat, immikkut ittumik kulturimik imaluunniit teknikkimik imaqassaaq, peqataasumik filmiliap eqqumiitsuliaaneranut aamma kalaallini filmkulturimik ersersitsissalluni.

Imm. 2 -mut

Aalajangersakkap suussusilerpaa “nunani allamiut filmiliaat” qanoq paasineqassanersoq. Nassuaammi suussusiliineq “residualdefinition”-iuvoq, tassa immaappoq suussusiliinermi isiginiarneqarluni “kalaallit filmiliaat”, aalajangiunneqarlunilu filmiliat kalaallit suliarinngisaat nunani allamiuusut.

Imm. 3 -mut

Aalajangersakkap suussusilerpaa “kalaaleq producenti” sumik imaqarnersoq.

Producenti paasineqassaaq oqaatsip oqariaatsillu nalinginnaasumik paasineqartarneratut. Tassa imappaq inuk qullersaalluni suliami aningasaqarnikkut akisussaasusoq filmiliamullu sinnisuusoq. Producentip suliniut taassumalu aningasaqarnera aaqqissuussaraa.

Aalajangersakkami piumasaqaatit taamaasillutik piumasaqaataapput Kalaallit Nunaannut atasuunissamik, tamannalu pisariaqartinneqarluni producentip kalaallineersutut isigineqarsinnaaneranut.

Piumasaqaat sumi najugaqartuunissamut, paasineqassaaq tamatumta killilersorneratigut, killilersuinermi suliaasumi Peqqussummi nr. 1198, ulloq 29. november 2006 -imeersumi,

atortuulersinneqartumi Kalaallit Nunaanni danskit qitiusumik nalunaarsuiffiannik taaguuteqartumik “Det Centrale Personregister”.

Imm. 4 -mut

Aalajangersakkami suussusilerneqarpoq qanoq paasineqartussaanersoq “producenti nunani allamioq”. Nassuaammi suussusiliineq “residualdefinition”-iuvoq, tassa immaappoq suussusiliinermi isigniarneqarluni “kalaaleq producenti”, aalajangiunneqarlunilu filmiliat kalaallit suliarinngisaat nunani allamiusut.

Imm. 5 -imut

Aalajangersakkami aalajangiisoqarpoq imm. 3 -mut atatillugu piumasaqaatit sanioqqunneqarsinnaanerat.

Isumaqtigiissutit Kalaallit Nunaanni atsiorneqarsimasut tassaapput isumaqtigiissutit Kalaallit Nunaata isumaqtigiissuteqaqataaffigisai.

Isumaqtigiissutit Kalaallit Nunaata ilalersimasai tassaapput isumaqtigiissutit Kalaallit Nunaata nammineq isumaqtigiissuteqaqataaffigingisai, kisiannili Kalaallit Nunaata isumaqtigiissuteqarnerup nalaani imaluunniit kingusinnerusukkut nalunaaruteqarnermigut ilalersimasai – tapersersimasai.

§ 4 -mut

Imm. 1 -imut

Aalajangersakkami suussusilerneqarpoq oqaaseq koproducent qanoq paasineqassanersoq.

Producenti tassaanngitsoq kalaaleq producenti § 3 naapertorlugu tassaassaaq procenti nunani allamioq.

Piumasaqaat filmiliap nioqquissiarineqarsimanissa - produceret – suleqtigiinnikkut nunani allamioq arlaqartulluunniit producentit suleqtigalugit, aamma minnerpaamik kalaaleq producenti ataaseq isumaqarpoq kalaaleq producenti aamma nunami allamioq arlaqartulluunniit producentit filmiliornermi akuusussaanerannik. Tamanna periaatsit assigiinngitsut atorlugit pisinnaavoq, matumani aamma filmiliornermi namminermi, kisianni aamma filmiliassap pilersinneqarnerani suliassatigut allatigut.

Imm. 2 -mut

Aalajangersakkami aalajangerneqarpoq qaugu filmiliaq kopruducerikkatut kalaallit suliaattut isigineqassanersoq. Aalajangiunneqarpoq tamatumani pisariaqartoq naapertuuttunik

atugassaqarnissaa kalaallit aamma nunani allamiut aningaasaliissutaanni aamma nioqquqtiissiornermi sunniutaasuni, suliniutit eqqumiitsuliornertut imaluunniit teknikkimut tunngasut eqqarsaatigalugit.

Eqqummaarissumik oqaasertaliisoqarpoq ammasumik - siammasissumik - pissusissamisoortutut, nalilerneqarmat Kalaallit Nunaanni Filminstituttip allaffisornermik aaqqissuussinera qeratasuumik qeratasuujunngitsoq, nalilerneqarmat instituttip pisumi namminermi ataatsimoortumik nalilersuisarnissaa sulinummik, pissutsit atuuttut iluanni. Taamaattoq siunnerfiuvoq kalaallit iliuusaat - suliniutaat - aningaasatigut aamma eqqumiitsuliornikkut teknikkikkullu annikitsuinnaassanngitsoq.

§ 5 -imut

Imm. 1 -imut

Aalajangersakkami aalajangiunneqarpoq Kalaallit Nunaanni filminstituttip siunertaa suunersoq.

Nr. 1 -imi aalajangerneqarpoq Kalaallit Nunaanni filminstitutti siunertaqartoq siuarsaanissanik filmiliortarnermik, filmertarnermi kulturimik aammalu Kalaallit Nunaanni filmertarfegarnermik. "Filmiliortarneq" suussusilerneqarpoq § 1 -imi.

Nr. 2 -mi aalajangersarneqarpoq instituttip suliassarigaa nunamut tamarmut filmkommissionitut ingerlatsisuuneq, aalajangersakkamilu innersuussisoqarpoq imm. 3-mut, tassani aalajangersarneqarmat suliassat suuneri. Suliassanik ingerlatsisoqarnissaani aallaaviunngilaq pinngitsoorami filmkommissionærermik atorfinititsinissaq. Ingerlatsisuuneq taamaasilluni aamma ilaatinneqarsinnaavoq atorfimmi allanik arlaqartunik suliaqarfiusumi, imaluunniit inuit arlaqartut suliassanut peqatigiinnerisigut.

Nr. 3 -mi aalajangersarneqarpoq instituttip suliassarigaa kalaallit filmiliaasa ilisimaneqarnerannik siaruarterineq aamma nunani allamiut filmiliaannik Kalaallit Nunaanni ilisimasaqarneq. Ilisimasanik siaruarterineq pisassaaq paasisitsiniaasarnikkut, filmertitsisarnikkut, ussassaarinernik ingerlatsisarnertigut il.il. Instituttip oqartussaaffigaa nammineq nalilersussallugu tamatuma qanoq ingerlannissaa.

Nr. 4 -mi aalajangerneqarpoq instituttip siuarsassagaa kalaallit filmiliaasa nunani allani nioqquqtingeqartarnerat.

Kalaallit filmiliaasa ilisimaneqarnerat aamma nioqquqtingeqartarnerat annertusarneqarsinnaavoq instituttip aningaasatigut tapiissuteqartarneratigut filmiliornerit immikkoortuini assigiinngitsuni, pileraisaarisarnerni aamma takutitsisarnerni.

Nr. 5 -imi aalajangerneqarpoq institutti katersuisassasoq filmilianut tv-iikkullu aallakaatitassianut atatillugu allaaserisanik katersallu tamanit iluaqtigineqarsinnaatillugit. Inuit tamat paassisutissanik

pineqartunik takunnissinnaanerat assigiinngitsunik aaqqissuussinikkut pisinnaavoq, tamatumani aamma naqitatut uninngatitsinikkut aammalu digitaliusunik takussutissiivitsigut.

Nr. 6 -imi aalajangerneqarpoq instituttip isumagissagaa isiginnaartartunut saaffiginnittunik assigiinngiaartunik filmit pillugit ingerlatsisoqartarnissaa. Isiginnaartartunut saaffiginnittunik susassaqtitsisarnerit assersuutigalugu pisinnaapput immikkut ittutigut filmertitsinertigut, ulluni filmertitsiviusuni, filmertarneq pillugu festivalertsinikkut, workshops -isigut aamma seminareqartitsisarnertigut il.il.

Nr. 7 -imi aalajangerneqarpoq instituttip qularnaassagaa ingerlaavartumik oqallittoqarnissaa filmiliortartut silarsuaanni aamma atuisuusut pingaaruteqartut akornanni, Kalaallit Nunaanni Filminstituttip ingerlatsinera pillugu. Instituttip nammineq pisussaaffigaa nalilersussallugu susassareqatigiinneq pineqartoq qanoq ingerlassanersoq.

Nr. 8 -mi aalajangerneqarpoq institutti paasissutissiisassasoq ilitsersuisarlunilu meeqqanut aamma inuusuttuaqqanut filmit naleqquttut pillugit, tamatumani aamma filmit meeqqanut inuusuttuaqqanullu ajoqsiisinnaanersut pillugu. Paasissutissiinissamut ilitsersuinissamullu pisussaaffik tunngavoq paasisitsiniaasarnermut ilitsersuisarnermullu ataatsimut isigisumik, kisiannili aamma filminut ataasiakkaanut tunngatillugu.

Nr. 9 -mi aalajangerneqarpoq instituttip siuarsassagai proffessioneliusut filmiliat misileraasut equmiitsuliatut aamma piginnaasanik ineriartortsineq filmværksted-imik ingerlatsinikkut. Aalajangersakkap mattutinngilaa filmværkstedet-p aamma siunertanut allanut atorneqartarsinnaanera, tamatumani aamma pikkorissaanernut, workshops-inut il.il.

Imm. 2-mut

Aalajangersakkami aalajangerneqarput suliassat aalajangersimasut suut Kalaallit Nunaanni Filminstituttimit suliassaanersut. Matuman aamma pineqarput ingerlatsinikkut suliassat.

Nr. 1 -imi aalajangerneqarpoq Nunaanni Filminstituttip suliassarigaa aningaasatigut tapiissuteqartarneq allaatigisaq filmiliornermi najoqqutassaliorneq, ineriartortsinernut, nioqqutissiornermut, ussassaarinermut, saqqummiussinermut, takutitsinernillu ingerlatsinerit kalaallit filmiliaannik aamma filmilianik coproducerikkatut suliaasut filmiliat, kiisalu aamma ingerlatsinerit allat filmertarnermik, filmertarnermut kulturimik aamma filmertarfinnik ingerlatsinermik siursaasut. Taagorneqartut suliassat tamakkiisuunngillat, - ilassaqarsinnaapput, tassuunalu erseqqissarneqarpoq naggiullugu oqaatigineqartoq alassimasoq " kiisalu ingerlatsisarnerit allat filmiliornermut, filmiliornerup kulturanut aamma nunatsinni filmerarfqarnermik kulturimik siursaasut". Oqaasertaliussami siunnerfigineqarpoq ingerlatsinerit tamarmik tapiiffigineqartartut, siunertamik pineqartumik siursaasuunissaat.

Nr. 2 -mi aalajangerneqarpoq instituttip suliassarigai Kalaallit Nunaanni filmiliornissamut akuersissuteqartoqarnissaanik qinnuteqaatit, aamma paassisutissanik tamatumani - filmiliornermi pineqartumi - qitiusunik nalunaarsuisarneq, tamatumani akisussaasut ilanngullugit. Ersarinnerusunik killilersuinerit paassisutissat qitiusut suunerinik nalunaarusiornikkut aalajangersarneqassaaq, siunnersummi § 32, imm. 2 -mi pisinnaatitsineq naapertorlugu.

Imm. 3 -mut

Aalajangersakkami aalajangerneqarpoq filmkommissionitut suliassanut suut ilaanerat. Tassani immikkoortut arlariit pineqarput, atortulersuusersuineq aamma soqutiginnilersitsiniarneq "nutsuinerlu" nunani tamalaani filmiliortartunik tv-iikkullu aallakaatitassiortartunik Kalaallit Nunaannut, kiisalu aamma Kalaallit Nunaanni filmlianut tv-iikkullu aallakaatitassianut atortulersuusersuisarneq. Atortulersuusersuineq soqutiginnilersitsiniartarnerlu paasineqassapput ingerlatsinernut siunnerfeqartutut periarfissaqartitsinissanik eqaallisaanissanillu Kalaallit Nunaanni filmiliornerit ingerlanneqarsinnaanerinut. Tamatumani pineqarsinnaapput Kalaallit Nunaanni sammisanut naleqquttunut inunnut attavissalersuinerit, aamma qulaajaasarnerit aaqqissuussisarnerillu, allaffisornermik aamma inatsisitigut pissutsinik atuuttunik paasisitsiviusartut.

§ 6 -imut

Imm. 1 -imut

Aalajangersakkap aalajangiuppa Kalaallit Nunaanni Filminstituttip inatsisitigut inissisimanera namminersortutut pisortat ingerlatsiviattut. Inatsisitigut inissisimanerup matumani pineqartup assersuutigalugu assigaa Nunatsinni isiginnaartitsisarfiup, KNR-ip aamma Ilisimatusarfiup inissisimaneri.

Ingerlatsiviup pisortanit pigineqarnera pingaarnertut tunngaviligaavoq ingerlatsivik ingerlatsinera annertunerpaatigut pisortanit aningaasalersugaammat, tak. siunnersummi § 23, imm. 1. Kiisalu aamma ingerlatsiviup siunnersummi § 25, imm. 2 -p kingunerisaanik malittarisassarai Namminersorlutik Oqartussat piffissami sumiluunniit malittarisassaliaat minngersuusiortarnernut, naatsorsuusiortarnernut aamma naatsorsuusianik saqqummiisarnernut.

Ilutigisaanilli aamma ingerlatsivittut namminersortutut inissisimaneq, oqariartuuteqarpoq ingerlatsiviup arlaannaanulluunniit pitussimannginnissaa anguniagaasoq, tamannalu erseqqissarneqarluni ingerlatsiviup siulersuisunit aqunneqarnerani. Taamaasilluni Naalakkersuisut ingerlatsiviup ingerlatsineranut sunniuteqarsinnaassusiat killiligaavoq siulersuisunik inassuteqaatinik tunngaveqartumik toqqaasarnermut, siulittaasumillu toqqaasarnermut.

§ 7 -imut

Imm. 1 -imut

Aalajangersakkami aalajangerneqarpoq siulersuisut amerlassusissaat aamma siulersuisutut piginnaanerisassaat ataatsimut. Piginnaanerneqartussanut piumasaqaatit oqariartorput kissaatigineqartut siulersuisut filmilornerup silarsuaanik ilisimasaqartut aammalu inuussutissarsiornermik aqtseriaatsinillu ilisimasaqartut.

Imm. 2 -mut aamma 3-mut

Aalajangersakkami aalajangerneqarpoq piginnaanerit qanoq ittut siulersuisuni ataasiakkaanut atatillugu piumasarineqarneri aamma siulersuisut siulittaasuannut.

Piginnaasanik piumasaqaatit siunnerfigaat siulersuisuni ilaasortat tamarmik ataasiakkaarlutik piginnaanernik naleqquttunik tunniussassaqarnissaat, aamma immikkullarissunik siulittaasumut piumasaqartoqarnera, qularnaarisumik siulittaasup inuussutissarsiornikkut aamma aqtsinikkut nukittuutut inisisimanissaa.

Til stk. 4

Aalajangersakkami aalajangerneqarpoq Kalaallit Nunaanni Filminstituttimi suleqataasut sinniisumik toqqaassasut, siulersuisut ataatsimiinneranni taaseqataasinnaanani peqataasussamik. Siulersuisuni ilaasortaangikkaluarluni, kisisanni sulisunut sinniisumik taamaalilluni instituttip ingerlarnganik sulisut tungaanniik isiginnittariaatsimik tunniussaqarsinnaasumik. Sulisut qinigaattut sinniisup instituttimi sulinermik ineriartorneranillu ilisimasaqarnissaa pingaaruteqarmat, qinerneqarsinnaasoq taasisinnaasullu sulisut killilerneqarput, ukiumut suliarisinnaasaasa naatsorsorneranni ukiup affaanik sinnerlugulu atorfeqarsimasunut.

§ 8 -mut

Imm. 1- imut

Aalajangersakkami aalajangersarneqarpoq qanoq siulersuisut toqqarneqartassanersut.

Aalajangersakkami aalajangerneqarpoq siullertut Naalakkersuisut siulittaasoq inassuteqaatitaqanngitsumik toqqartaraat. Naalakkersuisut toqqaanermanni qularnaartassavaat toqqarneqartup siulittaasumik immikkut piginnaanertigut piumasarineqartunik naammassinnittuunera, tak. siunnersuummi § 7, imm. 3.

Aalajangersakkap ilangullugu aalajangerpaa siulersuisuni ilaasortat sinneri sisamat Naalakkersuisunit toqqarneqartartut inassuteqaatinik tunngaveqartunik, kattuffinniit, ingerlatsivinniit il.il. inassuteqarsinnaasunit. Naliliinermi kikkut inassuteqarsinnaanersut pingartinneqarsimavoq taakkua tassaassasut kattuffiit il.il., filmilornerup silarsuaani, eqqumiitsuliornermi aamma inuussutissarsiutinik ilisimasaqartut paasisimasaqartullu. Tamatumma

saniatigut pingaartinneqarpoq kattuffik matumani ingerlatsisunik qitiusunik sinniisuusoq, tassalu isiginnaartitsisartunut.

Imm. 2-mut

Siulersuisut aalajangersartassavaat siulittaasup tullia qanoq qinerneqassanersoq.

Pissusissamisoortinneqarsimavvoq siulersuit namminneq siulittaasup tullianik qinersisarnissaat.

§ 9 -mut

Imm. 1-imut

Aalajangersakkami aalajangerneqarput piumasaqaatit tamatigoortut, piumasaqaatit ilaasortatut toqqarneqarsinnaanermut. Siullertut matumani pineqarpoq Kalaallit Nunaanni najugaqarnissamik piumasaqaat.

Tulliullugu piumasaqaataavoq ilaasortat 18 -inik ukioqalereersimanissaat. Toqqaasoqarnerani qassnik ukioqarnissamik piumasaqaat naammassineqariissaq.

Tamatuma saniatigut killiliisoqarpoq, aalajangerneqarmat ilaasortat politikkikkut ingerlatsisunnginnissaat.

Imm. 2-mut

Aalajangersakkap aalajangerpaa Kalaallit Nunaanni filminstituttimi pisortaq siulersuisunut qinerneqarsinnaanngitsoq. Tamanna pissutaavoq, pisortaq, siulersuisunit atorfinitsinneqartoq, siulersuisunit ilitsersorneqartussaaffigineqarmat.

§ 10 -mut

Aalajangersakkami aalajangerneqarpoq siulersuisuni ilaasortanut inuttut ataasiakkaarlugit sinniussusanik toqqaasoqartarnera, aamma qaqugukkut taakkua siulersuisuni ilaasortannortarneri.

Sinniussapp ilaasortamut aalajangersimasumut sinniisutut toqqarneqartarnera isumaqarpoq, sinniussapp pineqartup ilaasortamut aalajangersimasumut taamaallaat sinniussussaaneranik.

Sivisunerusumik siulersuisuniit peqanngittarneq ingammik tassaasinnaasarpoq sivisunerusumik napparsimasoqarnera. Piffissami sivisunerusumi peqannginneq paasineqassaaq pisoq qaammataalunnik sivisussuseqartoq.

Aalajangersakkallu aamma ilangullugu aalajangiuppa sinniussat § 9 -mi piumasaqaatinik naammassinnittarnissaat. Taamaasillunilu tamanna atuuppoq sinniussatut toqqarneqarnermiilli.

§ 11 -imut

Imm. 1-imut

Aalajangersakkami aalajangerneqarpoq piffissaq siulersuisut atuuffigisassaat.

Imm. 2-mut

Aalajangersakkami aalajangerneqarpoq siulersuisuni ilaasortanik toqqaqqissinnaaneq. Toqqaqqittarnermut tunngatillugu tamanna imatut paasineqassaaq piffissap qinigaaffiusup naanerani toqqaannartumik toqqaqqinnejqarsinnaaneq. Tamatumalu taamaasilluni aamma mattutinngilaa toqqaqasimasup kingusinnerusukkut piffissami allami toqparneqjarsinnaanera.

Imm. 3-mut

Aalajangersakkami aalajangersarneqarpoq siulersuisunut ilaasortaq imaluunniit siulersuisunut kingoraartissat siulersuisunut ilaasortangorsimasut qanoq ilisukkut tunuartinneqjarsinnaanersut. Siulersuisuni ilaasortatut peqqarniitsumik akisussaaffigisamik sanioqqutsisimanermik oqarnermi eqqarsaatigineqarput pisut qinigaaffimmik isumaginniffiusimasut naammaginanngitsut, pissutsillu pisimasut nalinginnaasumik mianersuaalliornerut isigineqarfinginngisaat. Aalajangersagaq assersuutigalugu atorneqjarsinnaavoq annertuumik piumassuseqjarsimanningermi, siulersuisuni peqataasannginnikkut imaluunniit amigartumik siulersuisut sulineranni peqataasarnerni. Tamanna aamma atortinneqjarsinnaavoq siulersuisuni ilaasortap immikkut akuersissuteqarnissamik piumasaqannginnerani imaluunniit akuerisaanngitsunik aningaasartutissanut missingersuusiat unitsinneqannginneranni. Tamatumalu saniatigut isumaliutaasinnaavoq aalajangersakkap atortinneqjarsinnaanera pisuni siulersuisuni ilaasortat pisinnaatitaaffimminik tamumani killiliussanik peqqarniitsumik sanioqqutsinerani, imaluunniit nammineq inuttut soqutigisaminik siulersuisuni akulerussinerani Kalaallit Nunaannut filminstituttip soqutigisaanut akornusiisumik.

Pisuni siulersuisuni ilaasortap pineqartup allatigut siulersuisuni ilaasortaanissamut naleqqutsinngitsutut pissusilersorfigisaani, minnerunngitsumik eqqarsaatigineqarput pinerluuteqarnermik iliuutsit, matumanilu minnerunngitsumik aningaasatigut pinerluuteqarneq, soorlu paarisanik aningaasanik peqquserluuteqarnikkut, peqquserlunneq, piginnaatitaanermik atornerluuinikkut il.il. Allatigullu aamma pinerluuteqarnerit inuttut nammineq iliuuserineqjarsimasut aamma kingunerisinnaavaat pineqartup tatigineqarunnaarnera, pisortat ingerlatsivianni siulersuisunut qinigaasinnaasutut.

§ 12-imut

Imm. 1-imut

Aalajangersakkami aalajangerneqarpoq siulersuisut namminneq suleriaasissartik aalajangersassagaat. Tamanna isumaqarpoq suleriaaseq Naalakkersuisunit

akuerineqartussaanngitsoq. Tamatumali mattutinngilaa siulersuisut suleriaasissamik suliaqarnerminni Naalakkersuisunik tamanna pillugu isumasiuisinnaanerat.

Imm. 2-mut

Aalajangersakkap aalajangiuppai suleriaatsimi minnerpaatut ilaasussat. Minnerpaaffissatut piumasaqaatit taakkua suleriaatsini nalinginnaasuupput.

Oqartussaassutsip qanoq agguataarneqarneranut atatillugu malittarisassat siulersuisut aamma pisortap akornanni tassaasinnaapput malittarisassat kikkut imaluunniit kia pissutsini suni aalajangiisarnissaa.

Ataatsimiittarnernut aamma ataatsimeeriaatsinut tunngatillugu pineqarsinnaapput malittarisassat ukiumut qassierarluni ataatsimiittoqartarnissaanut, aamma ataatsimiinnerit naapinnani - katersuunnani - allatut ingerlanneqarsinnaaneri. Ilanngullugit maleruagassat tassaasinnaapput ataatsimiigiaqqusisarnerit, ataatsimiigiaqqusinissap siumoortumik ilisimatitsissutigisarnera aamma ullormut oqaluuserisassat allassimaffiata nassiunneqartarnera, ataatsimiinnerup ingerlanissaa, matumanissaaq immaqa aamma oqaluuserisassat aalajangersimasut pinngitsoorani sammineqartussat aamma ataatsimiinnermi aqutsisoqartarneq.

Ataatsimiinnermi taasisarnermut tunngatillugu malittarisassaqarsinnaavoq qanoq taasinerup ingerlanneqartarnissaanik, matumani aamma immaqa allallugu taasisarnernut. Aamma pineqarsinnaapput siulersuisut qanoq ilisuni aalajangiisinnassuseqarnerat, aamma akuersinerup nalinginnaasumik amerlanerussutit atorlugit pisarnissaa imaluunniit allatut.

Sulianut attuumavallaarsinnaaneq eqqarsaatigalugu Pisortat ingerlatsinerani suliassat suliarineqartarnerat pillugu inatsimmi arlaannaanulluunniit atasuunnginnissamik malittarisassat atuupput, sanioqqunneqarsinnaassanatillu sakkukillillugit. Suleriaatsimi taamaattumik pisortat ingerlatsineranni arlaannaanulluunniit atasuunnginnissamik malittarisassat issuarneqartariaqassapput, pisariaqarpat erseqqissaatinik sakkortusisanik malittarisassalerlugit, instituttimi suliassanut siunertanullu atasumik.

Nipangiusimannittussaatitaanermut atatillugu Pisortat ingerlatsinerani suliassat suliarineqartarnerat pillugu inatsimmi nipangiusimannittussaanermut aalajangersakkat atuupput, taakkualu sakkukinnginngorlugit sanioqqunneqarsinnaassanatik. Taamaattumillu suleriaasissami pisortat ingerlatsineranni suliassat suliarineqartarnerannut aalajangersakkani nipangiusimannittussaanermut malittarisassat issuarneqartariaqassapput, pisariaqarpat erseqqissaatinik sakkortusaatinilluunniit ilallugit, instituttimi suliassanut anguniakkanullu naapertuuttunik.

Imaqarnilianut tunngatillugu malittarisassaqarsinnaavoq aalajangikkanut atasumik imaqarniliortoqartassanersoq imaluunniit allatut imaqarniliortoqartassanersoq, kialu suliassaq

isumagissaneraa, qanoq imaqarnialiat akuerineqartassanersut, tamatumani ilanngullugu allakkatigut periaatsimik atuisoqassanersoq. Aamma imaqarsinnaavoq isummanik oqaatigineqartunik imaqarniliamut ilanngussisitsisoqartarsinnaassanersoq.

§ 13-imut

Imm. 1-imut

Aalajangersakkami aalajangiunneqarpoq siulersuisut suliaminnut honorarisiaqarnissaat, aamma qanoq honoraarit akilerneqartarnissaat. Honorarit annertussusissaat aalajangerneqartassapput imm. 4 naapertorlugu nalunaarummi. Erseqqissarneqarpoq, sulisut sinnerlugit siulersuisuni aalajangiisinnaananani peqataasussaq honorarisiaqartassanngilaq. Tamanna peqqutaavoq, sulisut sinnerlugit siulersuisuni aalajangiisinnaananani peqataasussaq siulersuisuni ilaasortaanngimmat taamaasilluni siulersuisuni ilaasortaasutut akisussaaffeqarani. Suliali suliarineqarnera sulisut atorfinitssinneqarnerani ilaareertarmat.

Imm. 2-mut

Aalajangersakkap aalajangerpaa qanoq periaaseqartoqassanersoq siulersuisuni ilaasortanut qaammatip ingerlanerani tunuartunut, imaluunniit toqcarneqarlutik peqataalersunut qaammatip iluani. Aalajangersagaq taanna atorneqassaaq ilaasortamik piffissap atuuffiusup iluani tunuartoqarpat, taamalu nutaamik toqqaasoqarluni.

Imm. 3-mut

Aalajangersakkap kinguneraa instituttip aningaasartuutissanik missingersuusiaani honorarisiassanut aningaasartuutissanik immikkoortitsisoqartassammat.

Imm. 4-mut

Honorarisiassat annertussusissaannut malittarisassani naatsorsuutigineqarpoq aallaavagineqassasut tamanna pillugu nalunaarneqareersut siunnersuutip aningaasatigut kingunerisassaasa allaaserineqarneranni.

Honorarisianik akiliisarnermut malittarisassat imm. 2-mi aalajangersakkanut ilassutaassapput.

§ 14-imut

Aalajangersakkami aalajangerneqarpoq aningaasartuutit atorneqartut siulersuisuni ilaasortat sulineranni matussuserneqartassasut Namminersorlutik Oqartussani tjenestemand-inut malittarisassat sukkulluunniit atuuttut naapertorlugin. Kiisalu aamma aalajangersarneqarpoq aningaasartuutit pineqartut Kalaallit Nunaanni Filminstituttip akilertassagai.

Aalajangersakkap kinguneraa aningaasartutissanut missingersuusianut ilanngunneqassammata aningaasartuutissat eqqaaneqartut.

Aningaasartuut Kalaallit Nunaanni Filminstituttimik kiffartuussinermi atorneqarsimasutut isigineqassaaq pineqarpat aningaasartuut pisariaqartoq siulersuisuni sulinermut atatillugu suliani, assersuutigalugu siulersuisuni ataatsimiinnermi imaluunniit ingerlatsinerni allani siulersuisunit pisariaqartinneqartuni siulersuisuni sulianut atatillugu. Siulersuisuni ilaasortaq pisuni nalorniviusuni allaganngorlugu neriorsummik siumoortumik siulersuisuniit siulittaasumiilluunniit piumasinnaavoq, aningaasartuutip matuneqarumaarnera pillugu.

§ 15-imut

Imm. 1-imut

Aalajangersakkap nassuiarpaa Siulersuisut Kalaallit Nunaanni Filminstituttip oqartussarigai qullerpaajusut, siulersuisullu suut pingarnertut suliassarineraat.

Siulersuisut aqutsinermi qullersaallutik oqartussaanerat isumaqarpoq siullertut siulersuisut ulluinnarni aqtsisunut atatillugu ataatsimut isigisunik ilitsersuusiorsinnaanerat.

Siulersuisut qullersaallutik oqartussaanerat aamma isumaqarpoq siulersuisut akisussaammata instituttip ingerlatsinerani. Tamanna aamma aalajangersakkami erseqqissarneqarpoq. Siulersuisut instituttimi suleriaasisamik namminerisaminnik aalajangersaassapput, tamatumani aamma akisussaaffit agguataarnerannik siulersuisut aamma pisortaasup akornanni. Pisussaaffinnik pisinnaatitaanernillu ingerlatsiviup nammineq iluani agguataarineq pineqartoq kisianni allanguinngilaq siulersuisut avammut isigisumik instituttip ingerlannerani akisussaanerannik.

Akisussaaffik ingerlatsiviup aningaasatigut pigisaanik ingerlatsinermiittooq taamaattoq pisussaaffiliivoq qularnaarnissamik nunatta karsianiit aningaasaliissutit ingerlanneqarnissaannik tamatumunnga piumasaqaatit atuuttut iluanni taakkualu qaangerneqannginnissaannik, qularnaarneqassallunilu aningaasaliissutillu siunertaasunut naammassisqaqrifiusimillu atorneqarnissaannik. Tamatuma ilaatigut kinguneraa pisussaaffik aningaasaliissutit atorneqarnissaannik sapinggisamik pitsaanerpaamik, qularnaarlugulu aamma ingerlatsinerup isumannaatsumik aaqqissuunneqarnissaa, tamatumanilu aamma pitsaasumik naammassisqaqrifiusimillu aningaasanik aqutsisoqarnissaa.

Aalajangersakkami aamma siulersuisunut pisussaaffiliisoqarpoq aalajangersaanissanik instituttip anguniagaanik. Anguniakkat qulequttatut suliat periusissiani nalinginnaasumik sakkuusarput ingerlatsiviup qullersaallutik oqartussasuini.

Anguniakkat ilisimatusarfiup § 5 malillugu suliassaanut naapertuuttunik anguniakkanut soorunami attuumassuteqassaaq. Anguniakkat aamma allanut sammitinnejarsinnaapput, assersuutigalugu ilisimatusarfiup tunngaviusumik suliaqarneranut anguniakkat.

Imm. 2-mut

Aalajangersakkat aalajangerneqartut Kalaallit Nunaanni Filminstituttip ingerlatsineranut atasumik ilaatigut tassaasinnaapput Inatsisartut inatsisaanniittut, aammali allaffissornikkut maleruagassianiittut, Inatsisartut inatsisaanni pisinnaatitsinermik tunngavilimmik suliaasut.

§ 16-imut

Imm. 1-imut

Aalajangersagaq pisortasup atorfiata taaguutaanik aalajangiinngilaq. Taamaasilluni siulersuisut susassaraat nalilersussallugu taaguut qanoq ittoq pissusissamisoornersoq.

Imm. 2-mut

Aalajangersakkami pineqarpoq pisortap siulersuisunut atorfinititsisartuusumik sammisumik akisussaaffia.

Imm. 3-mut

Pissusissamisoortutut isigineqarpoq aqutsinermi suliassamik ingerlatsisuunermut atatillugu atorfinititsisarnermut soraarsitsisarnermullu oqartussaaffiit inissisimappata, ulluinnarni akisussaasumi ingerlatsinernut.

§ 17-imut

Aalajangersagaq siunnersuutigineqarpoq atortinneqartussatut inatsisiliat erseqqissarumallugit, Kalaallit Nunaanni Filminstitutti pisortat ingerlatsiviattut malinnissasoq Namminersorlutik Oqartussani sulisuuusunut atugassarititaasunik. Instituttip pisussaanera Namminersorlutik Oqartussanut atuuttunik atugassarititaasunik malinninnissamut taamaasilluni pingarnertut kissaataavoq aningaasartuutinik aqutsinissamik, aammalu Namminersorlutik Oqartussat ingerlatsiviini assigiinnik atugassarititaasoqarnissaanik.

§ 18-imut

Imm. 1-imut

Aalajangersagaq siunertaqarpoq qularnaarinissamik siunertanut aalajangersimasunut immikkoortunik aningaasaliisoqartarnissaanik. Kalaallit Nunaanni Filminstitutti taamaasilluni aningaasat kiffaanngissuseqarluni atorsinnaasami iluanni pitussimassaaq aningaasaliissutit

siunertanut aalajangersimasunut pitussimannerannik, taamalu siunertanut taakkununnga taamaallaat atorsinnaanerannut.

”Immikkoortunik nioqquqtiisiornermut aningaasaliissuteqarneq” paasineqassaaq aningaasaliissutitut taamaallaat immikkut pineqartunut siunertanut atorneqarsinnaasutut. Tamanna imatut paasineqarsinnaanngikkuni ukununnga 1) filmiliat isiginnaagassiat aamma naatsut aamma dokumentaarit, imaluunniit 2) Kalaallit Nunaanni Filminstituttimiit allatigut tapiissutit.

Allatigut tapiissutit Kalaallit Nunaanni Filminstituttimiit tunniunneqartartut assersuutigalugu tunniunneqarsinnaapput suliaareersunik takoqqusaarinernut, saqqummiussinernut pileraaruteqarnernulluunniit.

Imm. 2-mut

Pissusissamisoortinneqarsimavoq siunnersuummi aalajangersassallugu tapiissutinik agguaanernut atatillugu atugassarititaasunik aalajangersaasinnaaneq. Atugassarititaasut taamaasillutik aalajangiisuuusinnaapput tapiissutit sumut atorsinnaanerannut, atugassarititaasunillu eqqortitsinnginnej - malinninnginnej – tapiissutit utertinneqarnissaanik piumasaqarnermik kinguneqarsinnaalluni.

§ 19-imut

Imm. 1-imut

Aalajangersakkap oqaasertalersornerani siunnerfiuvoq Kalaallit Nunaanni Filminstituttip nammineq aalajangersinnaagaa, eqqumiitsuliornerup nalilersorneqarnera aningaasaqarnermi aamma nioqquqtiisiornerup teknikkimut tunngasortaasigut ingerlanneqartassanersoq.

Pisussaaffiliinkut eqqumiitsuliornerup nalilersornissaanik siunnerfiuvoq instituttip qularnaassagaa fagitigut eqqumiitsuliornerup pitsaassusia, ataatsimoortunik naliliinerni, naliliinermi ilanngullugu imartussaasumi aningaasarsiornerup aamma filmilornerup teknikkimut tunngasortaasa nalilersornerisulli.

Suliniummi aningaasarsiornerup aamma filmilornermi teknikkimut tunngasunik nalilersuineq ilaatigut tunngavissiuussissaaq nalilersuinermut aningaasartuutissatut missingersuusiat piviusorsiornerannik.

§ 20-mut

Utertitsisarneq isumaqarpoq aningaasartuutaasimasut ilaannik utertitsisarnertut. Tamatumani taamaasilluni aallaaviuvoq qinnuteqartup uppernarsarsinnaagaa aningaasartuutit atorneqarsimannerat.

Filmiliornermut aningaasartuuteqarnertut paasineqassaaq aningaasartuutit filmiliamut aalajangersimasumut atasutut. Tamatuma ersarinnerusunik aqunneqarnera pissaaq nalunaarusiami sinnersummi § 21 -p kingunerisaanik.

§ 21-mut

Aalajangersakkap Naalakkersuisut pisussaaffilerpai aningaasanik tapiissuteqartarnermut malittarisassiornissamik, aamma filmiliornermi aningaasartuutaasimasut ilaasa matussutissaannik tapiissuteqartarnikkut. Aalajangersakkami nalunaarsorneqarput malittarisassanik suusinnaaneri. Nalunaarsukkat tamakkiisuunngillat.

Aalajangersakkami ammaanneqarpoq malittarisassanik aalajangersaanikkut aamma pissutsinik immikkut ittunik peqarsinnaanera § 20 -imi procentiliunneqartup sanioqqunnissaanut, aamma annerpaamik minnerpaamillu tapiissutigineqarsinnaasuni, aningaasanut inatsimmi aalajangersarneqartuni filmiliornermik aningaasartuutinik taarsiisinnaanermut, tak. § 20. Pisut immikkut ittut minnerunngitsumik tassaassapput nunani allani filmiliat, aningaasatigut inuiaqatigiillu isigalugit iluanaarutissat annertusinnaaneriniittut, taamaattunilu naleqquuttuusinnaalluni procentiliussap qaffannissaa imaluunniit aningaasat qaffasinnerpaaffissaasa qaffannissaat.

§ 22-mut

Imm. 1-imut

Aalajangersakkap aquppaq qanoq kommunit peqataasinnaanersut tunniussaqarlutik filmiliortarnermik siuarsanermili filmertarfearnermilu.

Imm. 2-mut

Aalajangersakkap Naalakkersuisut pisinnaatippai ersarinnerusunik malittarisassiorsinnaanermik, kommunit tapiissuteqartarnerannut, attartortitsisarnerannut aamma qularnaveeqqusisarnerannut filmertitsisarnernut. Tamanna assersuutigalugu tassaasinnaavoq piumasaqaatit, qinnuteqarnermi periaassisat aamma tamatumani allaffissorneq.

§ 23-mut

Imm. 1-imut

Aalajangersakkap aalajangerpaa qanoq Kalaallit Nunaanni Filminstituttip aningaasalersorneqarnissaa, tassalu nunatta karsiata tapiissutaasigut.

Imm. 2-mut

Aalajangersakkap aalajangiuppaq Kalaallit Nunaanni Filminstituttip tigusisinnaanera tunissutinik kingornussanik aamma tunissutinik kiisalu tapiissutinik aamma sponsorit aningaasaliissutaannik nunatta karsiata avataaneersunik. Instituti aningaasaateqarfinnik aamma legat-inik tunissutineersunik pilersitsisinnaavoq. Kingornussat taamaattut, tunissut aamma aningaasaateqarfimmit aningaasat ukiumoortunik naatsorsuutini immikkoortillugit nalunaarneqartassapput.

Imm. 3-mut

Immikkut eqqaaneqarpoq Kalaallit Nunaanni Filminstitutti isertitanik pissarsisinnaasoq isertitsiniutaasunik suliaqarnikkut. Isertitsiniutaasut suliat assersuutigalugu tassaasinnaapput pikkorissarttsisarnerit, workshops-it il.il. Isertitsissutaasussanik suliaqarnermi instituttip akigititassat kiffartuussinerillu allat imatut aaqqissuuttassavai namminersortunut neqerooruteqartartunut nunatsinni unammillerunerunngitsumik.

Isertitsissutaasartunik suliaqarsinnaanermut pisinnaatitaanerup institutti pisinnaatinngilaa nammineq filmiliornernik aallartitsisinnaanermik imaluunniit aningaasariutigalugit ingerlatsinernik namminersortunut unammillertunik. Taamaasillunilu instituttimut periarfissaassangilaq nammineq filmertarfimmik ingerlatsisinnaaneq.

Imm. 4-mut

Aalajangersakkap aalajangerpaa Kalaallit Nunaanni Filminstituttip kiffaanngissuseqarluni tapiissutinik isertitanillu allanik atuisinnaanera, atugassarititaasullu malissallugit aamma aningaasartuutissanut missingersuusiat.

Kalaallit Nunaanni Filminstituttip taamaasillu eqortissavai atugassarititaasut aamma aningaasartuutissanut missingersuusiani tunngaviusut suliassanik ingerlatsinermi, suliassallu taakkunani allassimasut sularissallugit.

§ 24-mut

Aalajangersakkap siulersuisut pisussaaffilerpai ukiut tamaasa Naalakkersuisunut aningaasartuutissanut missingersuusiortarnissaanik aningaasat ukiuannut tulliuttumut, Naalakkersuisunit piffissaliussap iluani. Kiisalu aamma aalajangiunneqarpoq aningaasartuutissanut missingersuusiat sunik imaqlarnissaat.

Siunnersutip tunniunneqartup oqaatigissavaa Kalaallit Nunaanni Filminstituttip aningaasaliissutissanik pisariaqartitai. Kingulliullutik Inatsisartut oqartussaapput aningaasanut inatsisip akuersissutigineqarneranut atatillugu aningaasaliissutissat annertussusilissallugit.

§ 25-mut

Aalajangersakkap aalajangersarpaa Kalaallit Nunaanni Filminstituttip malittassagai maleduagassat atuuttut minngersuusiortarnernut, naatsorsuusiortarnernut aamma naatsorsuusianik saqqummiussisarnernut, Namminersorlutik Oqartussani piffissami sumiluunniit atuuttuusut. Piumasaqammut pissutaavoq instituttip pisortat ingerlatsiviattut namminersortutut ingerlagaluarni annerusutigut Namminersorlutik Oqartussanit aningaasalersugaanera.

§ 26-mut

Imm. 1-imut

Aalajangersakkami ersippoq Kalaallit Nunaanni Filminstituttimut ukiumoortunik naatsorsuusiat kukkunersiorneqartussaasut Namminersorlutik Oqartussat kukkunersiusuinit. Tamatumalu taamaasilluni aamma kinguneraa Namminersorlutik Oqartussat kukkunersiusuisa Kalaallit Nunaanni Filminstituttip naatsorsuutaanik sammisaqarnerminni paasissutissanik siulersuisunit piniarsinnaaneri.

Imm. 2-mut

Aalajangersakkami erseqqissarneqarpoq naatsorsuutit Naalakkersuisunut saqqummiunneqarnerminni siulersuisunit aamma kukkunersiusunit akuerineqareersimanissaat, tamatumalu kingorna naatsorsuutit kukkunersiusut oqaaseqaataannik ilallugit Naalakkersuisuinit akuerisassanngorlugit saqqummiunneqartussaanerat. Tamanna isumaqarpoq naatsorsuusiat akuerisat Naalakkersuisoqarfimmut oqartussaasumut nassiunneqartussaanerannik.

Imm. 3 -mut

Tamanut saqqummiussisussaanermik piumasaqaat ilangunneqarpoq takuneqarsinnaaqquullugu uppernarsarumallugulu Kalaallit Nunaanni Filminstituttip ingerlatsinera. ”Naalakkersuisut akuersinerisa kinguningua” isumaqarpoq tamanut saqqummiussineq akuerineqareerneranni sukkasuumik pisussaammat.

§ 27-mut

Imm. 1-imut

Aalajangersakkami siulersuisut pisussaaffiligaapput ukiumoortumik Kalaallit Nunaanni Filminstituttip ingerlatsinera pillugu nalunaarusiortarnissamik Naalakkersuisunut, nalunaarusiallu instituttip quppersagaatigut tamanut saqqummiuttarnissaanik.

Tamanut saqqummiussisussaanermut piumasaqaat ilanngunneqarpoq uppernarsarumallugu inuiannut Kalaallit Nunaanni Filminstituttip ingerlatsinera.

Imm. 2-mut

Aalajangersakkap aalajangerpai piumasaqaatit minnerpaat nalunaarusiap imarisassaani, aningaasatigut tapiissutit pillugit ukiup siuliani tunniunneqarsimasut. Matumanit pineqarput paassisutissat objektiviusumik paasineqarsinnaasut kisitsisinilu paassisutissani atorneqarsinnaallutik aammalu pilersaarusiornermi atorneqarsinnaallutik.

Piumasaqaatit nr. 3 aamma 4 -miittut ilaqpurt kikkut tunineqarsimanerannik aamma kikkut itigarsimanerannik, kikkullu siusinnerusukkut itigartinneqarsimanerannik. Tamatumani siunertaavoq takussutissiuutissallugu qinnuteqartuni assiit tunineqarsimanersut itigarsimanersullu.

Imm. 3-mut

Aalajangersakkap aalajangersarpaa nalunaarusiamit ilanngullugit nassiarneqartassasut Kalaallit Nunaanni Filminstituttip aningaasaqarnikkut sulisoqarnikkullu inisisimanera, aamma instituttip inatsisit naapertorlugit pisussaaffiisa naammassineqarsimaneri. Piumasaqaatit tamatuma naggataani siullermut sanilliullugu imm. 2 -mi piumasaqaammut atasumik pissutsinik oqaluttuarluni allaaserinninnerussaaq, tassuunalu instituttip naliliineranik oqariartussalluni.

§ 28-mut

Imm. 1-imut

Aalajangersagaq piumasaqaatinik aalajangiivoq, Inatsisartut inatsisaat, imaluunniit malittarisassiat taanna naapertorlugu suliasut tunngavigalugit tapiissutinik tigusisartup, taakkununnga naatsorsuusiortussaaneranik. Piumasaqaat siunertaqarpoq qularnaariniarnermik tapiissutigineqartut tapiissuteqarnermi atugassarititaasunik tunngavilimmik atorneqarsimanissaannik.

Aalajangersagaq imaqqanngilaq piumasaqaammik naatsorsuutit kukkunersorneqarsimanissaannik, kisiannili Naalakkersuisut imm. 2 -mi pisinnaatitsineq naapertorlugu malittarisassiorsinnaassapput naatsorsuusiortarnissanik, matumanit aamma kukkunersiuisoqarnissaanik piumasaqaammik.

Imm. 2-mut

Aalajangersakkap Naalakkersuisut pisinnaatippai malittarisassiornissamut naatsorsuusiortarnermut, matumanit aamma kukkunersiuoisarnermut.

Aalajangersakkamik tunngaveqartumik assersuutigalugu ersarinnerusunik malittarisassiorqarsinnaassaaq, qaqugukkut naatsorsuutit kisimik atorfissaqarnersut, qaqugukkullu

naatsorsuutit kukkunersiuisumit kukkunersiorneqarsimasut atorfissaqarnersut. Aamma malittarisassiorqarsinnaassaaq naatsorsuutit qaqgukkut nassiunneqareersimanissaat ilanngullugit.

§ 29-mut

Imm. 1-imut

Aalajangersakkami aalajangerneqarpoq qaugu tapiissutit aningaasaliissutaasimasut tamakkiisumik ilaannakuusumilluunniit utertinneqartariaqarnersut piumasarineqarsinnaanersoq.

Tapiissuteqartarnermut atugassarititaasut takuneqarsinnaassapput tapiissutit nassiunneqarnerannut atatillugu allakkani.

Imm. 2-mut

Pissusissamisoortinneqarsimavoq Naalakkersuisut pisinnaatinnissaannut malittarisassiornissamut tapiissutit atorunnaartarnerannut aamma utertinneqartarnerannut. Aalajangersakkami tunngavilimmik assersuutigalugu malittarisassanik aalajangersaasoqarsinnaassaaq upternarsaatnik piumasaqaataasartussat pillugit, periaasissanut malittarisassanik il.il.

§ 30-mut

Imm. 1-imut

Aalajangersakkami aalajangersarneqarput kikkunnut tamanut aningaasarsiutigalugu Kalaallit Nunaanni filmiliortartunut pisussaaffiit, qinnuteqartarnermut atasut. Tamatumunnga atatillugu immikkoortitsisoqanngilaq nunani allamiut aamma kalaallit filmiliaannik. Erseqqissarneqarpoq aalajangersakkami akuersissuteqartoqartarnissaanik piumasaqaat tusagassiornermi atuutinngitsoq. Aalajangersagarlu taamaasilluni siunnerfeqanngilaq killiliiniarnermik innuttaasut oqalussinnaatitaaneranni paassisutissinneqarsinnaaneranniluunniit, eqqumiitsuliornikkut killiligaannginnermik aamma tusagassiornikkut kiffaanngissuseqarnermik. Aalajangersagarlu aamma akornusiinngilaq innuttaasut annikinnerusunik isertitassarsiorsinnaaneranni assersuutigalugu eqqumiitsuliornikkut imaluunniit internetimi quppersakkani paasisitsisinnaanerannik.

Aalajangersakkap ilanngullugu aalajangersarpaa qinnuteqarnermut atatillugu akitsummik akiliisoqartussaammat, qinnuteqaammut atatillugu allaffissornikkut sulianut matussutaasussanik. Naalakkersuisut imm. 2 naapertorlugu pisussaaffilerneqarput akitsuutip annertussusissaanut malittarisassiornissamut.

Imm. 2-mut

Aalajangersakkap Naalakkersuisut pisussaaffilerpai ersarinnerusunik malittarisassiornissamut akuersisummik qinnuteqartarnermut, Kalaallit Nunaanni filmiliornissamut, tassaniissinnaappullu

ilusissanut piumasaqaatit, qinnuteqarnermi killissarititaasut aamma akitsuutip akilerneqartussap annertussusissaa.

Ilusissanut piumasaqaatit assersuutigalugu tassaasinnaapput immersugassamik aalajangersimasumik atuisoqassanersoq.

§ 31-mut

Imm. 1-imut

Aalajangersakkap pisussaaffilerpaa Kalaallit Nunaanni Filminstituttip akuersisummiq nalunaaruteqarnermut atatillugu nalunaarsuisussaaneranik paasissutissanik qitiusunik filmiliassaq pillugu aamma tamatumunnga akisussaasunik.

Paasissutissat qitiusut paasineqassapput paasissutissat nalilerneqartut filmiliap Kalaallit Nunaanni immiunneqartussap annertussusissaanut aamma suussusianik. Paasissutissat kisitsisini paasissutissani atorsinnaassapput, pilersaarusrornermut sumiiffimmilu aqutsisinnaanermik piareersaasinnaanernut.

Imm. 2-mut

Aalajangersakkap Kalaallit Nunaanni Filminstituttimik pisussaaffiliivoq quppersakkamigut tamanut paasissutissiisassasoq akuersissutit nalunaarutigineqartut tamaasa pillugit.

Paasissutissat ilaqassapput paasissutissanik filmiliap suunaranik aamma kiap akisussaasuunaranik.
Imm. 3-mi pisinnaatitsissutip kingunerisaanik malittarisassiortoqassaaq ersarinnerusunik paasissutissat suut qitiusut tamanut saqqummiuttarnissaannik.

Imm. 3-mut

Aalajangersakkap Naalakkersuisut pisussaaffilerpai ersarinnerusunik malittarisassiornissamik paasissutissat imm. 1 -imi pineqartut nalunaarsorneqartarnissaannut tunngasut pillugit.

Malittarisassani assersuutigalugu ilaasinnaapput piumasaqaatit, paasissutissat suut nalunaarsorneqartarnissaanut, aamma qanoq iluseqartumik nalunaarsuisoqartarnissaanik.

§ 32-mut

Imm. 1-imut

Aalajangersakkami aalajangerneqarpoq Naalakkersuisut Kalaallit Nunaanni Filminstituttimik nakkutilliisuusut Inatsisartut inatsisaat naapertorlugu ingerlatsineq pillugu. Tamanna Naalakkersuisut immikkoortumik nakkutilliinerata ilaasut isigineqassaaq.

Imm. 2-mut

Pisinnaatitaaneq Kalaallit Nunaanni Filminstituttimiit paassisutissanik piniarsinnaanermut pisariaqartunik Naalakkersuisut Inatsisartut inatsisaannik tunngaveqartumik suliassaminnik isumaginninnerannut atatillugu tunngavoq nakkutilliinermut aamma suliassanik isumaginninnermut Naalakkersuisut Inatsisartut inatsisaannik tunngaveqartunik suliassaannik.

§ 33-mut

Imm. 1-imut

Aalajangersagaq aalajangersaavoq aalajangiinerit allaffissornikkut oqartussanut allanut naammagittaalliutigineqarsinnaanngitsut.

Imm. 2-mut

Aalajangersagaq aalajangiivoq aalajangiinerit inatsisinut tunngasut Naalakkersuisunit ingerlatinneqarsinnaasut aalajangiisoqarneraniit sap. ak. 4 -at qaangiutsinnagit. Inatsisinut tunngasut assersuutigalugu tassaasinnaapput apeqqutit aalajangiineq inatsisinik tunngavilimmik pisimanersoq, matumanissaaq malittarisassat tapiissutinik aqtsisuuusut, aammali pisortani ingerlatsinermi ileqqussat naapertorlugit.

Piffissaliisoqarpoq sap. ak. 4 -anik naammagittaalliuteqarsinnaanermut, qularnaarumallugu suliassat suliarineqartassasut pissutsinut naammagittaalliutaasunut atasumik. Naammagittaalliut piffissaliussap iluani tunniunneqanngippat Naalakkersuisut suliassamik suliaqarnissaq itigartissinnaavaat.

Imm. 3-mut

Aalajangersakkap Naalakkersuisut pisinnaatippai naammagittaalliortarnermut malittarisassiornissamut naammagittaalliutillu suliarineqartarnerannut. Assersuutigalugu tamatumani pineqarsinnaapput oqaaseqarsinnaanermut piffissaliineq, piumasaqaatit nalinginnaasut il.il.

§ 34-mut

Imm. 1-imut

Unioqqutitsineq pisussaanermik aningaasarsiutigalugu filmiliornissamut akuersisummik qinnuteqartussaanermik, tamatumunngalu atatillugu akitsummik akiliisussaanermik, aalajangersakkami siunnersuutigineqarpoq akitsummik akiliisitsinermik pineqaatissiissutaasartussatut.

Imm. 2-mut

Aalajangersagaq periarfissiivoq nalunaarusiornikkut malittarisassiorsinnaanermik akitsummik akiliisussaanermut Kalaallit Nunaanni pinerluttulerinernut inatsimmik tunngaveqartumik.

Imm. 3-mut

Aalajangersagaq pisinnaatitsivoq inatsisit naapertorlugit inuit, assersuutigalugu ingerlatseqatigiiffiit, peqatigiiffiit inatsimmik unioqqutitsinermi akitsummik akiliisinneqarsinnaassasut.

Imm. 4-mut

Aalajangersakkap aalajangerpaa akitsuutit pineqaatissiissutigineqartut Inatsisartut inatsisaat naapertorlugu imaluunniit malittarisassat taassuminnga tunngavilimmik suliat naapertorlugit nunatta karsianut akilerneqartassasut.

§ 35-mut

Imm. 1-imut

Aalajangersakkami aalajangersarneqarpoq atortuulerfissa. Atortuulerfissaq siunnersuutip akuersissutigineqarsimatsiarnerata kingornagut pisussatut naatsorsuunneqarpoq.

Imm. 2 -mut

Aalajangersakkap aalajangersarpaa piffissamut sorlermut siulersuisut siulliit toqqarneqarnissaat. Tamatuma aalajangernerani isiginiarneqarsimavoq Inatsisartut inatsisaannik atortuulersitsineq piartuaartussaammat, siulersuisut toqqarneqarnissaannut.

Imm. 3 -mut

Aalajangersakkap aalajangerpaa Kalaallit Nunaanni Filminstituttip sulineranut malittarisassat aatsaat atortuulissasut 1. januar 2026. Taamatut aaqqissuuussisoqarpoq qularnaarumallugu piffissaqarnissaa siulersuisunik toqqaasoqarnissaanut, pisortaasussamik atorfinititsisoqarnissaanut, sulisussanik allanik atorfinititsisoqarnissaanut, inissikkiartuaarnissamut il.il. kiisalu Inatsisartut inatsisaat naapertorlugu allaffissornikkut ileqqoreqqusassanik suliaqartoqarnissaanut.

Tusarniaanermi akissuteqaatit pillugit allagaq

Siunnersuut piffissami 17. juni 2024 - 15. juli 2024 tusarniaassutigalugu nassiunneqarsimavoq tusarniaavagineqartartunut susassaqtartunut, tak. ilanngussaaq 1, aammalu tamanut ammasumik Naalakkersuisut quppersagaanni 19 juni 2024-miit takuneqarsinnaasimavoq. Ajuusaarnartumik kukkusoqarneratigut siunnersuut Kalaallit Nunaanni Eqqumiitsuliornermut Aningaasaateqarfimmut nassiunneqarsimanngilaq, tamannalu tusarniaanissamut piffissaliussap naanerani aatsaat paasineqarluni. Taamaattumik Kalaallit Nunaanni Eqqumiitsuliornermut Aningaasaateqarfik ulloq 19. juli siunnersummik malinnaatitsiffagalugu nassiussiffingeqarpoq qinnuigineqarluni kingusinnerpaamik 5. august tusarniaanermi akissummik nassisusseqquullugu.

- Avannaata Kommunia
- Kommune Qeqertalik
- Qeqqata Kommunia
- Kommuneqarfik Sermersooq
- Kommune Kujalleq
- KANNUPE
- Kalaallit Nunaanni Eqqumiitsuliornermut Aningaasaateqarfik
- Nunatta Isiginnaartitsisarfia
- EPI
- Film.gl
- SILA
- Kalaallit Atuakkiortut
- Nunatsinni nipilersortartut
- KIMIK
- Nunatta Katersugaasivia Allagaateqarfialu
- Ilisimatusarfik
- Nunatta Atuagaateqarfia
- NAPA
- Katuaq
- Taseralik
- Sermermiut Kulturhus
- Kalaallit Nunaata Radioa
- NTK
- Sulisitsisut
- NUSUKA

- Visit Greenland
- Inuit innarluutillit pillugit oqaaseqartartoq Tilioq
- Utoqqaat pillugit oqaaseqartartoq
- Inuit Pisinnaatitaaffii pillugit Siunnersuisooqatigiit

Tusarniaanermi akissutit ukunannga tiguneqarput:

Film.gl, Kalaallit Nunaanni Eqqumiitsuliornermut Aningaasaateqarfik, NUIS, Kommuneqarfik Sermersooq, Sulisitsisut aamma Visit Greenland.

Siunnersummi ataasiakkaanik allannguiteqarnermik tusarniaaneq kinguneqarpoq.

Tusarniaassutigineqartumi §§ 22 aamma 23-mi aningaasaqarfiliorsinnaanermik periarfissiinermut tunngasut aalajangersakkat peerneqarput Film.gl.-ip akissuteqaataanik peqquteqartumik.

Taamaattumik tusarniaassutigineqartumi § 34, imm. 3 peerneqarpoq.

Film.gl-imit akissuteqaat oqaasiliornermut allanngutissanik ataasiakkaanik amerlanngitsunik kinguneqarsimavoq. § 1-imi filmiliornerup suuneranik erseqqissaanerit allanngortinneqarput, naalagaaffimmi innuttaassuseqarnissamik Kalaallit Nunaannilu najugaqarnissamik piumasaqaatit ersarisisinneqarput siunnersummi § 3, imm. 3-mi, § 4-mi, imm. 2-mi ”tunisassiorneq” ”filmiliornermut” allanngortinneqarpoq, ”siornatigut toqqarneqareersimasumik” kingornani ”toqqaannartumik” § 11-mi ilangunneqarpoq, ”aninkaasaliissutinik atuinernut aalajangersaasarternut instituttip anguniagaanik pingaarnernik Kalaallit Nunaanni filmiliortarneq siuarsarniarlugu” allanngortinneqarpoq imatut ”aninkaasaliissutinik atuinernut aamma aalajangersaasarternut instituttip anguniagaanik” § 15, imm. 1-imi, § 19, imm. 2-mi oqaaseqatigiit ”filmilianik pisariaqartussatut siunnersuutigineqartuni, aamma filmit innuttaasuni gruppikkaani siunnerfiusuni qanoq inissisimanissaat, aamma Kalaallit Nunaanni Filminstituttimi filminik nassiuussuisarnermi aaqqissuussinermi periarfissat eqqarsaatigalugit” peerneqarput.

Taakku saniatigut allannguutit naqqiinerillu annikitsuinnaat ilangunneqarput.

Tulliani tusarniaavigineqartut akissuteqaataat oqaaseqarfigineqarput. Tusarniaavigineqartut akissuteqaataannut oqaaseqaatit uingasunik allassimapput, oqaaseqaatigineqartullu sapinngisamik assilillugit allanneqarsimapput pingaaruteqarnerinik nalileereernikkut.

Nuis:

NUIS nalunaarpoq siunnersummut oqaaseqaatissaqaratik.

Sulisitsisut:

Sulisitsisut pingaarnertigut iluaraat Kalaallit Nunaanni filmiliortarneq pillugu suliniuteqarneq nukittorsarneqalermat, tamannami annertuummik periarfissaqartoq sulisitsisut nalilerpaat. Aamma

Sulisitsisunit taaneqarpoq, filmiliortarnerup annertunerulerlernera inuussutissarsiutinut allanut pitsasumik sunniuteqarnissaa.

Filmiliornermi aningaasartuutinik utertitsisinnaanermut siunnersuut pillugu Sulisitsisut oqaatigaat tunngaviusumik inuussutissarsiutit tamarmik assigiimmik periarfissinneqartariaqartut. Naak Sulisitsisut filmiliortarneq siuarsarniarlugu aaqqissuussinermut siunertat paasigaluarlugit, Sulisitsisut tunngavissaqarsorinngilaat inuussutissarsiortut ilaat allanut naleeqqiullugit pitsaanerusunik atugassaqartinneqarnissaat, inuussutissarsiutimmi allat aamma assinganik aaqqissuussinertigut iluaquteqarsinnaassagaluararmata.

Tamanna pillugu Naalakkersuisut uparuassavaat, filmiliornermi aningaasartuutinik utertitsisarneq nunani arlalinni atuuttuummat, taamatullu aaqqissuussineq filmiliortartunut kajumissaataavoq angusaqarfialluarluni sunniuteqarluartartoq, tamannalu tunisanik annertusaasarluni isertitatigut inuussutissarsiutinilu piginnaasanik annertusaasarluni.

Visit Greenland:

Visit Greenland siunnersummut nalinginnaasumik iluarinnilluni akissuteqarpoq. Pingaartillugu oqaatigineqarpoq inatsit tuniniaanermi ussassaarinermilu pitsasunik periarfissiisinnaammatt, tamannalu nunatta filmiliorfissatut inisisimanera pilerinarsisissavaa, Kalaallit Nunaanni Filminstituttimik pilersitsineq filmiliorluni tunissiornerup ineriertornissaa kaamisassavaa, nunatsinnilu filmkommissioneqalernerup nunanit allanit filmiliassanit kajumissuseqarnermik kinguneqassaaq, tamatumalu nunatta nunarsuatsinni malunnaateqarnerulerlernissaa annertusassavaa.

Aningaasaliinertigut tapiissuteqartarneq aamma aningaasartuutinik utertitsisinnaanermik aaqqissuussineq Visit Greenland-ip taperserpaa. Aamma taaneqarpoq nunatsinni filmiliornerup iluani takornariartarnermut periarfissat annertummata, filmiliornerullu nunatta immikkullarissutut takornariarfissatut tuniniarnerani sunniuteqarluassaaq, filmillu nunatsinni kulturip nunanut allanut tuniniarnerani sunniuteqarluassaaq, kiisalu filmiliorneq suliffissanik pilersitsisinnaalluni aamma nunatsinni suliassanik neqeroorsinnaasunik pisariaqartitsineq annertusassavaa, tamakkulu nunatta aningasaqarnereranut pitsasumik sunniuteqassapput.

Aningaasanik sulisinnaasunillu isumalluutinik naammattunik Kalaallit Nunaanni Filminstituttimut illikartitsisoqartarnissaa pingarnerpaasoq Visit Greenland-ip aamma taavaa, inatsimmi siunnersuutigineqartut suliniuitit tapeeriaasillu amerlasuut pitsasumi kinguneqartuartumillu ingerlanneqarnissaat taperserneqarnissaallu eqqarsaatigalugu pisariaqarpoq.

Aningaasanik illikartitsinerit aningaasaqarnikkut allaffissornillllu kingunerisassaat pillugit nalunaarusiami allaatigineqartut naammassasut Naalakkersuisut nalilerpaat.

Naggataatigut Visit Greenland-ip oqaatigaa inatsisisstatut siunnersuut nunatsinni filmiliortarnerup ineriertornissaanut pingaaruteqarluinnassasoq, nunatsinneersut nunanillu allaneersut filmiliortartut tapersorsornerisigut nunatsinni filmit pillugit takornariaqarnerup piviusunngortinnissaanut aamma nunarsuatsinni filmiliortartut akornanni inissinnissamut ilapittutaassasoq.

Film.Gl:

Film.gl-ip tusarniaanermi akissuteqaatiminni kattuffittut siunnersuut naammagisimaarluarlugu oqaatigaa. Film.gl-ip oqaaseqaatimini inatsisisstatut siunnersuummut oqaaseqaatinullu allanngutissanik siunnersuuteqarpoq.

Siullermik Film.gl-ip § 1, imm. 1-imi filmiliortarnerup suunera pillugu oqaasiliornerit allanngortinneqarnissaat kissaatigaa.

Allannguutissatut siunnersuutigineqartut tunngavilersorluagaapput, taamaattumik siunnersuummut ilanngunneqarput.

Film.gl-p § 2, imm. 1-imi oqaasiliorneq isumaqatigaa, tassani tv-mi allakaatitat filmiliornernut ilanngunneqanngillat. Tassunga tunngatillugu Film.gl-p uparuarpa, KNR-imut inatsisiornermi annertuumik amigaateqartoq, tassaasorlu tv-kkut aallakaatitassiornermik aamma filmiliornermik inatsimmi immikkoortitsisoqannginnera, KNR-ip inuiaqatigiinnut kiffartuussisussaatitaaneranut atatillugu pisussaaffiliisoqarsimangilaq KNR-ip pisussaaffigissaga nunatsinni filmiliornerup siuarsarnissaanut, tapersornissaanut aamma nunatsinni filmiliat takutinneqartarnissaannut, KNR-ilu pillugu inatsimmi aalajangersakkanik piaartumik ilanngussisoqassasoq siunnersuutigineqarpoq.

Naalakkersuisut tassunga tunngatillugu oqaatigissavaat Radiukkut tv-kkullu aallakaatitsisarneq pillugu Inatsisartut inatsisaat nr. 7 8. juni 2014-imeersukkut Radiukkut tv-kkullu aallakaatitsisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. 15 21.november 2022-meersukkut allanngortinneqartumi siunertarineqarmat radiukkut aamma tv-kkut aallakaatitsisarnerup aalajangersaaffigineqarnissa. Tassunga atatillugu tv-kkut aallakaatitassiornerup aamma filmiliornerup immikkoortinnejarnissaat tulluartuunngilaq, taakkumi tamarmik aallakaatitassianik aaqqissuinermi ilaasinnaammata. Rakiukkut tv-kkullu aallaatitsisarneq pillugu inatsisiornnerup nutarterneranut oqaaseqaatit ilanngunneqarsinnaanerat Naalakkersuisut isumaliutissanut ilanngutissavaat.

§ 3, imm. 3, pkt. 2-mut tunngatillugu Film.gl-ip allappaa, piumasaqaatitaqanngimmat “pisortanut ilaasut aamma siulersuisunut ilaasortat amerlanerit Danmarkimi innuttaassuseqarnissaannik nunatsinnilu najugaqartutitaanissaannik piumasaqaatitaqartoqanngimmat, tamannalu ilanngunneqartariaqartoq Film.gl allappoq.

Tamanna Naalakkersuisut siunnersuummut ilangguppaat, siunertaanngimmat suliffeqarfip qanoq ittuunera naapertorlugu assigiinngitsunik malittarisassaqarnissaa.

§ 4, imm. 1-imut oqaasiliornerit naapertorlugit nunatsinni producentit akornanniinnaq koproduktion imaluunniit nunatsinni filmiliortut arlaqartut akornanni taamaallaat pisartussaanngitsoq Film.gl allappoq, periarfissarlu taanna ilaatinneqartariaqarpoq.

Tassunga tunngatillugu Naalakkersuisut oqaatigissavaat oqaasiliornermi nunatsinni ataasiakkaat arlaqartulluunniit producentit nunanit allaneersunik producentinik suleqateqarlutik filmiliaasa nalilerneqarsinnaanerisa killilerneqarnissaat taamaallaat anguniarneqarpoq. Filmi nunatsinneersut producentit filmiliaat nunatsinneersut filmiliaattut Inatsisartut inatsisaat naapertorlugu nalilerneqartussaavoq. Tamanna § 3, imm. 1-imi oqaasiliornikkut “kalaallimik ataatsimik arlalinnilluunniit producenteqluni suliat”-kut erseqqissarnerpoq, taakkulu oqaaseqatigiit “kalaallimik ataatsimik producenteqluni” taarserpai.

§ 4, imm. 2-mut tunngatillugu Film.gl siunnersuuteqarpoq oqaasiliornerit allanngortinneqassasut. Allanngortitsinissamut tunngavilersuutigineqarpoq oqaatsimi “filmilorneq”-mi ilaammata suliassat tamarmik filmimik pilersitsiniarnermi aqqusaaagassat, “sanaartornermi”-li taamaallaat filmimik immiussineq ilaasarluni.

Naalakkersuisut allanngortitsinissamut tunngavilersuut isumaqatigigamikku siunnersuummut allannguutitut ilangguppaat.

§ 5-imut tunngatillugu Film.gl-ip oqaatigaa, Kalaallit Nunaanni Filminstituttip siunertaanut paragraffimi allassimanngimmat institutti nunatsinnut filmilianik tammatsaaliuinermi qulakkeerinnituussatitaassasoq, tamannalu amigaataammat ilungersunartuuvoq. Nangillugu nassuaasiami “Inassuteqaatit qanoq aaqqissuussinikkut Kalaallit Nuaanni filmilortarnerup nukittorsaavigineqarnissaat pillugu” Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmeersumi 2023-milu ullulerneqarsimasumi oqaatigineqarpoq Naalakkersuisut isumaqartut suliassaq taanna atuagaateqarfiiit pillugit inatsimmi Nunatta Atuagaateqarfianut saqqummersinnejartunik tamanik tunniussisussaatitaanikkut isumagineqarsimasoq. Film.gl tamatumunnga isumaqataanngilaq, saqqummersitanik tamanik tunniussisussaatitaanikkut nunatsinni filmiliat pigiinnarnissaat qulakkeersinnaanngilaa, atuagaateqarnerlu pillugu inatsimmilu aalajangersakkap nunatsinni filmiliat pigiinnarneqarnissaat qulakkeernavianngilaa.

Oqaatigineqarporlu aalajangersakkap aamma qulakkiinngikkaa kalaallit filmiliaasa inunnut tamanut takuneqarsinnaalernissaannut, filmilianillu tunniussisussaatitaaneq kisimi naammanngilaq qulakkeerneqassappat filmiliat kulturikkut kingornussatut pigiinnarneqassappata tamanillu takuneqarsinnaanngussappata.

Groenlandicami, tunniussisussaatitaanermik isumaginnittuusussami kalaallit filmiliaasa siunissami pigiinnarnissaannut akisussaasumi, naammattumik ilisimasaqarneq teknikkikkullu piginnaasaqarneq amigarpooq,aamma kalaallit filmiliaat Groenlandicamut tunniunneqarsimasut inunnut tamanut takuneqarsinnaanngornissaannut periarfissaqanngilaq. Kiisalu oqaatigineqarpoq suliassanut taakkununnga akisussaaffik Kalaallit Nunaanni Filminstituttimiittooq, tassani sulisussaqrarlunilu aningaasaqarnikkut isumalluutissaqarmat kulturikkut kingornussat taakku isumagineqarnissaannut. Tassunga tunngatillugu innersuunneqarpoq 2015-imi inuit kajumissutsimikkut suliniutaat pingaaruteqartoq pilersinneqarmat kalaallit filmiliaasa kulturikkut kingornussatut pigiinnarneqarnissaat inunnillu tamanit takuneqarsinnaanngorneqarnissaat qulakteerniarlugu, inuit kajumissutsimikkut suliniutaat “Inuaat Isaat” pilersinneqarpoq taassumalu kalaallit filmiliaannik toqqorsivissatut isumaliutaavoq. Tassunga ilanggullugu oqaatigineqarpoq malunnartoq filmiliat pigiinnarneqarnissaannut maannakkut akisussaasoqanngitsoq, tassami kulturip pigiinnarnissaanut suliffeqarfiiit maannakkut ingerlasut inuit kajumissutsimikkut suliniutaannut akisussaasutut inississinnaasimanngimmata.

Naggataatigut oqaatigineqarpoq kulturip pigiinnarnissaanut suliffeqarfik akisussaaffimmik tigusisinnaasutuaammat Kalaallit Nunaanni Filminstitutti. Taamaattumik Film.gl sakkortuumik kajumissaarivoq kalaallit filmiliaasa kulturikkut kingornussassatut pigiinnarneqarnissaannut akisussaaffik Kalaallit Nunaanni Filminstituttip siunertaanut ilanggunneqassasoq. Film.gl-ip Kalaallit Nunaanni Filminstituttip suliassaata isumaginissaanut katillugit ukiumut aningaasartutissat 900.000 kr.-nik annertussuseqarnissaat naatsorsorpaa.

Film.gl-ip kalaallit filmiliaasa pigiinnarneqarnissaannut oqaaseqaataanut akissutigalugu siullermik Naalakkersuisut oqaatigissavaat atuagaateqarfiiit pillugit Inatsisartut inatsisaat nr. 8 8. juuni 2014-imersoq naapertorlugu Nunatta Atuagaateqarfianut tunniussisussaatitaanerup filmit pigiinnarnissaat qulakiissavaa. Atuagaateqarfinnut inatsimmi aamma aalajangersarneqarpoq Nunatta Atuagaateqarfia peqataaffigissagaa nunatsinni kulturikkut kingornussassat pigiinnarnissaat qulakteerneqassasut. Aamma atuagaateqarfimmut inatsimmi aalajangersarneqarpoq, kalaallit kulturikkut kingornussaannik siunertamut katersaateqarfimminti (Groenlandica) Nunatta Atuagaateqarfia nunatsinni saqqummersinneqarsimasunik tamanik tammatsaaliuinermi peqataassasoq katersinikkut, nalunaarsuinikkut aamma pilersitanik tamanik tammatsaaliuinikkut. Nunatta Atuagaateqarfia Groenlandica aqqutigalugu katersatigut ilisimatusarnermut atuagaateqarfimmik suliaqassaaq, tassanilu ilaassallutik atuakkat, atuagassiat aamma allat issittoq pillugu saqqummersitat kiisalu sammisat nunatsinni inuiaqatigiinnut pingaaruteqartut. Nunatta Atuagaateqarfia Groenlandicami katersat ilisimatusarnermilu atuagaateqarfik inunnut tamanut takuneqarsinnaanngornissaat qulakiissavaa, nunatsinnilu kulturikkut kingornussat iluaniittut atuagaateqarfiaup akisussaaffigisaanut ilisimasat misigisallu ingerlateqqittassallugit.

Nunatta Atuagaateqarfia, atuagaateqarfik pillugu inatsit naapertorlugu saqqummersinneqartut katersinissamik pisussaaffeqartoq, suliassamut immikkut ilisimasaqarluartunik sulisoqarpoq aamma katersinermi toqqorsivinnik ikuallatsaaliukkanik silaannarissakkanillu naammattunik peqarpoq. Taamaattumik immikkut ilisimasalinnik teknikkikkullu piginnaasaqartunik pisariaqartunik peqannginneraaneq Naalakkersuisut akuerinngilaat.

Aamma Naalakkersuisut oqaatigissavaat, tunniussisussaatitaanermut atuuttumut aalajangersagaliat atortussanut saqqummersinneqartunut tunniussisussaatitaanerup iluaniittunut, taakkulu Groenlandica-mut tunniunneqartussaapput, Groenlandica-lu sulisutigut illutatigullu siunertamut aaqqissukkanik peqarpoq. Tunniussisussaatitaanerup tunngaviata allanngortinnejarnissa, suliffeqarfimmut allamut tunniussisinnaangortitsinikkut, Naalakkersuisut pitsasutut nalilinngilaat. Tunniussisinnaatitaanerup arlalinnut aaqqissuunneqarsinnaanera siunertaqanngitsumik akitsorsaataassaaq, taakkumi tunniussisussaatitsinermi tigooraaviusussanik immikkut tamarmik suliamut piumasaqaatalinnik pilersitsissapput.

Innuttaasut Groenlandicami katersukkanut innuttaasut takunnissinnaanissaat pillugu atuagaateqarnermut inatsimmi § 13-imí aalajangersagaqarpoq, aamma Goenlandicami katersaniittut ilisimatusarnikkullu atuagaateqarfimmiiittut kulturikkut kingornussassat atuagaateqarfiup akisussaaffigisaata iluaniittut pillugu ilisimasat Nunatta Atuagaateqarfia ingerlateqqittassavai. Taamaattumik Groenlandicami katersanut takunnissinnaasoqassasoq inatsisiliornikkut aalajangersarneqarpoq, aamma atuagaateqarfiup akisussaaffigisaata iluaniittunut kulturikkut kingornussassanut ilisimasanik misigisanillu ilisimasat Nunatta Atuagaateqarfia ingerlateqqittassagai. Nunatsinni filmeqarnikkut kingornussat pillugit ilisimasat tamanut ingerlateqqinnejarnissaat inatsisitigut qulakkeerneqarsimavoq. Aamma, innuttaasut namminneq suliniutaata siuliani taaneqartup saniatigut, filmitigut pisuussutit kulturimik tammatsaaliuinermik suliffeqarfifiit isumagisassaat suliarineqanngitsunik oqaaseqarneq Naalakkersuisut isumaqatigingilaat. Innuttaasut katersukkanik takunnissinnaanissaannut tunngatillugu Nunatta Atuagaateqarfia Kalaallit Nunaanni Filminstituttilu suleqatigiinnermik pilersitsisinnaanerat periarfissaassaaq.

§ 8, imm. 1-imut tunngatillugu Film.gl allappoq Kalaallit Nunaanni Filminstituttimut siulersuisut tallimanik inuttaqartoq tulluartusoq. Film.gl ilanngullugu allappoq, Sulisitsisut taarserlugit Visit Greenlandip toqqaasussaatitaasunngortinnejarnissa tulluarnerutinnejarnusoq. Tassunga atatillugu oqaatigineqarpoq, inuussutissarsiutinut atassuteqarnissaq pingaartinnejarnusoq, Visit Greenlandillu Sulisitsisut taarserlugit siulersuisunut aallartitaqarneratigut tamanna qulakkeerneqassasoq. Nangillugu oqaatigineqarpoq, Kalaallit Nunaanni Filminstituttip Visit Greenlandillu anguniagaanni akisussaaffiit ilaat assigiissuteqartut, taakkulu siulersuisuni sammineqartarnissaasa qulakkeerneqarnissaat pingaaruteqartoq oqaatigineqarpoq, siulersuisunilu

iniussutissarsiortunut nalinginnarnut taamaallaat atassuteqarnermit takornariaqarnermut atassuteqarnerunissaq qulakkiissallugu pingarnerutinnejarpooq.

Naalakkersuisut nalilerpaat, siulersuisunut ilaasortat piginnaasaqarnissaannut tunngatillugu Sulisitsisut inassuteqaateqarsinnaatitaanissaat tulluarnerusoq. Ilanngullugu oqaatigineqassaaq Visit Greenland nammineq siulersuisunut inassuteqarsinnaatitaanissaminik kissaateqarluni nalunaaruteqarsimannngimmat.

Kiisalu Film.gl siunnersuuteqarpoq, nutaamik paragraffimik ilanngussisoqartariaqartoq, tassanilu aalajangersakkat Kalaallit Nunaanni Filminstituttimut pisortamut tunngasut ilanngunneqassammata. Tassunga tunngatillugu siunnersuummi Kalaallit Nunaanni Filminstituttimi pisortamut piginnaasassatigut piumasaqaatinik suliassanillu siunnersuummi ilanngussaqanngimmat, taamatullu ilanngussaqarnissaq pisariaqartutut taaneqarpoq. Aamma oqaatigineqarpoq pisortaq siunnersuummi ulluinnarni aqutsisutut taaneqarmat, pisortarli § 5-imi taaneqartoq akisussaaffimmik annertuumik pigisaqartoq ulluinnarni aqutsisuunnaanngilaq. Oqaatigineqarportaaq Kalaallit Nunaanni Filminstitutti pisortat suliffeqarfingissammassuk namminersortoq, inatsisitigullu inissisimassalluni soorlu Nunatta Isiginnaartitsisarfia, KNR aamma Ilisimatusarfik assigalugu. Taannalu nangillugu oqaatigineqarpoq, suliffeqarfinni taaneqartuni pingasuni pisortat, isiginnaartitsisarfimmi pisortaq, direktør aamma rektor naligisaanik Kalaallit Nunaanni Filminstituttimi pisortaq taaguuteqarsinnaammat filmimut pisortaq imaluunniit direktør.

Suliffimmi akisussaaffimmut “ulluinnarni aqutsisoq” taaguutigineqarpoq, taannalu tassaanngilaq atorfimmut taaguutigineqartussaq. Siulersuisut namminneq aalajangissavaat aqutsisup qanoq taaguuserneqarnissaa. Allani inatsisiliani aalajangersimasumik atorfimmik taaguuteqartoqaraangat tassani atorfimmut pissusissamisoortumik tulluartumik taaguuteqarnissaq tunngaviusarpoq. Film.gl-ip oqaaseqaatai tunngavigalugit “ulluinnarni aqutsisoq”-mut “pisortaq” taarsiullugu Naalakkersuisut ilannguppaat, taamaalilluni Kalaallit Nunaanni Filminstituttimi ulluinnarni aqutsineq pisortamit siulersuisunit atorfinitssinnejartussamit isumagineqartussaasoq allassimalissasoq Naalakkersuisut nalilerpaat.

Aamma siunnersuummi pisortamut piumasaqaatinik ilanngussaqarnissaq tulluartuunngitsoq Naalakkersuisut taassavaat. Oqartussat atorfinitssisussat suliassat inatsimmi aalajangersarneqartut naapertorlugit pisortamut piumasaqaatinik allataqarnissaat tulluarnerutinnejarpooq.

Film.gl aamma § 15, imm. 1-imut allannguutissamik siunnersuuteqarpoq tunngavilersuutigalugu Kalaallit Nunanni Filminstituttip anguniagaanut ukkataqarnissaq taamaallaat siunertarineqassammata. Tunngavilersuutigineqartoq aallaavigalugu allannguutissaq siunnersuummut ilanngunneqarpoq.

§ 16, imm. 2-mut Film.gl oqaaseqarpoq, tulluartuussasoq aalajangersakkap pingarnertut oqariartuitigippagu inatsisiilornerup siulersuisullu aalajangigaannut tamanut malinninnissamut pisortaq akisussaaffeqartoq.

Aalajangersakkap allangortinneqarnissaanut Naalakkersuisut peqqutissaqanngillat, inatsisip malinnissaanut pisortap akisussaaffeqarnera inatsimmik tunngaveqarmat, tamannalu sunut tamanut atuuttussaammat. Siulersuisut aalajangigaannut piviusunngortitsinissaq atorfeqarnermut pissusissamisoortumik ilaavoq.

Film.gl-ip aamma inassutigaa, § 19-imit § 21-mut innersuussisoqarnissaa assinganillu § 20-mit § 21-mut innersuussisoqarnissaa.

Tamanna pisariaqanngitsutut Naalakkersuisut nalilerpaat.

§ 19, imm. 2-mut Film.gl oqaaseqarpoq, inatsimmi inatsimmullu oqaaseqaatini allassimanngitsoq agguassisarnissamut suna aalajangersimasumik eqqarsaatigineqarsimanersoq. Oqaatigineqarpoq aalajangersakkap aamma takutikkaa Kalaallit Nunaanni Filminstituttimut akisussaaffimmik takunnissinnaatitaanermillu pisariaqartoq.

Naalakkersuisut isumaqatiginngilaat aalajangersakkap takutikkaa kalaallit filmiliaannik tammatsaaliuinissamut takunnissinnaatitsinissamullu akisussaaffiup tamarmi Kalaallit Nunaanni Filminstituttimut katersuunneqarnissaa. Naalakkersuisut nalilerpaat, aalajangersagaq pisariaqanngitsoq, taamaattumillu aalajangersagaq siunnersuummit peerneqarpoq.

Aamma Film.gl siunnersuuteqarpoq, tusarniaassutigineqartumit §§ 22 aamma 23 peerneqassasut. Tamatumunnga tunngavilersuutigineqarpoq, aalajangersakkat aningaasaateqarfiliorsinnaanermik periarfissiisut tunngaveqarmata filmit pillugit suleqatigiissitap oqaaseqaataanit, suleqatigiissitallu siunnersuutaa immikkut aningaasaateqarfiliornissamik pisariaqartitsinertut takorloorneqarsimanngilaq.

Tamanna tunngavigalugu siunnersuummi matumanit aningaasaateqarfiliornissamut periarfissiinissaq Naalakkersuisut ilanngutinngilaat.

Aamma Film.gl-ip oqaasiliornernut allannguutissanik siunnersuutinik arlaqartunik saqqummiivoq.

Siunnersuutit taakku tamaasa akuersarneqarput.

Film.gl arlalinnittaaq taasaqarpoq kissaatigalugu oqaaseqaatinut allannguuteqartoqassasoq. Siunnersuut siulleq siulersuisunut ilaasortat sulinerminnut honorarisiassaasa annertussusissaannut tunngassuteqarpoq. Siulersuisut suliassaat innersuussutigalugit aannertussusaannullu tunngatillugu

Kalaallit Nunaanni Filminstituttip piginnaasaqartunik inuussutissarsiortunillu aqunneqarnissaa siunnertalarugu honorarit qaffanneqarnissaat siunnersuutigineqarpoq. Siulittaasumut ukiumut 120.000 kr.-nik honorariliisoqassasoq taannalu pinngippat 90.000 kr.-ussasoq siunnersuutigineqarpoq.

Naalakkersuisut tassunga oqaatigissavaat, honorarit annertussusissaat siunnersuummi aalajangersarneqanngimmat, tamannalu § 13, imm. 4 tunngavigalugu immikkut nalunaarummik aalajangersaanikkut aalajangerneqassaaq. Siulittaasumut siulersuisunullu ilaasortanut honorarisiassat naatsorsuutigineqartut oqaaseqaatini allassimapput.
Naalakkersuisut isumaqarput siulersuisut akisussaaffiinik suliassaannillu suliaqarneq annertunerusumik honorarisinissamik kinguneqassanngitsqoq.

Aamma Film.gl allappoq 600.000 kr.-nik pisortamut honorarisiaqartitsinissaq appasippallaartoq. Pisortamut piginnaasatigut piumasaqarnissaq il.il. tamatumani eqqarsaatigineqarpoq. Film.gl isumaqarpoq minnerpaamik 800.000 kr.-usariaqartut. Allanut tamanut honorarisiassat 1.500.000 kr.-ussasut oqaatigineqarpoq sulisut ikinnerpaaffissai aallaavigalugit Kalaallit Nunaanni Filminstituttimilu sulisut suliassaminnik isumaginninnissannut atorneqartussat.

Naalakkersuisut isumaqanngillat ukiumut aningaasartuutissat appasippallaamut inissinneqarsimasut, isumaqarlutillu honorarisanut aningaasartuutissatut nalilerneqartut sulisussatigut pisariaqartitsinermut naapertuuttuusut.

Aamma Film.gl allappoq, aningaasat filminstituttimut filmkommissiinimullu ingerlatsinermut aningaasartuutissatut siunnersuutigineqartut piviusorpalaanngitsumik appasippallaartut. Kalaallit Nunaanni Filminstituttimut siunertat tamaasa naammaginartumik isumagineqarnissaannut naammanngitsut oqaatigineqarpoq, Kalaallit Nunaanni Filminstituttimullu siunertap tamarmiusup isumagineqarnissaa ajornassaaq, instituttilu qaffasissumik siunertalerneqarnera isumaaruppoq, tassami siunertat qulakteerneqarnissaannut aningaasatigut sinaakkusiussat appasippallaarmata siunertat qulakteerneqarnissaat naammanngillat.

Aningasanik siunnersuutigineqartunik appasippallaartutut oqaaseqarneq Naalakkersuisut isumaqatiginngilaat, aamma isumaqanngillat siunertat aningaasaqarnikkullu sinaakkutissat imminnut naapertuutningitsut.

Tapiissuteqartarnissaq pillugu Film.gl allappoq, 3.900.000 kr.-t siunnersuutigineqartut ukiuni marlunniq siusinnerusumut assinganik kinguneqassasut, Film.gl-llu tassunga atatillugu naammagisimaarlugu nalilerpaa oqaaseqaatini anguniarneqarmat filmiliornissamut tapiissuteqartarnissaq pigiinnarneqarmat.

Film.gl-ip filmiliornermut ingerlatsivik eqqarsaatigalugu eqqortuusoraa filmiliornermut ingerlatsiviup Kalaallit Nunaanni Filminstituttimut toqqaannertumik atasunngortinnejarnissaa. Atassusiineq taaneqarpoq filmiliornermut ingerlatsivik tassaassammat filmiliornermik ilinniarfik, ilinniartitsinermullu tungasoq nukitorsarneqarsinnaavoq Kalaallit Nunaanni Filminstitutti filmiliornermut ingerlatsivimmut akisussaalerpat. Tassunga ilanngullugu taaneqarpoq maannakkut filmiliornermut ingerlatsivik, Filmiliortarfik tassaassammat suliffeqarfik imminut aquttoq, filminullu inatsimmut oqaaseqaatini taaneqarput siunissami periarfissat maannakkut aaqqissuussinerup allangortinnejarnissaa pitsaanerpaamik qanoq piviusungortinnejarsinnaasoq. Filmiliornermut ingerlatsivimmut aningaasaleeqatigiinnerup qulakkeerneqarnissaanut minnerpaamik Kommuneqarfik Sermersuumik oqaloqateqarnissap qulakkeerneqarnissaa pingaaruteqarpoq. Tassunga tunngatillugu apeqqutigineqarpoq kommunini allani immikkoortortaqarnissaq isumaliutigineqarsinnaanersoq.

Kommuneqarfik Sermersuumik filmiliornermut ingerlatsivik pillugu suleqatigiinnerup ingerlaqqinnissaa pillugu oqaloqatigiinneq Naalakkersuisut aallarnisarpaat. Filmiliornermut ingerlatsiviup ingerlaneratigut Kalaallit Nunaanni Filminstituttip siunertat inatsisitigut isumagisassami ilaattut nutaaliortluni filmiliortarneq piginnaasaqartunillu inerititsineq siuarsassavaa. Tassunga aningaasartuutit nunatta karsianit aningaasalersorneqassapput, instituttimmi sulinera nunatta karsianit tapiissutitigut isumagineqassammat. Kalaallit Nunaanni Filminstitutti siunnersuut naapertorlugu kingornussassanik tunissutinillu aamma allanik aningaasaliisunit tunineqassaaq. Siunissami instituttip sulineranut aningaasaleeqataasinnaaneq soorlu kommuninit ataatsimit periarfissaassaaq. Kommunini immikkoortortaqarsinnaanermik pisariaqartitsinermik naliliinermik tunngaveqassaaq. Kalaallit Nunaanni Filminstituttip nammineerluni naliliineq taamaattoq ingerlassinnaanerussavaa.

Utertsinermut aaqqissuussinermut atatillugu Film.gl-ip naammagisimaarlugu oqaatigaa, § 20, imm. 2-mi utertsinermut killigititatut aalajangersakkamik saneqqutisisinnaaneq periarfissaatikkaa, soorlu Kalaallit Nunaat “James Bond pillugu saaffigineqassagaluarpat”.

§ 21-mi Naalakkersuisut pisussaaffilerneqarput tapiissuteqarnermut utertsinermullu malittarisassanik aalajangersaanissaminut. § 21, imm. 2 naapertorlugu malittarisassanut taakkununnga ilaassapput immikkut pisoqartillugu § 20-mi procentit annertunerpaaffissatut aalajangerneqarsimasut saneqqutissallugit aamma aningaasat qummut killingi aningaasallu minnerpaaffissaat aningaasat inatsisaanni filmiliornermi aningaasartuutigineqarsimasunik utertsisisinnaanermut aalajangerneqarsimasut.

Kalaallit Nunaanni Eqqumiitsuliornermut Aningaasaateqarfik
Kalaallit Nunaanni Eqqumiitsuliornermut Aningaasaateqarfik isornartorsiuvivoq siunnersuut aningaasaateqarfimmut siullermik tusarniutigineqarsimanngimmat. Pitsaasumik aaqqiissuteqarnernut oqaloqatigiinneq siumut aqutissaasoq aningaasaateqarfiiup upperigaa

oqaatigineqarpoq, taamaattumillu aningaasaateqarfiup tungaanit inatsisisamut siunnersuutip unammilligassanut EA-mut pilersitaanut aaqqiissutissamik nassaartoqassasoq aamma kissaatigineqarpoq. Meeqyanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumik ulloq 1. august ataatsimeeqateqarnissaq isumaqatigiissutigineqartoq oqaatigineqarpoq, oqaloqatigiinnerlu ingerlaqqissasoq, aamma suliap ineriartoqqinnissamut tunngatillugu Naalakkersuisumit ataatsimiigiaqqusinissamut aningaasaqaateqarfik qilanaarpoq.

*Ajuusaarnartumik kukkusoqarneratigut Kalaallit Nunaanni Eqqumiitsuliornermut
Aningaasaateqarfimmut nassiunneqarsimanngilaq, tamannalu tusarniaanissamut piffissaliussap
naanerani aatsaat paasineqarluni. Taamaattumik Kalaallit Nunaanni Eqqumiitsuliornermut
Aningaasaateqarfik ulloq 19. juli siunnersummik malinnaatitsiffigalugu nassiussiffigineqarpoq
kingusinnerpaamik ulloq 5. august tusarniaanermut akissuteqaqqullugu qinnuigineqarluni. Aamma
atingaasaateqarfiullu kissaateqareerneratigut siunnersuut pillugu Meeqyanut, Inuusuttunut,
Ilinniartitaanermut, Kultureqarnermut, Timersornermut Ilageeqarnermullu Naalakkersuisumik
ulloq 1. august 2024-mi ataatsimeeqatiginnittoqarpoq.*

Filminstituti pillugu siunnersuutikkut Kalaallit Nunaanni filmiliornermik sullissinerup nukittorsarneqarnissaanut Naalakkersuisut tungaannit suliniuteqarneq Kalaallit Nunaanni Eqqumiitsuliornermut Aningaasaateqarfiup pitsaasutut isigaa. Oqaatigineqarpoq, filmiliorneq eqqumiitsuliornertut allatuulli annertoorujussuarmik periarfissaqartoq, aamma immikkut periarfissaq pingaaruteqartoq filmiliorneq aqqutigalugu uagut Kalaallit Nunaanni oqaluttuaatitta nammineerluta pilersinnissaanut. Nangillugu oqaatigineqarpoq, Kalaallit Nunaanni eqqumiitsuliornikkut assigiinngisitaartut tamaasa tapersersornissaannik siunertaq aallaavigalugu Kalaallit Nunaanni Eqqumiitsuliornermut Aningaasaateqarfik pilersinneqarsimasoq, taamaattumillu aningaasaateqarfiup tapersersuinermigut eqqumiitsuliornerup kulturikkullu ineriartorneq tapersersorniarpa. Nangillugu oqaatigineqarpoq, Kalaallit Nunaanni eqqumiitsuliornermut kulturimullu aningaasat tapiissutit ataatsimut katillugit amerlanerulernerannik inatsisisatut siunnersuut kinguneqassappat, eqqumiitsuliornikkut kulturikkullu inuunermut pitsasuussasoq, kisianni siunnersummi matumanit taamaanngilaq, pissutigalugu suleriaatsimi isumaqarmat, aningaasat tapiissutaasartut taakkorpiaat agguarneqassasut.

*Naalakkersuisut paasivaat, Kalaallit Nunaanni filmiliornermik suliaqarnerup
filminstitutteqalernissaq pillugu siunnersuuteqarnikkut nukittorsarneqarnissa Kalaallit Nunaanni
Filmiliornermut Aningaasaateqarfiup pitsaasutut isigigaa. Eqqumiitsuliornermut kulturimullu
atingaasat tapiissutit pillugit allanneqartunut tunngatillugu, malugineqassaaq, aningaasatigut
tapiissuteqarnerulernissaq siunnersummi siunertarineqanngimmat, kisianni Kalaallit Nunaanni
filmiliornermik suliaqarnerami sinaakkutit atugassarititaasut pitsaasut pilersinnissaat. Eqqorpoq,
siunnersuuteqarnermi siunniunneqarmat, aningaasat, Kalaallit Nunaanni Eqqumiitsuliornermut*

Aningaasaateqarfíup pilersinnejnarnerani, filmiliornermut tunngasunit aningaasaateqarfímmut nuunneqartut, utertinnejassasut siunnersuutigineqarpoq.

Kalaallit Nunaanni Eqqumiitsuliornermut Aningaasaateqarfíup nangilluni oqaatigaa, inatsisissatut siunnersummi aningaasaateqarfíup sulinerata sunniiffigineqarnera aningaasaateqarfíup immikkut sammigaa. Uani pisumi filmiliornermik suliaqarnermi aningaasat tapiissutaasartut agguaannejartarnerat pineqarpoq. Tassunga atatillugu oqaatigineqarpoq, aningaasaateqarfíup pilersinnejnarnerani aalajangerneqartoq, eqqumiitsuliorneq pillugu inatsimmi eqqumiitsulioriaatsinut nassuiarnejartunut tamanut namminersorlutik oqartussanit kulturimut tapiissutit ataatsimoortinneqassasut, tassalu aningaasaateqarfímmi. Tamanna pillugu aningaasaateqarfík suliarineqarpoq, akuliutinnginnissamik tunngaviusoq pillugu kissaateqarnermik aallaaveqarluni, aalajangerneqaporlu qinnuteqaatit suliarinerinut paasisimasallit attuumassuteqassasut. Taakkua paasisimasallit tassaapput inuit eqqumiitsulioriaatsit assigiinngitsut tapiiffigineqartartut pillugit matumani aamma filmiliornermik suliaqarnermik ilisimasallit. Aningaasat agguaannejarnerannut tunngatillugu aalajangiinerit piukkunnaateqarnerannut tulleriaarnerannullu annertuumik peqataapput.

Akuliutinnginnissamik tunngaviusoq paasisimasallillu pillugit oqaatigineqartunut Naalakkersuisut oqaatigissavaat, siunnersuutip § 19-aní aalajangersarnejarmata, Kalaallit Nunaanni Filminstituttip aningaasaliissutissanik qinnuteqaatinik allaatigisaq filmiliornermi najoqquassaliornermut aamma filmiliatut nioqqutissiassatut siunnersuutigineqartunut, aamma naatsunik dokumentaarinillu filmiliassatut siunnersuutigineqartunik suliaqarnermi qularnaartassavaa eqqumiitsuliatut sulianik naliliisoqartarnissa, aamma qinnuteqaatit aningaasaqarnikkut aamma nioqqutissiornikkut teknikkimut tunngasutigut nalilersuivigineqartarnissaat. Taamaalilluni akuliutinnginnissamik tunngaviusoq suli siunnersummi ilaavoq aamma qinnuteqaatit eqqumiitsuliornikkut nalilernejarnera pisassasoq qulakkeerlugu.

Nangillugu oqaatigineqarpoq, Aningaasaateqarfímmiit 3,9 mio. kr. tiguneqarnissaat siunniunnejartoq, aamma filminut qinnuteqaatit siumut sammisumik Kalaallit Nunaanni Filminstituttimit tapiissutit tigusassagaat. Tamanna isumaqarpoq, aningaasat tapiissutit nutaajunngitsut, kisianni eqqarsaatigineqarpoq eqqumiitsuliornermut kulturimullu aningaasaateqarfímmiit tapiissutit aningaasaat immikkoortitat 3,9 mio. kr.-nit tiguneqassasut, tassalu eqqumiitsuloriaatsinut sunulluunniit tamanut aningaasaateqarfíup aningaasat tapiissutaasa affangajaat. Tassunga atatillugu oqaatigineqarpoq, tapiiffigineqarnissaq pillugu aningaasaateqarfík qinnuteqaatinik amerlasoorpassuarnik pisartoq maannakkullu qinnuteqartunut aningaasat agguassassat ikinnerujussuupput.

Kalaallit Nunaanni Eqqumiitsuliornermut Aningaasaateqarfíup nangilluni oqaatigaa, aningaasaateqarfíup siulersuisuinut apeqput angisooq tassasoq, Naalakkersuisut aningaasaateqarfík suniarpaat. Tassunga atatillugu oqaatigineqarpoq, inatsisissatut siunnersummik tassannga

eqqumiitsuliornermut aningaasaateqarfíup siunertaa pikkunaallisarlugu aallartinneqartoq siunertamillu allanngortitsinissaq pisariaqartinneqassaaq. Matuma kingorna Kalaallit Nunaanni Eqqumiitsuliornermut Aningaasaateqarfík pillugu nalunaarummit §§ 1 aamma 2 issuarneqarput:

" § 1. Kalaallit Nunaanni Eqqumiitsuliornermut Aningaasaateqarfíup siunertaraa siuarsassallugit Kalaallit Nunaanni eqqumiitsuliornikkut ingerlatsineq, aamma kalaallit nunani allani eqqumiitsuliornikkut ingerlatsinerat, sapinngisamillu qularnaarniassallugu innuttaasut siammassisumik aamma tamatigoortumik kalaallit eqqumiitsuliaannik eqqumiitsuliornikkullu ingerlatsinerannik periarfissaqarnissaat, aamma eqqumiitsuliornikkut nunani allaneersunik periarfissaqartinneqarnissaat.

§ 2. Kalaallit Nunaanni Eqqumiitsuliornermut Aningaasaateqarfíup ingerlatsinerani ilaapput eqqumiitsuliornermik ingerlatsinerit tamakkiisut, Inatsisartut eqqumiitsuliornernut inatsisaanni ilaasut."

Tassunga uiggiullugu Kalaallit Nunaanni Eqqumiitsuliornermut Aningaasaateqarfík aperivoq, tamanna isumaqarnersoq, eqqumiitsuloriaatsit allat qulaatiinnaarlugit filmeqarnerup iluani ineriantorneq maannakkut Naalakkersuisut immikkut suliniutigigaat. Nangillugu oqaatigineqarpoq, Naalakkersuisut kultureqarnermut politikkikkut tulleriissaarinerat pillugu ersarissumik isummaminnik nalunaaruteqarneri amigaataasoq.

Siunnersuummut oqaaseqaatini nalinginnaasuni oqaatigineqartutut naalakkersuisut nalilerpaat pingaaruteqartoq Kalaallit Nunaat Filmiliortarnermini filminut tunngasut iluanni aningaasanik tapiissutinik tunniussinissamut piginnaaneqalertariaqartoq akisussaassuseqalerlunilu. Tamatuma allaaviatigut inatsimmut allamut tunngatillugu tapiinissamut aamma periarfissaqartumut qaleriittoqartissavaa. Eqqumiitsuliorneq pillugu inatsimmut tunngatillugu peqatigitillugu Naalakkersuisut naliliipput, filmiliornermut tunngatillugu Kalaallit Nunaanni Eqqumiitsuliornermut Aningaasaateqarfíup tapiissuteqarsinnaaneranut erseqqarinnerusumik killiliinissaq pisariaqartoq. Tamatuma eqqumiitsuliornermik ingerlatsineq tamatuminngalu ingerlatitseqqittarneq pillugit nalunaarutip nutarterneqarnissaanik pisariaqartitsineq kingunerissavaa. Siunissami Kalaallit Nunaanni Eqqumiitsuliornermut Aningaasaateqarfíup filmiliornermi eqqumiitsuliornerup iluani tapiissuteqarsinnaanerata peerluinnarneqarnissaai siunertarineqanngilaq. Ataqqinaammik nersornaasiinerit Kalaallit Nunaanni Eqqumiitsuliornermut Aningaasaateqarfíup tunniussinerit aamma nersornaatitut akissarsisitsinerit taamatut ilimagineqarput ingerlaannarnissaat naatsorsuutigineqarpoq. Kisianni tapeeriaatsit tapiissuteqartarnermullu siunertat nalunaarummi erseqqarinnerusumik aaqqiiffigineqarnissaat naatsorsuutigisariaqarpoq, taamaalilluni Kalaallit Nunaanni Eqqumiitsuliornermut Aningaasaateqarfíup aamma Kalaallit Nunaanni Filminsitituttip qanoq tapiissuteqarsinnaaneri erseqqarissumik takuneqarsinnaanngorlugu.

Siunnersuummi oqariartuutigineqanngilaq, eqqumiitsulioriaatsit allat qulaatiinnarlugit filmiliornerup iluani ineriartornissaq massakkut Naalakkersuisut immikkut suliniutigigaat. Siunnersuummi oqaatigineqartoq tassaavoq Kalaallit Nunaat filmiliornerup nukittorsarneqarnissaanik kissaatigisaqarneq. Nukittunerulersitsineq Inatsisartunit Naalakkersuisutulli kissaatigineqartoq. Kalaallit Nunaanni Eqqumiitsuliornermut Aningaasaateqarfimmit filminstituttimut instituttip tapiissuteqarnermik suliaqarneranut 3,9 mio. kr.-nik nuussineq, immikkoortut allat tunulliutinneqalererannik ersersitsinerunngilaq, Ataatsimut isigalugu Kalaallit Nunaanni Eqqumiitsuliornermut Aningaasaateqarfimmi, filmiliornermut aningaasat tapiissutit ilanngunneqannginnerat sioqqullugu, amerlassusaat suli taakkuusussaammata. Naalakkersuisut isumaqanngillat, pineqartumi siunnersuut naapertorlugu Kalaallit Nunaanni Filminstituttip filmiliornermut tunngasunik tapiissutinik tunniussinermik suliaqarnerata kingunerissagaa, taamaalilluni Kalaallit Nunaanni Eqqumiitsuliornermut Aningaasaateqarfip suliaqarnerata kissaatigineqarunnaarnera.

Kalaallit Nunaanni Eqqumiitsuliornermut Aningaasaateqarfip kajumissaarutigaa, "konto pingarnermi 40.95.01-mi. Eqqumiitsuliornermut kulturimut tapiissutit allat" aningaasaateqarfimmut aningaasaliissutinit 3.900.000 kr.-nit tiguneqassanngitsut kajumissaarutigalugulu aningaasaliissutit tigummiinnarneqassasut, aamma EA filmiliornermut, taamatut eqqumiitsulioriaatsinut allanut nangittumik aningaasanik agguaasinnaassasoq. Filminstituttip nutaaq sunniuteqarnissamut periarfissikkumallugu imaassinnaavoq, qinnuteqaatit suliarinerinut paasisimasalinnik toqqaanermut filminstituttissaq peqataasinnaasoq. Kalaallit Nunaanni Eqqumiitsuliornermut Aningaasaateqarfip nangilluni oqaatigaa, eqqumiitsuloriaatsinut tamanut tapiissuteqarnermut aningaasat immikkoortitat EA-mit tigunagit, taarsiulluguli filmiliornermut tapiissuteqarnermut akisussaaffik filminstituttip tigussappagu, tassunga aningaasanik nutaanik nassaartoqartariaqartoq.

Tamanna pillugu qulaani pissutsit assinginut oqaaseqaat Naalakkersuisut innersuuppaat.

Kalaallit Nunaanni Eqqumiitsuliornermut Aningaasaateqarfip aamma kajumissaarutigaa, aningaasaliissutit "konto pingarnermut 40.95.01"-mut. Eqqumiitsuliornermut kulturimut tapiissutit allat" ukiuni aggersuni amerlineqassasut, eqqumiitsuloriaatsit tamarmik aningaasanut amerlanerusunut qinnuteqarsinnaaniassamata. Tamanna pisariaqarpoq eqqumiitsuloriaatsit iluanni ineriartorerujussuaq malinnaaffiginiarlugu aamma eqqumiitsuliortut inuussutissarsiornikkut periarfissaqarnerulernissaat pilersinniarlugu. Tamanna soorlu imaassinnaavoq ukiuni arlalinni ukiumoortumik ingerlaavartumik qaffakkiartortoq. 2025-mut aningaasanut inatsisisamut aamma ukiunut missingersuusiorfiusunut Naalakkersuisoqarfimmik itisiliinerusumik oqaloqatiginninnissaq EA-mit tamanna kissaatigineqarpoq.

Naalakkersuisut tassunga oqaatigissavaat, eqqumiitsuliornermut kulturimullu aningaasat Naalakkersuisut amerlanerulersikkusummatigit, kisianni tamanna aningaasanut inatsimmik suliaqarnermut atatillugu tulleriissaarinernut nalinginnaasunut ilaasariaqassaaq.

Filmiliornermik suliaqarneq pillugu inatsisisstatut siunnersuut saqqummiunneqartoq, ingammik tapiissutinik agguassisarnermut tunngatillugu, aningaasaqateqarfip sulineranut Kalaallillu Nunaanni eqqumiitsuliorntut silarsuaannut annertoorujussuarmik kinguneqassasoq Kalaallit Nunaanni Eqqumiitsuliornermut Aningaasaateqarfip naggasiilluni oqaatigaa. Naak aningaasaateqarfimmi siulersuisunut siusinnerusukkut saqqummiussisoqarsimanngikkaluartoq, taamaattumillu soorlu siusinnerusukkut allaaserineqartutut siunnersuutip matuma suliarineqarnera pillugu oqaloqatigiinnersut eqeersimaartumik ilaatisisoqarnissamik aningaasaateqarfik kajumissaaruteqassaaq. Aningaasaateqarfimmik oqaloqatiginnittoqassasoq aningaasaateqarfip kisiat siunnersuutiginnilaa, kisianni allat ingerlatsisut pingaarutillit soorlu EPI

Aningaasaateqarfip oqaloqatigiinneq pillugu oqaaseqaatai Naalakkersuisut tusaatissatut tiguaat.

Kommuneqarfik Sermersooq:

Kommuneqarfik Sermersooq tusarniaanermi akissuteqaatimini siullertut innersuussivoq siulersuisut katitigaanermikkut assigiinngisitaartuunissaanik. Oqaatigineqarpoq pingaartuusoq siulersuisut inuiaqatigiit, soorlu suiaassutsit, kulturikkut tunuliaqutit aamma filmiliornermik inuussutissarsiornermi immikkoortut. Siulersuisut assigiinngisitaartuunerisa qulakkiissavaat tamatigoortumik isummertarnissat taamaallillutillu Kalaallit Nunaanni filmikkut kultureqarnerup ineriartornissaa pitsaanerusumik tapersersussallugu.

Arnat angutillu pillugit siulersuisunut toqqaaneq naligiissitaaneq assigiinngisitsinnginnissarlu pillugit Inatsisartut inatsisaat nr. 36 4. juuni 2024-meersumi kapitali 7-imni malittarisassat naapertorlugit pissaaq. Naalakkersuisullu nalilerpaat siunnersuummi anguniarneqartoq siulersuisut katitigaanerisigut assigiinngisitaarnissaat. Maluginiarneqarpoq Kommuneqarfik Sermersooq siulersuisut inuttalersorneqarnissaanut allannguutissanik siunnersuuteqannngimmat.

Kommuneqarfik Sermersooq aamma oqaaseqarpoq, aningaasaliissutissanik qinnuteqarnerit suliarineranni akuersissutinillu suliaqarnermi suleriaatsnik sukumiisunik suliaqartoqassasoq. Soorlu Kalaallit Nunaanni filmiliornissamut qinnuteqaatit allaffissornikkut isumagineqarnissaannut suleriaatsimut assingusunik.

Naalakkersuisut tassunga oqaatigissavaat, siunnersuummi Naalakkersuisut aalajangersakkanik suliaqarnissaannut piumasaqaateqarmat aningaasanik tapiissuteqarnermi utertitsinermilu malittarisassanik suliaqarnissamut, aamma Kalaallit Nunaanni filmiliornissamut akuersissuteqarnissamut qinnuteqarnermut malittarisassanik

Suliaqartoqassaaq. Ujartorneqartoq aalajangersagaliornissaq nalunaarusiornikkut pissasoq naatsorsuutigineqarpoq. Taamaattumik Naalakkersuisut naleqquttuusorinngilaat inatsisiliornikkut tamanna pissasoq.

Kommuneqarfik Sermersuup aamma oqaatigaa Kalaallit Nunaanni filmilornermik inuussutissarsiuteqarneq siuarsarniarlugu erseqqissunik sinaakkusersuisoqassasoq, piginnaasaqartunik inerisaaneq aamma nutaanik misileraalluni filmiliornikkut eqqumiitsuliorneq qanoq tapersorsorneqassanersoq. Tassani suliniutigineqarsinnaapput workshoppit, mentorit atorlugit pilersaaruteqarnerit aamma filmiliassanut nutaanut neriuナateqartunut aningaasanik tapiissuteqarnerit, taakkumi najukkani atasinnaasumik ineriartornernut tapersiissapput.

Kalaallit Nunaanni Filminstituttip inatsisitigut siunersaasa ilaanni professionaliusumik misileraalluni filmiliornikkut eqqumiitsuliorneq aamma piginnaasalinnik inerisaanik filmiliornermut ingerlatsivimmik ingerlatsinikkut siuarsassavaa. Instituttip nammineq piareersaanermi sinaakkutissat aalajangersassavai, siunertaq taanna qanoq siuarsarneqassanersoq. Taassuma inatsisitigut annertunerusumik inatsisitigut malittarisassiunnissaa tulluartuutinngilaat taamaattumillu malittarisassiorfigissanagu.

Kommuneqarfik Sermersooq aamma kajumissaarivoq, filmilornermi inooqataanikkut akisussaassuseqarnissaq tapiissuteqarsinnaanissamut ilangunneqassasoq. Tamatumani piffinni suliniartut peqataatinneqartariaqarput, piffinni inuiaqtigiiit suleqatigineqassallutik piffinnilu ileqqut avatangiisillu ataqqineqassallutik. Piffinni isumalluutit piginnaasaqartullu pilersitsinerni peqataatinnissaat filmit kulturikkut pisuunngortissavaat, aammalu piffinni aningaasaqarneq inuiaqtigilli peqataanerat nukittorsassallugu.

Siunnersuummi § 21 naapertorlugu aningaasatigut tapiissuteqartarnermut aningaasartuutinillu utertitsisarnermut Naalakkersuisut malittarisassiussapput. Filmilornermi inooqatinut akisussaassuseqarneq malittarisassani aamma ilaatinneqarsinnaavoq. Siunnersuummi § 18, imm. 2 naapertorlugu tapiissutinik agguaaassinermi aamma atuagassanik aalajangersaasoqarsinnaavoq pineqartut pissutsit pillugit.

Kommuneqarfik Sermersooq Kalaallit Nunaanni Filminstituttip filmilornermut aningaasatigut tapiissutinik nammineerluni agguasarnissaa ernumassutigalugu allappoq. Tassunga ilanngullugu allappoq Kalaallit Nunaanni Eqqumiitsuliornermut Aningaasaateqarfik siunertaqareermat eqqumiitsuliorluni sulianut tapiissuteqarnissamut, taakkununngalu ilaapput filmilornerit, Kalaallit Nunaanni Filminstituti suliassamik taassuminnga suliassinneqarpat pisariaqanngitsumik allaffisornermik pilersitsisoqassaaq aamma allaffisornermut isumalluutit imminnut qalleraatilissallutik. Taamaattumik innersuussutigineqarpoq, Kalaallit Nunaanni Eqqumiitsuliornermut Aningaasaateqarfimmi aaqqissuussineq pigiinnarneqassasoq nukittorsarneqassasorlu filmilornermut aamma sammisaqarsinnaanngortillugu, taamaaliornikkut

allaffissornikkut isumalluutit sunniuteqarnerusumik atorneqassallutik. Taamaattumik aamma kaammattuisoqarpoq, sunaluunniit aaqqiissut toqbarneqaraluarpal, inuussutissarsiummut nutaanik isumaluutinik tunniussisoqassasoq, Eqqumiitsuliornermullu Aningaasaateqarfik ilanngaaffigineqassanani Filminstituttimut aningaasat illikartinnerisigut.

Naalakkersuisut nalilerpaat, Kalaallit Nunaanni Filminstitutti piginnaatinneqassasoq akisussaaffeqlissasorlu filmiliornermut aningaasatigut tapiissutinik agguasinnaanngornissaminut. Aningaasatigut tapiissutinik agguaneq eqqumiitsuliornikkut inuussutissarsiornermullu tunaartaqassaaq. Siunnersuummi Kalaallit Nunaanni Filminstituttimut siunertat aalajangerneqartut piviusunngortikkumallugit Naalakkersuisut isumaqarput pisariaqartoq institutti pineqartumut aningaasatigut tapiissutinik agguasalersinneqarnissaa. Tassunga atatillugu Naalakkersuisut nalilerpaat Kalaallit Nunaanni Eqqumiitsuliornermut Aningaasaateqarfiaita siunissami filmiliornermut tapiissuteqarsinnaanera killiliiffigineqassasoq. Pingaarterneqarpoq Kalaallit Nunaanni Eqqumiitsuliornermut Aningaasaateqarfik filmiliornikkut eqqumiitsuliornermut tapiissuteqarsinnaanera peerneqassanngitsoq. Nalunaarusiornikkut tapeeriaatsit tapiinermilu siunertat aalajangersarneqassapput, erseqqissitillugu Kalaallit Nunaanni Eqqumiitsuliornermut Aningaasaateqarfip aamma Kalaallit Nunaanni Filminstituttip sunut tapiissuteqarsinnarneri. Kalaallit Nunaanni Filminstituttimik pilersitsineq aningaasartuuteqarnerunermik kinguneqassaaq, siunnersuummut aningaasaqarnikkut allaffissornikkullu pisortanut kingunerisassani oqaaseqaatiniittuni tamanna nassuiarneqarpoq. Tamatumunngu itinerusumik nassuaaneq innersuussutigineqarpoq.

Kommuneqarfik Sermersooq aamma Filmiliortarfiup pingaaruteqarneranik erseqqissaavoq, tassungalu Namminersorlutik Oqartussat ingerlatsinermut tapiissutaasa angeqataanik kommuni tapiissuteqartarpoq. Kommunip inassutigaa Filmiliortarfik naliliiffigineqassasoq, taamaaliornikkut kommunip tapersiissuteqartarnera iliuuseqartarneralu nukittorsarneqarsinnaammat, qilanaaralugulu Filmiliortarfiup ineriertortinneaqqinnissaa kalaallit filmimik inuussutissarsiorneranni angusaqarluartarnera qulakkeerniarlugu.

Siornatigut Naalakkersuisut taavaat Filmiliortarfik pillugu Kommuneqarfik Sermersuumik suleqateqarneq pillugu oqaloqateqarneq aallartisarneqarsimasoq.

Kommuneqarfik Sermersooq naggasiilluni oqaaseqarpoq, Kalaallit Nunaanni filmiliornermik inuussutissarsiuteqarnerup inatsisiornikkut nukittorsarneqarnissaanut kommuni isumaqataasoq, aamma kommuni neriuuppoq allannguutissatut siunnersuutit erseqqissaanerillu Kalaallit Nunaanni suli annertunerusumik peqataatisilluni filminik sanaartortoqarnissamut ilapittuutaajumaartut.